



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KC


18059

NEDL TRANSFER



HN 67BT 7

KC 18059



presented by C. Francis

C. Francis.
1824.

C. C.

SALLUSTII

CATILINARIA ET JUGURTHINA

BELLA.

EDITIO STEREOTYPA.




PARISIIS,

EX OFFICINA STEREOTYPA

P. DIDOT NATU MAJORIS, ET F. DIDOT.

ANNO IX. (1801.) -



~~LS 5.165~~
KC 18059

C. C. SALLUSTII
BELLUM CATILINARIUM,
SIVE
DE CONJURATIONE CATILINAE
EJUSQUE SOCIORUM.

I. OMNIS homines, qui sese student præstare ceteris animalibus, summâ ope niti decet vitam silentio ne transeant, veluti pecora, quæ natura prona atque ventri obedientia finxit. Sed nostra omnis vis in animo et corpore sita: animi imperio, corporis servitio, magis utimur. Alterum nobis cum dis, alterum cum belluis, commune est. Quò mihi rectius videtur ingenii quàm virium opibus gloriam quærere, et, quoniam vita ipsa quâ fruimur brevis est, memoriam nostri quàm maxumè longam efficere. Nam divitiarum et formæ gloria fluxa atque fragilis; virtus clara æternaque habetur. Sed diù magnum inter mortalis certamen fuit, vine corporis, an virtute animi, res militaris magis procederet. Nam et, prius quàm incipias, consulto, et, ubi consulueris, maturè facto, opus est. Ita utrumque, per se indigens, alterum alterius auxilio veget.

II. Igitur initio reges (nam in terris nomen imperii id primum fuit) diversi; pars ingenium, alii corpus, exercebant: et jam tum vita hominum sine cupiditate agitabatur; sua cuique satis placebant. Postea verò quàm in Asià Cyrus, in Græcià Laeodæmonii et Athenienses, cœpere urbes atque nationes subigere, lubidinem dominandi causam belli habere, maximam gloriam in maximo imperio putare; tum demum periculo atque negotiis compertum est in bello plurimum ingenium posse. Quòd si regum atque imperatorum animi virtus in pace ita uti in bello valeret, æquabilius atque constantius sese res humanæ haberent; neque aliud alio ferri, neque mutari ac misceri omnia, cerneret. Nam imperium facile his artibus retinetur quibus initio partum est. Verùm ubi pro labore desidia, pro continentia et æquitate lubido atque superbia invasere, fortuna simul cum moribus immutatur. Ita imperium semper ad optimum quemque a minùs bono transfertur. Quæ homines arant, navigant, ædificant, virtuti omnia parent. Sed multi mortales, dediti ventri atque somno, indocti incultique, vitam sicuti peregrinantes transegere: quibus, profectò contra naturam, corpus voluptati, anima oneri, fuit. Eorum ego vitam mortemque juxtà æstumo, quoniam de utrâque siletur. Verùm enim verò is demum mihi vivere atque frui animâ videtur, qui, aliquo negotio intentus, præclari facinoris aut artis bonæ famam quærit. Sed in magnâ copiam rerum aliud alii natura iter ostendit.

III. PULCRUM est bene facere reipublicæ: etiam bene dicere haud absurdum est; vel pace vel bello

clarum fieri licet: et qui fecere, et qui facta aliorum scripsere, multi laudantur. Ac mihi quidem, tamen etsi haudquaquam par gloria æquatur scriptorem et auctorem rerum, tamen in primis arduum videtur res gestas scribere: primum, quòd facta dictis sunt exæquanda; dehinc, quia plerique, quæ delicta reprehenderis, malivolentiâ et invidiâ dicta putant: ubi de magnâ virtute et gloriâ bonorum memores, quæ sibi quisque facilia factu putat, æquo animo accipit; supra ea, veluti ficta, pro falsis ducit. Sed ego adolescentulus initio, sicuti plerique, studio ad rempublicam latus sum, ibique mihi adversa multa fuere. Nam pro pudore, pro abstinentiâ, pro virtute, audacia, largitio, avaritia, vgebant. Quæ tametsi animus aspernabatur, insolens malarum artium, tamen inter tanta vitia imbecilla ætas ambitione corrupta tenebatur: ac me, quum ab reliquorum malis moribus dissentirem, nihilo minus honoris cupido eadem, quæ ceteros, fama atque invidia vexabat.

IV. Igitur ubi animus ex multis miseriis atque periculis requievit, et mihi reliquam ætatem a republicâ procul habendam decrevi; non fuit consilium secordiâ atque desidiâ bonum otium contere; neque verò agrum colendo, aut venando, servilibus officiis intentum, ætatem agere; sed a quo incepto studio me ambitio mala detinuerat, eodem regressus, statui res gestas populi romani carptim, ut quæque memoriâ digna videbantur, perscribere; eò magis quòd mihi a spe, metu, partibus reipublicæ, animus liber erat. Igitur de Catilinæ conjuratione, quàm verissimè potero, paucis absolvam.

Nam id facinus in primis ego memorabile existumo, sceleris atque periculi novitate. De cujus hominis moribus pauca prius explananda sunt quàm initium narrandi faciam.

V. LUCIUS CATALINA, nobili genere natus, fuit magnâ vi et animi et corporis, sed ingenio malo pravoque. Huic ab adolescentiâ bella intestina, cædes, rapinæ, discordia civilis, grata fuere: ibique juventutem suam exercuit. Corpus patiens inediæ, vigiliæ, alboris, suprâ quàm cuique credibile est. Animus audax, subdolos, varius, cujus rei libet simulator ac dissimulator, alieni appetens, sui profusus, ardens in cupiditatibus, satis loquentiæ, sapientiæ parum. Vastus animus immoderata, incredibilia, nimis alta, semper cupiebat. Hunc post dominationem Lucii Sullæ lubido maxima invaserat reipublicæ capiundæ: neque id quibus modis adsequeretur, dum sibi regnum pararet, quidquam pensi habebat. Agitabatur magis magisque in dies animus ferox inopiâ rei familiaris, et conscientiâ scelerum: quæ utraque his artibus auxerat quas suprâ memoravi. Incitabant præterea corrupti civitatis mores, quos pessuma ac diversa inter se mala, luxuria atque avaritia, vexabant. Res ipsa hortari videtur, quoniam de moribus civitatis tempus admonuit, suprâ repetere, ac paucis instituta majorum domi militiæque, quomodo rempublicam habuerint, quantamque reliquerint, et ut paullatim immutata, ex pulcherrimâ et optimâ pessuma ac flagitiosissima facta sit, disserere.

VI. URBEM Romam, sicuti ego accepi, condidere atque habuere initio Trojani, qui, Aeneâ duce, profugi, sedibus incertis vagabantur; cumque his Abo-

rigines, genus hominum agreste, sine legibus, sine imperio, liberum atque solutum. Hi postquam in una moenia convenere, dispari genere, dissimili lingua, alius alio more viventes, incredibile memoratu est quam facile coaluerint. Sed postquam res eorum civibus, moribus, agris aucta, satis prospera satisque pollens videbatur, sicuti pleraque mortalium habentur, invidia ex opulentiâ orta est. Igitur reges populique finitumi bello tentare; pauci ex amicis auxilio esse; nam ceteri metu percussi a periculis aberant. At Romani domi militiæque intenti festinare; parare; alius alium hortari; hostibus obviam ire; libertatem, patriam, parentesque armis tegere. Post, ubi pericula virtute propulerant, sociis atque amicis auxilia portabant: magisque dandis quam accipiendis beneficiis amicitias parabant. Imperium legitimum, nomen imperii regium habebant: delecti, quibus corpus annis infirmum, ingenium sapientiâ validum, reipublicæ consultabant. Hi vel ætate, vel curæ similitudine, Patres appellabantur. Post, ubi regium imperium, quod initio conservandæ libertatis atque augendæ reipublicæ fuerat, in superbiam dominationemque se convertit, immutato more, annua imperia, binosque imperatores sibi fecere. Eo modo minumè posse putabant per licentiam inolescere animum humanum.

VII. SED eâ tempestate cœpere se quisque extollere, magisque ingenium in promptu habere. Nam regibus boni quam mali suspectiores sunt, semperque his aliena virtus formidolosa est. Sed civitas, incredibile memoratu est, adeptâ libertatè, quantum brevi creverit: tanta cupido gloriæ incesserat. Jam

primum juvenis simul laboris ac belli patiens erat, in castris per usum militiam discerebat : magisque in decoris armis et militaribus equis, quam in scortis atque conviviis, libidinem habebat. Igitur talibus viris non labor insolitus, non locus ullus asper aut arduus erat, non armatus hostis formidolosus : virtus omnia domuerat. Sed gloriæ maximum certamen inter ipsos erat : sese quisque hostem ferire, murum ascendere, conspici, dum tale facinus faceret, properabat ; eas divitias, eam bonam famam magnamque nobilitatem putabant : laudis avidi, pecuniæ liberales, erant : gloriam ingentem, divitias honestas, volebant. Memorare possem quibus in locis maximas hostium copias populus romanus parvâ manu fuderit, quas urbis naturâ munitas pugnando ceperit, ni ea res longius ab incepto traheret.

VIII. Sed profectò fortuna in omni re dominatur : ea res cunctas, ex libidine magis quam ex vero, celebrat obsecratque. Atheniensium res gestæ, sicuti ego æstimo, satis amplæ magnificæque fuere ; verum aliquanto minores tamen quam famâ feruntur. Sed quia provenere ibi scriptorum magna ingenia, per terrarum orbem Atheniensium facta pro maxumis celebrantur. Ita eorum qui ea fecere virtus tanta habetur, quantum verbis eam potuere extollere præclara ingenia. At populo romano numquam ea copia fuit, quia prudentissimus quisque negotiosus maxumè erat : ingenium nemo sine corpore exercebat ; optimus quisque facere quam dicere, sua ab aliis benefacta laudari, quam ipse aliorum narrare, malebat.

IX. IERRUA domi militiæque boni mores colebantur. Concordia maxuma, minuma avaritia, erat; jus bonumque apud eos non legibus magis quàm naturâ valebat. Jurgia, discordias, similitates, cum hostibus exercebant; cives cum civibus de virtute certabant. In suppliciis deorum magnifici, domi parci, in amicis fideles, erant. Duabus his artibus, audaciâ in bello, ubi pax evenerat æquitate, seque remque publicam curabant. Quarum rerum ego maxuma documenta hæc habeo; quòd in bello sæpiùs vindictum est in eos qui contra imperium in hostem pugnaverant, quique tardiùs, revocati, bello excesserant, quàm qui signa relinquere, aut, pulsi, loco cedere, ausi erant; in pace verò quòd beneficiis magis quàm metu imperium agitabant, et, acceptâ injuriâ, ignoscere quàm persequi malebant.

X. Sæd ubi labore atque justitiâ respublica crevit, reges magni bello domiti, nationes feræ et populi ingentes vi subacti, Carthago, æmula imperii romani, ab stirpe interiit, cuncta maria terræque patebant; sævire fortuna ac miscere omnia coepit. Qui labores, pericula, dubias atque asperas res, facilè toleraverant, iis otium, divitiæ, optandæ aliis, oneri miseriæque fuere. Igitur primò pecuniæ, deinde imperii, cupido crevit: ea quasi materies omnium malorum fuere. Namque avaritia fidem, probitatem, ceterasque artis bonas, subvertit; pro his superbiam, crudelitatem, deos neglegere, omnia venalia habere, edocuit. Ambitio multos mortalis falsos fieri subegit; aliud clausum in pectore, aliud in linguâ promptum, habere; amicitias inimicitiasque non ex re, sed ex commodo, æstumare; magisque

vultum quàm ingenium bonum habere. Hæc primò paullatim crescere, interdum vindicari. Pòst ubi, contagio quasi, pestilentia invasit, civitas immutata, imperium ex justissumo atque optumo crudele intolerandumque factum.

XI. Sæd, primò magis ambitio quàm avaritia animos hominum exercebat: quod tamen vitium propiùs virtutem erat. Nam gloriam, honorem, imperium, bonus et ignavus æquè sibi exoptant: sed ille verà viâ nititur; huic quia bonæ artes desunt, dolis atque fallaciis contendit. Avaritia pecuniæ studium habet, quam nemo sapiens concupivit: ea, quasi venenis malis imbuta, corpus animumque virilem effeminat; semper infinita, insatiabilis est; neque copiâ neque inopiâ minuitur. Sed postquam L. Sulla, armis receptâ republicâ; bonis initiis malos eventus habuit, rapere omnes, trahere; domum alius, alius agros cupere, neque modum neque modestiam victores habere, fœda crudeliaque in civis facinora facere. Huc accedebat, quòd L. Sulla exercitum, quem in Asiam ductaverat, quò sibi fidum faceret, contra morem majorum, luxuriosè nimisque liberaliter habuerat. Loca amœna, voluptaria, facilè in otio ferocis militum animos molliverant. Ibi primùm insuevit exercitus populi romani amare, potare; signa, tabulas pictas, vasa cælata, mirari; ea privatim ac publicè rapere; delubra spoliare; sacra profanaque omnia polluere. Igitur hi milites, postquam victoriam adepti sunt, nihil reliqui victis fecere. Quippe secundæ res sapientium animos fatigant: ne illi, corruptis moribus, victoriæ temperarent.

XII. POSTQUAM divitiæ honori esse cœpere, et eas gloria, imperium, potentia, sequebatur; hebescere virtus, paupertas probro haberi, innocentia pro malivolentiâ duci, cœpit. Igitur ex divitiis juventutem luxuria atque avaritia cum superbiâ invasere: rapere, consumere; sua parvi pendere, aliena cupere; pudorem, pudicitiam, divina atque humana promiscua, nihil pensi atque moderati habere. Operæ pretium est, quum domos atque villas cognoveris in urbium modum exædificatas, visere templa deorum quæ nostri majores, religiosissimi mortales, fecere. Verum illi delubra deorum pietate, domos suâ gloriâ, decorabant, neque victis quidquam præter injuriæ licentiam eripiebant. At hi contrâ ignavissimi homines, per summum scelus, omnia ea sociis adimere quæ fortissimi viri victores hostibus reliquerant: proinde quasi injuriam facere, id demum esset imperio uti.

XIII. NAM quid ea memorem quæ, nisi iis qui videre, nemini credibilia sunt, a privatis compluribus subversos montes, maria constructa, esse? Quibus mihi videntur ludibrio fuisse divitiæ; quippe, quas honestè habere licebat, abuti per turpitudinem properabant. Sed lubido stupri, ganæ, ceterique cultûs, non minor incesserat: viros pati muliebria, mulieres pudicitiam in propatulo habere; vescendi caussâ, terrâ marique omnia exquirere; dormire prius quàm somni cupido esset; non famem, aut sitim, neque frigus, neque lassitudinem opperiri, sed ea omnia luxu antecapere. Hæc juventutem, ubi familiares opes defecerant, ad facinora incendebant. Animus imbutus malis artibus haud fa-

cilè lubricinibus carebat: eò profusiùs omnibus modis quæstui atque sumtui deditus erat.

XIV. In tantâ tamque corruptâ civitate Catilinâ, id quod factu facillimum erat, omnium flagitiorum atque facinorum circum se, tamquam stipatorum, catervas habebat. Nam quicumque impudicus, adulter, ganeo, manu, ventre, pene, bona patria lace-raverat, quique alienum æs grande conflaverat, quo flagitium aut facinus redimeret; præterea omnes undique parricidæ, sacrilegi, convicti judiciis, aut pro factis iudicium timentes; ad hoc, quos manus atque lingua perjurio aut sanguine civili alebat; postremò omnes quos flagitium, egestas, conscius animus, exagitabat; ii Catilinæ proximi familiaresque erant. Quòd si quis etiam a culpâ vacuus in amicitiam ejus inciderat, quotidiano usu atque illecebris facilè par similisque ceteris efficiebatur. Sed maxumè adolescentium familiaritates adpetebat: eorum animi, molles et ætate fluxi, dolis haud difficulter capiebantur. Nam uti cujusque studium ex ætate flagrabat, aliis scorta præbere, aliis canes atque equos mercari; postremò neque sumtui neque modestiæ suæ parcere, dum illos obnoxios fidosque faceret. Scio fuisse nonnullos qui ita æstumarent juventutem, quæ domum Catilinæ frequentabat, parum honestè pudicitiam habuisse; sed ex aliis rebus magis quàm quod cuiquam compertum foret, hæc fama valebat.

XV. Jam primùm adolescens Catilina multa nefanda stupra fecerat, cum virgine nobili, cum sacerdote Vestæ, et alia hujusce modi contra jus fasque. Postremò captus amore Aureliæ Orestillæ, cu-

jus præter formam nihil umquam bonus laudavit; quòd ea nubere illi dubitabat, timens privignum adultà ætate, pro certo creditur, necato filio, vacuum domum scelestis nuptiis fecisse. Quæ quidem res mihi in primis videtur caussa fuisse facinoris maturandi. Namque animus impurus, dis hominibusque infestus, neque vigiliis neque quietibus sedari poterat: ita conscientia mentem excitam vastabat. Igitur colos exsanguis, fœdi oculi; citus modò, modò tardus, incessus; prorsus in facie vultuque vecordia inerat.

XVI. Sæp juventutem, quam, ut suprà diximus, illexerat, multis modis mala facinora edocebat. Ex illis testes signatoresque falsos commodare; fidem, fortunas, pericula vilia habere; pòst, ubi eorum famam atque pudorem attriverat, majora alia imperabat. Si caussa peccandi in præsens minùs suppetebat, nihilò minùs insontes, sicuti sontes, circumvenire, jugulare: scilicet, ne per otium torpescerent manus aut animus, gratuitò potiùs malus atque crudelis erat. His amicis sociisque confisus Catilina, simul quòd æs alienum per omnis terras ingens erat, et quòd plerique sullani milites, largiùs suo usi, rapinarum et victoriæ veteris memores, civile bellum exoptabant, opprimundæ reipublicæ consilium cepit. In Italià nullus exercitus: Cn. Pompeius in extremis terris bellum gerebat: ipsi consulatum petundi magna spes: senatus nihil sanè intentus: tutæ tranquillæque res omnes; sed ea prorsus opportuna Catilinæ.

XVII. Igitur circiter kalendas junias, L. Cæsare et C. Figulo consulibus, primò singulos appellare;

CAP. XXXVIII

In hac conjuratione, imperatam
 conjurationis docere.
 quae voluit, in unum om-
 nem necessitudo et pluri-
 bus convenire senatorii ordinis P.
 Autronius, P. Autronius, L. Cassius Longinus,
 P. et Servius Sullae Servii filii, L.
 Q. Annii, Q. Annii, M. Porcius Laeca, L. Bes-
 tius: praeterea ex equestri ordine M. Ful-
 vius Nobilior, L. Statilius, P. Gabinus Capito, C.
 ad hoc multi ex coloniis et municipiis,
 nobiles. Erant praeterea complures paullo oc-
 casus consilii hujusce participes nobiles, quos
 dominionis spes hortabatur quam inopia,
 necessitudo. Ceterum juvenus pleraque,
 nobilium, Catilinae inceptis favebat.
 quibus in otio vel magnifice vel molliter vivere
 copia erat, incerta pro certis, bellum quam pacem
 petebant. Fuere item ea tempestate qui crederent
 M. Licinium Crassum non ignarum ejus consilii
 fuisse; quia Cn. Pompeius, invisus ipsi, magnum
 exercitum duxerat; cujusvis opes voluisse contra
 illius potentiam crescere: simul confisum, si conju-
 ratio valuisset, facile apud illos principem se fore.

XVIII. Sed antea item conjuraverunt pauci contra
 rempublicam, in quibus Catilina. De quo quam
 vetustate potero dicam. L. Tullo, M. Lepido con-
 sulibus, P. Autronius et P. Sulla, designati consu-
 les, legibus ambitus interrogati poenas dederant. Post
 paullo Catilina, pecuniarum repetundarum reus,
 prohibitus erat consulatum petere; quod intra le-
 gitimos dies profiteri nequiverit. Erat eodem tem-

pore Cn. Piso, adolescens nobilis, summæ audaciæ, egens, factiosus, quem ad perturbandam rem publicam inopia atque mali mores stimulabant. Cum hoc Catilina et Autronius, consilio communicato, parabant in Capitolio kalendis januariis L. Cottam et L. Torquatum consules interficere; ipsi, fascibus correptis, Pisonem cum exercitu ad obtinendas duas Hispanias mittere. Eâ re cognitâ, rursus in nonas februarias consilium cædis transtulerant. Jam tum non consulibus modò, sed plerisque senatoribus, perniciem machinabantur. Quod ni Catilina maturasset pro curiâ signum sociis dare, eo die, post conditam urbem romanam, pessimum facinus patratum foret. Quia nondum frequentes armati convenerant, ea res consilium diremit.

XIX. POSTEA Piso in citeriorem Hispaniam quæstor pro prætore missus est, adnitente Crasso, quòd eum infestum inimicum Cn. Pompeio cognoverat. Neque tamen senatus provinciam invitus dederat: quippe fœdum hominem à republicâ procul esse volebat; simul, quia boni quàm plures præsidium in eo putabant, et jam tum potentia Cn. Pompeii formidolosa erat. Sed is Piso, in provinciam ab equitibus hispanis, quos in exercitu ductabat, iter faciens, occisus est. Sunt qui ita dicunt imperia ejus injusta, superba, crudelia, barbaros nequivisse pati; alii autem, equites illos, Cn. Pompeii veteres fidosque clientes, voluntate ejus Pisonem adgressos: numquam Hispanos præterea tale facinus fecisse, sed imperia sæva multa antea perpessos. Nos eam rem in medio relinquemus. De superiore conjuratione satis dictum.

XX. CATILINA, ubi eos quos paullo antè memoravi convenisse videt, tametì cum singulis multa sæpè egerat, tamen in rem fore credens universos adpellare et cohortari, in abditam partem ædium secedit; atque ibi, omnibus arbitris procul amotis, orationem hujusmodi habuit:

« Ni virtus fidesque vestra spectata mihi forent,
 « nequidquam opportuna res cecidisset; spes magna, dominatio in manibus frustra fuissent: neque ego per ignaviam, aut vana ingenia, incerta pro certis captarem. Sed quia multis et magnis tempestatibus vos cognovi fortes fidesque mihi, eò animus ausus maxumum atque pulcherrimum facinus incipere; simul quia vobis eadem quæ mihi bona malaque intellexi. Nam idem velle atque nolle, ea demum firma amicitia est. Sed ego quæ mente agitavi, omnes jam antea diversi audistis. Ceterum mihi in dies magis animus accenditur, quum considero quæ conditio vitæ futura sit, nisi nosmet ipsi vindicamus in libertatem. Nam postquam respublica in paucorum potentium jus atque ditionem concessit, semper illis reges, tetrarchæ vectigales esse: populi, nationes stipendia pendere: ceteri omnes, strenui, boni, nobiles atque ignobiles, vulgus fuimus, sine gratiâ, sine auctoritate, his obnoxii quibus, si respublica valeret, formidini essemus. Itaque omnis gratia, potentia, honos, divitiæ, apud illos sunt, aut ubi illi volunt: repulsas nobis reliquere, pericula, judicia, egestatem. Quæ quousque tandem patiemini, fortissimi viri? Nonne emori per virtutem præstat, quàm vitam miseram atque inhonestam,

« ubi alienæ superbæ ludibrio fueris, per dedecus
« amittere? Verum enim verò, pro deum atque ho-
« minum fidem! victoria nobis in manu. Viget ætas,
« animus valet: contrà illis, annis atque divitiis,
« omnia consenuerunt. Tantummodo incepto opus
« est: cetera res expediet. Etenim quis mortalium,
« cui virile ingenium, tolerare potest, illis divitias
« superare, quas profundant in extruendo mari et
« montibus cosequandis; nobis rem familiarem
« etiam ad necessaria deesse? illos binas, aut ampliùs,
« domos continuare; nobis larem familiarem nus-
« quam ullum esse? Quum tabulas, signa, toreumata
« emunt, nova diruunt, alia ædificant; postremò
« omnibus modis pecuniam trahunt, vexant; tamen
« summâ labidine divitias vincere nequeunt. At no-
« bis domi inopia, foris æs alienum: mala res, spes
« multò asperior. Denique, quid reliqui habemus,
« præter miseram animam? Quin igitur expergisci-
« mini? En illa, illa, quam sæpè optastis, libertas,
« præterea divitiæ, decus, gloria, in oculis sita
« sunt: fortuna ea omnia victoribus præmia posuit.
« Res, tempus, pericula, egestas, belli spolia ma-
« gnifica, magis quàm oratio, hortentur. Vel impe-
« ratore, vel milite me utemini. Neque animus, ne-
« que corpus a vobis aberit. Hæc ipsa, ut spero, vo-
« biscum consul agam: nisi fortè animus fallit, et
« vos servire magis quàm imperare parati estis. »

XXI. POSTQUAM accepere ea homines, quibus ma-
la abundè omnia erant, sed neque res neque spes
bona ulla, tamen etsi illis quæta movere magna
merces videbatur, tamen postulare plerique, uti
proponeret, quæ conditio belli foret, quæ præmia

armis peterent, quid ubique opis aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia quæ bellum atque libido victorum fert. Præterea esse in Hispaniâ citeriore Pisonem, in Mauritanîâ cum exercitu P. Sittium Nucerinum, consilii sui participes: petere consulatum C. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo consulem se initium agendi facturum. Ad hoc maledictis increpat omnis bonos: suorum unumquemque nominans laudare; admonebat alium egestatis, alium cupiditatis suæ, complures periculi aut ignominiae, multos victoriae sullanae, quibus ea prædæ fuerat. Postquam omnium animos alacris videt, cohortatus ut petitionem suam curæ haberent, conventum dimisit.

XXII. FUERE, eâ tempestate, qui dicerent Catilinam, oratione habitâ, quum ad iurjurandum populæris sceleris sui adigeret, humani corporis sanguinem vino permixtum in pateris circumtulisse; inde quum post execrationem omnes degustavissent, sicuti in sollemnibus sacris fieri consuevit, aperuisse consilium suum, atque eò dictitare fecisse, quò inter se fidi magis forent, alius alii tanti facinoris conscii. Nonnulli ficta hæc, multa præterea, existumabant ab iis qui Ciceronis invidiam, quæ postea orta est, leniri credebant atrocitate sceleris eorum qui pœnas dederant. Nobis ea res pro magnitudine parum comperta est.

XXIII. SED in eâ conventionem fuit Q. Curius, natus haud obscuro loco, flagitiis atque facinoribus

*See an account of Salustius
Pica's great picture on this
subject, in Lady Morgan's
Life of Pica, published by Pica,
vol. 1. p. 152 &c. C. Fr.*

coopertus; quem censores senatu probri gratiâ amoverant. Huic homini non minor vanitas quàm audacia; neque reticere quæ audierat, neque suamet ipse scelera occultare. Prorsus neque dicere neque facere quidquam pensi habebat. Erat ei cum Fulviâ, muliere nobili, stupri vetus consuetudo; cui quum minùs gratus esset, quia inopiâ minùs largiri poterat, repentè glorians, maria montesque polliceri cœpit; minari interdum ferro, nisi obnoxia foret; postremò ferociùs agitare quàm solitus erat. At Fulvia, insolentiæ Curiî causâ cognitâ, tale periculum reipublicæ hand occultum habuit; sed, sublato auctore, de Catilinæ conjuratione quæ, quo modo, audierat compluribus narravit. Ea res in primis studia hominum accendit ad consulatum mandandum M. Tullio Ciceroni. Namque antea pleraque nobilitas invidiâ æstuabat, et quasi pollui consulatum credebant, si eum, quamvis egregius, homo novus adeptus foret. Sed, ubi periculum advenit, invidia atque superbia postfuere.

XXIV. Igemma comitiis habitis, consules declarantur M. Tullius et C. Antonius. Quod factum primò popularis conjurationis concusserat. Neque tamen Catilinæ furor minuebatur; sed in dies plura agitare; arma per Italiam locis opportunis parare; pecuniam, suâ aut amicorum fide sumtam mutuam, Fesulas ad Manlium quemdam portare, qui postea princeps fuit belli faciundi. Eâ tempestate plurimos cujusque generis homines adscivisse sibi dicitur; mulieres etiam aliquot, quæ primo ingentis sumtus stupro corporis toleraverant; post, ubi ætas tantummodo quæstui, neque luxuriæ, modum fecerat, ses

armis peterent, quid ubique opis aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia quæ bellum atque libido victorum fert. Præterea esse in Hispaniâ citeriore Pisonem, in Mauritanîâ cum exercitu P. Sittium Nucerinum, consilii sui participes: petere consulatum C. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo consulem se initium agendi facturum. Ad hoc maledictis increpat omnis bonos: suorum unumquemque nominans laudare; admonebat alium egestatis, alium cupiditatis suæ, complures periculi aut ignominie, multos victoriæ sullanæ, quibus ea prædæ fuerat. Postquam omnium animos alacris videt, cohortatus ut petitionem suam curæ haberent, conventum dimisit.

XXII. FUERE, eâ tempestate, qui dicerent Catilinam, oratione habitâ, quum ad iurandum popularis sceleris sui adigeret, humani corporis sanguinem vino permixtum in pateris circumtulisse; indè quum post execrationem omnes degustavissent, sicuti in sollemnibus sacris fieri consuevit, aperuisse consilium suum, atque eò dictitare fecisse, quò inter se fidi magis forent, alius alii tanti facinoris consciî. Nonnulli ficta hæc, multa præterea, existumabant ab iis qui Ciceronis invidiam, quæ postea orta est, leniri credebant atrocitate sceleris eorum qui pœnas dederant. Nobis ea res pro magnitudine parum comperta est.

XXIII. SED in eâ conventionem fuit Q. Carinus, et obscuro loco, flagitiis atque facinoribus

*in account of Salvator
sent picture on this
in Lady Morgan's
copy of Salvator Rosa
1524 C. Fr.*

ocportus; quem censores senata probri gratia amovebant. Huic homini non minor vanitas quam ambicia; neque reticere quae audierat, neque suamet ipse scelera occultare. Procius neque dicere neque facere quidquam pensi habebat. Erat ei cum Fulvia, muliere nobili, stupri vetus consuetudo; cui quum minus gratus esset, quia inopia minus largiri poterat, repente glorians, maria montesque polliceri coepit; minari interdum ferro, nisi obnoxia foret; postremo ferocius agitare quam solitus erat. At Fulvia, insolentiae Curii causam cognitam, tale periculum reipublicae hand occultum habuit; sed, sublato auctore, de Catilinae conjuratione quae, quo modo, audierat compluribus narravit. Ea res in primis studia hominum accendit ad consulatum mandandum M. Tullio Ciceroni. Namque antea pleraque nobilitas invidia aestuabat, et quasi pollui consulatum credebant, si eum, quamvis egregius, homo novus adeptus foret. Sed, ubi periculum advenit, invidia atque superbia postfuere.

XXIV. Igitur comitiis habitis, consules declarantur M. Tullius et C. Antonius. Quod factum primo popularis conjurationis concusserat. Neque tamen Catilinae furor minuebatur; sed in dies plura agitare; arma per Italiam locis opportunis parare; pecuniam, suam aut amicorum fide sumtam mutuum. Fesulas ad Manlium quemdam portare, qui postea princeps fuit belli faciundi. Ea tempestate plurimos cujusque generis homines adscivisse sibi dicitur; mulieres etiam aliquot, quae primo ingentis sumtus stupro corporis toleraverant; post, ubi aetas tantummodo quaestui, neque luxuriae, modum fecerat, un-

hortari alios, alios tentare: opes suas, imparatam rempublicam, magna præmia conjurationis docere. Ubi satis explorata sunt quæ voluit, in unum omnis convocat quibus maxuma necessitudo et plurimum audaciæ. Eò convenere senatorii ordinis P. Lentulus Sura, P. Autronius, L. Cassius Longinus, C. Cethegus, P. et Servius Sullæ Servii filii, L. Vargunteius, Q. Annius, M. Porcius Læca, L. Bestia, Q. Curius: præterea ex equestri ordine M. Fulvius Nobilior, L. Statilius, P. Gabinus Capito, C. Cornelius: ad hoc multi ex coloniis et municipiis, domi nobiles. Erant præterea complures paullo occultius consilii hujusce participes nobiles, quos magis dominationis spes hortabatur quàm inopia, aut alia necessitudo. Ceterum juvenus pleraque, sed maxumè nobilem, Catilinæ inceptis favebat. Quibus in otio vel magnificè vel molliter vivere copia erat, incerta pro certis, bellum quàm pacem malebant. Fuere item eà tempestate qui crederent M. Licinium Crassum non ignarum ejus consilii fuisse; quia Cn. Pompeius, invisus ipsi, magnum exercitum ductabat; cujusvis opes voluisse contra illius potentiam crescere: simul confisum, si conjuratio valuisset, facile apud illos principem se fore.

XVIII. SED antea item conjuravere pauci contra rempublicam, in quibus Catilina. De quo quàm verissumè potero dicam. L. Tullo, M. Lepido consulibus, P. Autronius et P. Sulla, designati consules, legibus ambitus interrogati pœnas dederant. Post paullo Catilina, pecuniarum repetundarum reus, prohibitus erat consulatum petere; quòd intra legitimos dies profiteri nequiverit, Erat eodem tem-

pore Cn. Piso, adolescens nobilis, summæ audaciæ, egens, factiosus, quem ad perturbandam rem publicam inopia atque mali mores stimulabant. Cum hoc Catilina et Autronius, consilio communicato, parabant in Capitolio kalendis januariis L. Cottam et L. Torquatum consules interficere; ipsi, fascibus correptis, Pisonem cum exercitu ad obtinendas duas Hispanias mittere. Eâ re cognitâ, rursus in nonas februarias consilium cædis transtulerant. Jam tum non consulibus modò, sed plerisque senatoribus, perniciem machinabantur. Quod ni Catilina maturasset pro curiâ signum sociis dare, eo die, post conditam urbem romanam, pessimum facinus patratum foret. Quia nondum frequentes armati convenerant, ea res consilium diremit.

XIX. POSTEA Piso in citeriorem Hispaniam quæstor pro prætore missus est, adnitente Crasso, quòd eum infestum inimicum Cn. Pompeio cognoverat. Neque tamen senatus provinciam invitus dederat: quippe fœdum hominem à republicâ procul esse volebat; simul, quia boni quàm plures præsidium in eo putabant, et jam tum potentia Cn. Pompeii formidolosa erat. Sed is Piso, in provinciam ab equitibus hispanis, quos in exercitu ductabat, iter faciens, occisus est. Sunt qui ita dicunt imperia ejus injusta, superba, crudelia, barbaros nequivisse pati; alii autem, equites illos, Cn. Pompeii veteres fidosque clientes, voluntate ejus Pisonem adgressos: numquam Hispanos præterea tale facinus fecisse, sed imperia sæva multa antea perpessos. Nos eam rem in medio relinquemus. De superiore conjuratione satis dictum.

hortari alios, alios tentare: opes suas, imparatam rempublicam, magna præmia conjurationis docere. Ubi satis explorata sunt quæ voluit, in unum omnis convocat quibus maxuma necessitudo et plurimum audaciæ. Eò convenere senatorii ordinis P. Lentulus Sura, P. Autronius, L. Cassius Longinus, C. Cethegus, P. et Servius Sullæ Servii filii, L. Vargunteius, Q. Annius, M. Porcius Læca, L. Bestia, Q. Curius: præterea ex equestri ordine M. Fulvius Nobilior, L. Statilius, P. Gabinus Capito, C. Cornelius: ad hoc multi ex coloniis et municipiis, domi nobiles. Erant præterea complures paullo occultius consilii hujusce participes nobiles, quos magis dominationis spes hortabatur quàm inopia, aut alia necessitudo. Ceterum juvenus pleraque, sed maxumè nobilium, Catilinæ inceptis favebat. Quibus in otio vel magnificè vel molliter vivere copia erat, incerta pro certis, bellum quàm pacem malebant. Fuere item eà tempestate qui crederent M. Licinium Crassum non ignarum ejus consilii fuisse; quia Cn. Pompeius, invisus ipsi, magnum exercitum ductabat; cujusvis opes voluisse contra illius potentiam crescere: simul confisum, si conjuratio valuisset, facile apud illos principem se fore.

XVIII. SED antea item conjuravere pauci contra rempublicam, in quibus Catilina. De quo quàm verissumè potero dicam. L. Tullo, M. Lepido consulibus, P. Autronius et P. Sulla, designati consules, legibus ambitus interrogati pœnas dederant. Post paullo Catilina, pecuniarum repetundarum reus, prohibitus erat consulatum petere; quòd intra legitimos dies profiteri nequiverit, Erat eodem tem-

pore Cn. Piso, adolescens nobilis, summæ audaciæ, egens, factiosus, quem ad perturbandam rem publicam inopia atque mali mores stimulabant. Cum hoc Catilina et Autronius, consilio communicato, parabant in Capitolio kalendis januariis L. Cottam et L. Torquatum consules interficere; ipsi, fascibus correptis, Pisonem cum exercitu ad obtinendas duas Hispanias mittere. Eâ re cognitâ, rursus in nonas februarias consilium cædis transtulerant. Jam tum non consulibus modò, sed plerisque senatoribus, perniciem machinabantur. Quod ni Catilina maturasset pro curiâ signum sociis dare, eo die, post conditam urbem romanam, pessimum facinus patratum foret. Quia nondum frequentes armati convenerant, ea res consilium diremit.

XIX. POSTEA Piso in citeriorem Hispaniam quaestor pro prætore missus est, adnitente Crasso, quòd eum infestum inimicum Cn. Pompeio cognoverat. Neque tamen senatus provinciam invitus dederat: quippe foedum hominem à republicâ procul esse volebat; simul, quia boni quàm plures præsidium in eo putabant, et jam tum potentia Cn. Pompeii formidolosa erat. Sed is Piso, in provinciam ab equitibus hispanis, quos in exercitu ductabat, interfaciens, occisus est. Sunt qui ita dicunt imperia ejus injusta, superba, crudelia, barbaros nequivisse pati; alii autem, equites illos, Cn. Pompeii veteres fidosque clientes, voluntate ejus Pisonem adgressos: numquam Hispanos præterea tale facinus fecisse, sed imperia sæva multa antea perpessos. Nos eam rem in medio relinquemus. De superiore conjuratione satis dictum.

XX. CATILINA, ubi eos quos paullo antè memoravi convenisse videt, tametsi cum singulis multa sæpè egerat, tamen in rem fore credens universos adpellare et cohortari, in abditam partem ædium secedit; atque ibi, omnibus arbitris procul amotis, orationem hujuscemodi habuit:

« Ni virtus fidesque vestra spectata mihi forent,
« nequidquam opportuna res cecidisset; spes magna, dominatio in manibus frustra fuissent: neque ego per ignaviam, aut vana ingenia, incerta pro certis captarem. Sed quia multis et magnis tempestatibus vos cognovi fortes fidesque mihi, eò animus ausus maxumum atque pulcherrimum facinus incipere; simul quia vobis eadem quæ mihi bona malaque intellexi. Nam idem velle atque nolle, ea demum firma amicitia est. Sed ego quæ mente agitavi, omnes jam antea diversi audistis. Ceterum mihi in dies magis animus accenditur, quum considero quæ conditio vitæ futura sit, nisi nosmet ipsi vindicamus in libertatem. Nam postquam respublica in paucorum potentium jus atque ditionem concessit, semper illis reges, tetrarchæ vectigales esse: populi, nationes stipendia pendere: ceteri omnes, strenui, boni, nobiles atque ignobiles, vulgus fuimus, sine gratiâ, sine auctoritate, his obnoxii quibus, si respublica valeret, formidini essemus. Itaque omnis gratia, potentia, honos, divitiæ, apud illos sunt, aut ubi illi volunt: repulsas nobis reliquere, pericula, judicia, egestatem. Quæ quousque tandem patimini, fortissimi viri? Nonne emori per virtutem præstat, quàm vitam miseram atque inhonestam,

« ubi alienæ superbæ ludibrio fueris, per dedecus
« amittere? Verùm enim verò, pro deùm atque ho-
« minum fidem! victoria nobis in manu. Viget ætas,
« animus valet: contrà illis, annis atque divitiis,
« omnia consenuerunt. Tantummodo incepto opus
« est: cetera res expediet. Etenim quis mortalium,
« cui virile ingenium, tolerare potest, illis divitias
« superare, quas profundant in exstruendo mari et
« montibus cœsequandis; nobis rem familiarem
« etiam ad necessaria deesse? illos binas, aut ampliùs,
« domos continuare; nobis larem familiarem nus-
« quam ullum esse? Quam tabulas, signa, toreumata
« emunt, nova diruunt, alia ædificant; postremò
« omnibus modis pecuniam trahunt, vexant; tamen
« summâ labidinae divitias vincere nequeunt. At no-
« bis domi inopia, foris æs alienum: mala res, spes
« multò asperior. Denique, quid reliqui habemus,
« præter miseram animam? Quin igitur expergisci-
« mini? En illa, illa, quam sæpè optastis, libertas,
« præterea divitiæ, decus, gloria, in oculis sita
« sunt: fortuna ea omnia victoribus præmia posuit.
« Res, tempus, pericula, egestas, belli spolia ma-
« gnifica, magis quàm oratio, hortentur. Vel impe-
« ratore, vel milite me utemini. Neque animus, ne-
« que corpus a vobis aberit. Hæc ipsa, ut spero, vo-
« biscum consul agam: nisi fortè animus fallit, et
« vos servire magis quàm imperare parati estis. »

XXI. POSTQUAM accepere ea homines, quibus ma-
la abundè omnia erant, sed neque res neque spes
bona ulla, tamen etsi illis quieta movere magna
merces videbatur, tamen postulare plerique, uti
proponeret, quæ conditio belli foret, quæ præmia

armis peterent, quid ubique opis aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia quæ bellum atque lubido victorum fert. Præterea esse in Hispaniâ citeriore Pisonem, in Mauritaniâ cum exercitu P. Sittium Nucerinum, consilii sui participes: petere consulatum C. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo consulem se initium agendi facturum. Ad hoc maledictis increpat omnis bonos: suorum unumquemque nominans laudare; admonebat alium egestatis, alium cupiditatis suæ, complures periculi aut ignominiae, multos victoriæ sullanæ, quibus ea prædæ fuerat. Postquam omnium animos alacris videt, cohortatus ut petitionem suam curæ haberent, conventum dimisit.

XXII. FUERE, eâ tempestate, qui dicerent Catilinam, oratione habitâ, quum ad iusjurandum populæ sceleris sui adigeret, humani corporis sanguinem vino permixtum in pateris circumtulisse; inde quum post execrationem omnes degustavissent, sicuti in sollempnibus sacris fieri consuevit, aperuisse consilium suum, atque eò dictitare fecisse, quò inter se fidi magis forent, alius alii tanti facinoris conscii. Nonnulli ficta hæc, multa præterea, existimabant ab iis qui Ciceronis invidiam, quæ postea orta est, leniri credebant atrocitate sceleris eorum qui pœnas dederant. Nobis ea res pro magnitudine parum compta est.

XXIII. SED in eâ conventionem fuit Q. Curius, natus hand obscuro loco, flagitiis atque facinoribus

*See an account of Salustius
his great picture in Paris
at the Louvre, in Lady Morgan's
History of the Revolution in France,
vol. 6. p. 152. C. Fr.*

coopertus; quem censores senatu probri gratiâ amoverant. Huic homini non minor vanitas quàm audacia; neque reticere quæ audierat, neque suamet ipse scelera occultare. Prorsus neque dicere neque facere quidquam pensi habebat. Erat ei cum Fulviâ, muliere nobili, stupri vetus consuetudo; cui quum minùs gratus esset, quia inopiâ minùs largiri poterat, repentè glorians, maria montesque polliceri cœpit; minari interdum ferro, nisi obnoxia foret; postremò ferociùs agitare quàm solitus erat. At Fulvia, insolentiæ Curiî causâ cognitâ, tale periculum reipublicæ haud occultum habuit; sed, sublato auctore, de Catilinæ conjuratione quæ, quo modo, audierat compluribus narravit. Ea res in primis studia hominum accendit ad consulatum mandandum M. Tullio Ciceroni. Namque antea pleraque nobilitas invidiâ æstuebat, et quasi pollui consulatum credebant, si eum, quamvis egregius, homo novus adeptus foret. Sed, ubi periculum advenit, invidia atque superbia postfuere.

XXIV. Igerrum comitiis habitis, consules declarantur M. Tullius et C. Antonius. Quod factum primò popularis conjurationis concusserat. Neque tamen Catilinæ furor minuebatur; sed in dies plura agitare; arma per Italiam locis opportunis parare; pecuniam, suâ aut amicorum fide sumtam mutuam, Fæsulas ad Manlium quemdam portare, qui postea princeps fuit belli faciundi. Eâ tempestate plurimos cujusque generis homines adscivisse sibi dicitur; mulieres etiam aliquot, quæ primo ingentis sumtus stupro corporis toleraverant; post, ubi ætas tantummodo quæstui, neque luxuriæ, modum fecerat, æ

alienum grande conflaverant. Per eas se Catilina credebat posse servitia urbana sollicitare, urbem incendere, viros earum vel adungere sibi, vel interficere.

XXV. SED in his erat Sempronia, quæ multa sæpè virilis audaciæ facinora commiserat. Hæc mulier genere atque formâ, præterea viro, liberis, satis fortunata: litteris græcis atque latinis docta: psallere, saltare elegantius quàm necesse est probæ: multa alia, quæ instrumenta luxuriæ. Sed ei cariora semper omnia quàm decus atque pudicitia fuit. Pecuniæ an famæ minùs parceret, haud facîle discerneres: lubido sic accensa, ut sæpiùs peteret viros quàm peteretur. Sed ea sæpè antehac fidem prodiderat, creditum abjuraverat, cædis conscia fuerat, luxuriâ atque inopiâ præceps abierat. Verùm ingenium ejus haud absurdum; posse versus facere, jocum movere, sermone uti vel modesto, vel molli, vel procaci. Prorsus multæ facetiæ, multusque lepos inerat.

XXVI. His rebus comparatis, Catilina nihilo minùs in proximum annum consulatum petebat; sperans, si designatus foret, facîle se ex voluntate Antonio usurum. Neque interea quietus erat, sed omnibus modis insidias parabat Ciceroni. Neque illi tamen ad cavendum dolus, aut astutiæ deerant. Namque a principio consulatùs sui, multa pollicendo per Fulviam, effecerat ut Q. Curius, de quo paullo antè memoravi, consilia Catilinæ sibi proderet. Ad hoc collegam suum Antonium pactione provinciæ perpulerat, ne contra rempublicam sentiret. Circum se præsidia amicorum atque clientium occultè habebat. Postquam dies comitiorum venit, et Cati-

linæ neque petitio, neque insidiæ, quas consulibus in campo fecerat, prosperè cessere; constituit bellum facere et extrema omnia experiri; quoniam quæ occultè tén-taverat, aspera foedaque evenerant.

XXVII. IGITUR C. Manlium Fæsulas atque in eam partem Etruriæ, Septimium quemdam Camertem in agrum Picenum, C. Julium in Apuliam, dimisit; præterea alium aliò, quem ubique opportunum credebatur. Interea Romæ multa simul moliri; consuli insidias tendere, parare incendia, opportuna loca armatis hominibus obsidere; ipse cum telo esse, item alios jubere; hortari uti semper intenti parati-que essent; dies noctesque festinare, vigilare, neque insomniis neque labore fatigari. Postremò ubi multa agitati nihil procedit, rursus intempestà nocte conjurationis principes convocat per M. Porcium Læcam: ibique, multa de ignaviâ eorum questus, docet, « se Manlium præmisisse ad eam multitudinem
« quam ad capiunda arma paraverat; item alios in
« alia loca opportuna, qui initium belli facerent;
« seque ad exercitum proficisci cupere, si priùs Ci-
« ceronem oppressisset; eum suis consiliis multum
« obficere. »

XXVIII. IGITUR perterritis ac dubitantibus ceteris, C. Cornelius, eques romanus, operam suam pollicitus, et cum eo L. Vargunteius senátor, constituere eâ nocte paullo pòst, cum armatis hominibus, sicuti salutatum introire ad Ciceronem, ac de improviso domi suæ imparatum confodere. Curius ubi intellegit quantum periculi consuli impendeat, prosperè per Fulviam dolum qui parabatur enunciat. Ita illi, januâ prohibiti, tantum facinus frustra suscep-

rant. Interea Manlius in Etruriâ plebem sollicitare, egestate simul ac dolore injuriæ novarum rerum cupidam, quòd Sullæ dominatione agros bonaque omnia amiserat; præterea latrones cujusque generis, quorum in eâ regione magna copia erat; nonnullos ex sullanis colonis, quibus lubido atque luxuria ex magnis rapinis nihil reliqui fecerant.

XXIX. Ea quum Ciceroni nunciarentur, accipiti malo permotus, quòd neque urbem ab insidiis privato consilio longius tueri poterat, neque exercitus Manlii quantus, aut quo consilio, foret, satis compertum habebat, rem ad senatum refert, jam antea volgi rumoribus exagitata. Itaque, quod plerumque in atroci negotio solet, senatus decrevit, *darent operam consules ne quid respublica detrimenti caperet*. Ea potestas per senatum, more romano, magistratui maxuma permittitur, exercitum parare, bellum gerere, coërcere omnibus modis socios atque civis, domi militiæque imperium atque judicium summum habere; aliter, sine populi jussu, nulli earum rerum consuli jus est.

XXX. Post paucos dies L. Sænius senator in senatu litteras recitavit, quas Fæsulis adlatas sibi dicebat: in quibus scriptum erat C. Manlium arma cepisse, cum magnâ multitudine, ante diem vj kalendas novembris. Simul id, quod in tali re solet, alii portenta atque prodigia nunciabant, alii conventus fieri, arma portari, Capuæ atque in Apuliâ servile bellum moveri. Igitur senati decreto Q. Marcius Rex Fæsulas, Q. Metellus Creticus in Apuliam circumque loca missi. Ii utrique ad urbem imperatores erant, impediti ne triumpharent, calumniâ pauco-

rum quibus omnia honesta atque inhonesta vendere mos erat. Sed prætores Q. Pompeius Rufus Capuam, Q. Metellus Celer in agrum Picenum; iisque permissum, « uti pro tempore atque periculo exercitum « compararent ». Ad hoc, « si quis indicavisset de « conjuratione quæ contra rempublicam facta erat, « præmium servo libertatem et sestertia centum; libero impunitatem ejus rei, et sestertia ducenta ». Item (decrevere), « uti gladiatoriae familiae Capuam « et in cetera municipia distribuerentur, pro cujus « que opibus; Romæ per totam urbem vigiliæ haberentur, iisque minores magistratus præessent. »

XXXI. Quibus rebus permota civitas, atque immutata urbis facies: ex summâ lætitiâ atque lasciviâ, quæ diuturna quies pepererat, repentè omnis tristitia invasit. Festinare, trepidare; neque loco, nec homini cuiquam satis credere; neque bellum gerere, neque pacem habere: suo quisque metu pericula metiri. Ad hoc mulieres, quibus, reipublicæ magnitudine, belli timor insolitus, afflictare sese, manus supplices ad cælum tendere; miserari parvos liberos; rogitare; omnia pavere; superbiam atque delicias omissis, sibi patriæque diffidere. At Catilinæ crudelis animus eadem illa movebat, tamen etsi præsidia parabantur, et ipse lege Plautiâ interrogatus ab L. Paulo. Postremò dissimulandi causâ, atque sui expurgandi, sicuti jurgio laccessitus foret, in senatum venit. Tum M. Tullius consul, sive præsentiam ejus timens, seu irâ commotus, orationem habuit luculentam atque utilem reipublicæ: quam postea scriptam edidit. Sed, ubi ille adsedit, Catilina, ut erat paratus ad dissimulanda omnia, demisso vultu,

voce supplicii postulare; « Patres conscripti ne quid
 « de se temerè crederent: eâ familiâ ortum, ita ab
 « adolescentiâ vitam instituisse, ut omnia bona in
 « spe haberet: ne aestumarent, sibi patricio homini,
 « cujus ipaius atque majorum plurima beneficia in
 « plebem romanam essent, perditâ republicâ opus
 « esse, quum eam servaret M. Tullius inquilinus ci-
 « vis urbis Romæ». Ad hoc maledicta alia quum ad-
 deret, obstrepere omnes, hostem atque parricidam
 vocare. Tum ille furibundus: « Quoniam quidem
 « circumventus, inquit, ab inimicis præceps agor,
 « incendium meum ruinâ restinguam.»

XXXII. DEIN se ex curiâ domum proripuit. Ibi
 multa secum ipse volvens, quòd neque insidiæ con-
 suli procedebant, et ab incendio intellegebat urbem
 vigiliis munitam, optimum factum credens, exer-
 citum augere, ac prius quàm legiones scriberentur
 antecapere quæ bello usui forent, nocte intempestâ
 cum paucis in manliana castra profectus est. Sed Ce-
 thego atque Lentulo, ceterisque quorum cognoverat
 promptam audaciam, mandat, quibus rebus pos-
 sent, opes factionis confirment, insidias consuli
 maturent, cædem, incendia, aliaque belli facinora,
 parent; sese propè diem cum magno exercitu ad ur-
 bem accedurum. Dum hæc Romæ geruntur, C.
 Manlius ex suo numero ad Marcium Regem mittit,
 cum mandatis hujuscemodi:

XXXIII. « DEOS hominesque testamur, imperator,
 « nos arma neque contra patriam cepisse, neque
 « quòd periculum homini faceremus, sed uti corpora
 « nostra ab injuriâ tuta forent; qui miseri, egentes,
 « violentiâ atque crudelitate feneratorum plerique

« patriâ, sed omnes famâ atque fortunis expertes
« sumus; neque cuiquam nostrâ licuit, more ma-
« jorum, lege uti, neque, amisso patrimonio, libe-
« rum corpus habere: tanta sævitia foeneratorum
« atque prætoris fuit. Sæpè majores vestrâ mise-
« riti plebis romanæ decretis suis inopiæ opitulati
« sunt: ac novissumè, memoriâ nostrâ, propter ma-
« gnitudinem æris alieni, volentibus omnibus bonis,
« argentum ære solutum est. Sæpè ipsa plebes aut
« dominandi studio permota, aut superbiâ magis-
« tratum, armata a patribus secessit. At nos non
« imperium neque divitias petimus; quarum rerum
« causâ bella atque certamina omnia inter mortalis
« sunt; sed libertatem, quam nemo bonus, nisi cum
« animâ simul, amittit. Te atque senatum obtesta-
« mur, consulatis miseris civibus; legis præsidium,
« quod iniquitas prætoris eripuit, restituatis; neve
« eam necessitudinem imponatis, ut quæramus quo-
« nam modo, uli maxumè sanguinem nostrum,
« pereamus. »

XXXIV. Ad hæc Q. Marcius respondit: « Si quid
« ab senatu petere vellent, ab armis discedant, Ro-
« mam supplices proficiscantur; eâ mansuetudine
« atque misericordiâ senatum populumque roma-
« num semper fuisse, ut nemo umquam ab eo frus-
« trâ auxilium petiverit ». At Catilina ex itinere
« plerisque consularibus, præterea optumo cuique,
« litteras mittit: « Se falsis criminibus circumventum,
« quoniam factioni inimicorum resistere nequiverit,
« fortunæ cedere, Massiliam in exilium proficisci,
« non quò sibi tanti sceleris conscius; sed uti res-
« publica quieta foret; neve ex suâ contentione

« seditio oriretur ». Ab his longè diversas (litteras) Q. Catulus in senatu recitavit, quas sibi nomine Catilinæ redditas dicebat. Earum exemplum infrà scriptum.

XXXV. « L. CATILINA Q. Catulo S.—Egregia tua
 « fides, re cognitâ, gratam in magnis periculis fidu-
 « ciam commendationi meæ tribuit. Quamobrem de-
 « fensionem in novo consilio non statui parare :
 « satisfactionem ex nullâ conscientia de culpâ pro-
 « ponere decrevi : quam me diu fidius veram licet
 « cognoscas. Injuriis contumeliisque concitatus,
 « quod, fructu laboris industriæque meæ privatus,
 « statum dignitatis non obtinebam, publicam mise-
 « rorum causam, pro meâ consuetudine, suscepi :
 « non quin æs alienum meis nominibus ex posses-
 « sionibus solvere possem ; quum alienis nominibus
 « liberalitas Orestillæ suis filiæque copiis persolve-
 « ret ; sed quod non dignos homines honore hones-
 « tatos videbam, meque falsâ suspicione alienatum
 « sentiebam. Hoc nomine satis honestas pro meo
 « casu spes reliquæ dignitatis conservandæ sum se-
 « cutus. Plura cum scribere vellem, nunciatum est
 « vim mihi parari. Nunc Orestillam commendo tuæ
 « que fidei trado. Eam ab injuriâ defendas, per libe-
 « ros tuos rogatus. Haveto. »

XXXVI. SED ipse paucos dies commoratus apud C. Flaminium Flammam in agro Arretino, dum vicinitatem, antea sollicitatam, armis exornat, cum fascibus atque aliis imperii insignibus in castra ad Manlium contendit. Hæc ubi Romæ comperta, senatus « Catilinam et Manlium hostes judicat ; ceteræ
 « multitudini diem statuit, antè quàm sine fraude

« liceret ab armis discedere, præter rerum capitulum condemnatis ». Præterea decernit « uti consules delectum habeant; Antonius cum exercitu Catilinam persequi maturet; Cicero urbi præsidio sit ». Eâ tempestate mihi imperium populi romani multò maxumè miserabile visum: cui quum ad occasum ab ortu solis omnia domita armis paterent, domi otium atque divitiæ, quæ prima mortales putant, adfluerent, fuere tamen cives qui seque remque publicam obstinatis animis perditum irent. Namque duobus senati decretis, ex tantâ multitudine, neque præmio inductus conjurationem patefecerat, neque ex castris Catilinæ quisquam omnium disceserat. Tanta vis morbi, uti tabes, plerosque civium animos invaserat.

XXXVII. Neque solùm illis aliena mens erat, qui conscii conjurationis; sed omnino cuncta plebes, novarum rerum studio, Catilinæ incepta probabat. Id adeo more suo videbatur facere. Nam semper in civitate, quis opes nullæ sunt, bonis invident, malos extollunt; vetera odere, nova exoptant; odio suarum rerum mutari omnia student; turbâ atque seditionibus sine curâ aluntur, quoniam egestas facile habetur sine damno. Sed urbana plebes, ea verò præceps ierat multis de causis. Primum omnium, qui ubique probro atque petulantia maxumè præstabant; item alii per dedecora patrimoniis amissis; postremò omnes quos flagitium aut facinus domo expulerat; ii Romam, sicuti in sentinam, confluxerant. Deinde multi memores sullanæ victoriæ, quòd ex gregariis militibus alios senatores videbant, alios ita divites, uti regio victu atque cultu ætatem agerent,

sibi quisque, si in armis forent, ex victoriâ talia sperabat. Præterea juvenus, quæ in agris manuum mercede inopiam toleraverat, privatis atque publicis largitionibus excita, urbanum otium ingrato labori prætulerat. Eos atque alios omnes malum publicum alebat; quod minus mirandum est, homines egentis, malis moribus, maximâ spe, reipublicæ juxta ac sibi consuluisse. Præterea quorum, victoriâ Sullæ, parentes proscripti, bona erepta, jus libertatis imminutum erat, haud sanè alio animo belli eventum expectabant. Ad hoc, quicumque aliarum atque senati partium erant, conturbari rempublicam, quam minus valere ipsi, malebant. Id adeo malum multos post annos in civitatem reverferat.

XXXVIII. NAM, postquam, Cn. Pompeio et M. Crasso consulibus, tribunitia potestas restituta est, homines, adolescentes, summam potestatem nacti, quibus ætas animusque ferox, coepere, senatum criminando, plebem exagitare; dein, largiundo atque pollicitando, magis incendere; ita ipsi clari potentesque fieri. Contra eos summâ ope nitebatur pleraque nobilitas, senati specie, pro suâ magnitudine. Namque, uti paucis verum absolvam, per illa tempora quicumque rempublicam agitavere, honestis nominibus, alii sicuti populi jura defenderent, pars quod senati auctoritas maxuma foret, bonum publicum simulantes, pro suâ quisque potentiâ certabant. Neque modestia, neque modus, contentionis erat; utrique victoriâ crudeliter exercebant.

XXXIX. SED, postquam Cn. Pompeius ad bellum maritimum atque mithridaticum missus est, plebis opes imminutæ, paucorum potentia crevit. Hi ma-

gistratus, provincias, aliaque omnia tenere: ipsi innoxii, florentes, sine metu aetatem agere, ceterosque judiciis terrere, quò plebem in magistratu placidiùs tractarent. Sed ubi primùm dubiis rebus novandis spes oblata est, vetus certamen animos eorum arrexit. Quòd si primo prælio Catilina superior, aut sequà manu discessisset, profectò magna clades, atque calamitas rempublicam oppressisset; neque illis, qui victoriam adepti forent, diutius eà uti licuisset, quin defessis et exsanguibus, qui plus posset, imperium atque libertatem extorqueret. Fuere tamen extra conjurationem complures qui ad Catilinam initio profecti sunt. In his A. Fulvius, senatoris filius, quem retractum ex itinere parens necari jussit. Eodem temporibus Romæ Lentulus, sicuti Catilina præceperat, quoscumque moribus aut fortunâ novis rebus idoneos credebat, aut per se, aut per alios sollicitabat; neque solùm cives, sed cujusquemodi genus hominum, quod modò bello navi foret.

XL. IRRUPIT P. Umbreno cuidam negotium dat uti legatos Allobrogum requirat, eosque, si possit, impellat ad societatem belli, existans publicè privatimque ære alieno oppressos, præterea, quòd naturâ gens gallica bellicosa esset, facilè eos ad tale consilium adduci posse. Umbrenus, quòd in Galliâ negotiatus, plerisque principibus civitatum notus erat, atque eos noverat. Itaque sine morâ, ubi primùm legatos in foro conspexit, percunctatus pauca de statu civitatis, et quasi dolens ejus casum, requirere cepit, « quem exitum tantis malis sperarent »? Postquam illos videt « queri de avaritiâ magistratum, « accusare senatum quòd in eo auxilii nihil esset,

« miseriis suis remedium mortem exspectare: At
 « ego, inquit, vobis, si modò viri esse voltis,
 « rationem ostendam quâ tanta ista mala effugiatis ».
 Hæc ubi dixit, Allobroges, in maxumam spem ad-
 ducti, Umbrenum orare uti sui misereretur; nihil
 tam asperum neque tam difficile quin cupidissimè
 facturi essent, dum ea res civitatem ære alieno libe-
 raret. Ille eos in domum D. Bruti perducit; quò
 foro propinqua, neque aliena consilii, propter Sem-
 proniam; nam tum Brutus ab Româ aberat. Præter-
 ea Gabinium arcessit, quò major auctoritas sermoni
 inesset: eo præsentem, conjurationem aperit; nominat
 socios, præterea multos cujusque generis innoxios,
 quò legatis animus amplior esset; dein eos pollicitos
 operam suam dimittit.

XLII. SED Allobroges diù in incerto habuere quid-
 nam consilii caperent. In alterâ parte erat æs alic-
 num, studium belli, magna merces in spe victoriæ;
 at in alterâ majores opes, tuta consilia, pro incertâ
 spe certa præmia. Hæc illis volventibus, tandem vi-
 cit fortuna reipublicæ. Itaque, Q. Fabio Sangæ, cujus
 patrocínio civitas plurimùm utebatur, rem omnem,
 uti cognoverant, aperiunt. Cicero, per Sangam con-
 silio cognito, legatis præcepit studium conjurationis
 vehementer simulent, ceteros adeant, bene polli-
 ceantur, dentque operam uti eos quàm maxumè ma-
 nifestos habeant.

XLII. ISDEM ferè temporibus, in Galliâ citeriore
 atque ulteriore, item in agro Piceno, Bruttio, Apu-
 liâ, motus erat. Namque illi, quos antea Catilina di-
 miserat, inconsultè ac veluti per dementiam, cuncta
 simul agere: nocturnis consiliis, armorum atque

telorum portationibus, festinando, agitando omnia, plus timoris quàm periculi effecerant. Ex eo numero complures Q. Metellus Celer prætor, ex senati consulto, causâ cognitâ, in vincula conjecerat; item in ulteriore Galliâ C. Murena, qui ei provinciæ legatus præerat.

XLIII. At Romæ Lentulus, cum ceteris qui principes conjurationis erant, paratis, ut videbatur, magnis copiis, constituerant uti, Catilina in agrum Fæsulânium quum venisset, L. Bestia, tribunus plebis, concione habitâ, quereretur de actionibus Ciceronis, bellique gravissimum invidiam optumo consuli imponeret; eo signo, proximâ nocte cetera multitudo, conjurationis suæ quisque negotium exsequerentur. Sed ea divisa hoc modo dicebantur: Statilius, Gabinus, uti cum magnâ manu duodecim simul opportuna loca urbis incenderent, quò tumultu facilius aditum ad consulem, ceteros quibus insidiæ parabantur, fieret; Cethegus Ciceronis januam obsideret, eum vi adgrederetur, alius autem alium; sed filii familiarum, quorum ex nobilitate maxima pars, parentes interficerent; simul, cæde et incendio percussis omnibus, ad Catilinam erumperent. Inter hæc parata atque decreta Cethegus semper querebatur de ignaviâ sociorum: illos, dubitando et dies prolato, magnas opportunitates corrumpere; facto, non consulto, in tali periculo opus esse; sequi, si pauci adjuvarent, languentibus aliis, impetum in curiam facturum. Naturâ ferox, vehemens, manu promptus, maximum bonum in celeritate putabat.

XLIV. Sed Allobroges, ex præcepto Ciceronis,

per Gabinium ceteros conveniunt; ab Lentulo, Cethego, Statilio, item Cassio, postulant iurandum, quod signatum ad civis perferant; aliter haud facile eos ad tantum negotium impelli posse. Ceteri nihil suspicantes dant: Cassius semet eò brevi venturum pollicetur, ac paullo ante legatos ex urbe proficiat. Lentulus cum his T. Volturcium quemdam Crotoniensem mittit, uti Allobroges, priusquam domum pergerent, cum Catilinâ, datâ et acceptâ fide, societatem confirmarent. Ipse Volturcio litteras ad Catilinam dat, quarum exemplum infra scriptum:

« Quis sim ex eo quem ad te misi cognosces. Fac
« cogites in quantâ calamitate sis, et memento te
« virum; consideres quid tuæ rationes postulent:
« auxilium petas ab omnibus, etiam ab infimis. »

Ad hoc mandata verbis dat: « Quum ab senatu hos-
« tis iudicatus sit, quo consilio servitia repudiet? in
« urbe parata esse quæ iusserit; ne cunctetur ipse
« propius accedere. »

XLV. His rebus ita actis, constitutâ nocte quâ proficiscerentur, Cicero, per legatos cuncta edoctus, L. Valerio Flacco et C. Pomtino prætoribus imperat uti in ponte Mulvio per insidias Allobrogum comitatus deprehendant; rem omnem aperit, cuius gratiâ mittebantur: cetera uti facto opus sit ita agant permittit. Homines militares, sine tumultu præsidii collocatis, sicuti præceptum erat, occultè pontem obsidunt. Postquam ad id loci legati cum Volturcio venêre, et simul utrimque clamor exortus est; Galli, citò cognito consilio, sine morâ prætoribus se tradunt. Volturcius primò, cohortatus ceteros, gladio

se a multitudine defendit; dein, ubi a legatis desertus est, multa priùs de salute suâ Pomtinum obtestatus, quòd ei notus erat; postremò, timidus ac vitæ diffidens, veluti hostibus, sese prætoribus dedit.

XLVI. Quibus rebus confectis, omnia propere per nuncios consuli declarantur. At illum ingens cura atque lætitia simul occupavere. Nam lætabatur, conjuratione patefactâ, civitatem periculis ereptam esse; porrò autem anxius erat, in maximo scelere tantis civibus deprehensis, quid factò opus esset; poenam illorum sibi oneri, impunitatem perdundæ reipublicæ credebatur. Igitur, confirmato animo, vocari ad sese jubet Lentulum, Cethegum, Statilium, Gabinium, item Q. Cœparium quemdam Terracinensem, qui in Apuliam ad concitanda servitia proficisci parabat. Ceteri sine morâ veniunt: Cœparius, paullo antè domo egressus, cognito indicio, ex urbe profugerat. Consul Lentulum, quòd prætor erat, ipse manu tenens perducit; reliquos cum custodibus in ædem Concordiæ venire jubet. Eò senatum advocat, magnâque frequentia ejus ordinis, Volturcium cum legatis introducit; Flaccum prætorem scrinium cum litteris quas a legatis acceperat eòdem adferre jubet.

XLVII. Volturcius interrogatus « de itinere, de
« litteris, postremò quid aut quâ de causâ consilii
« habuisset », primò fingere alia, dissimulare de conjuratione; post, ubi fide publicâ dicere jussus est, omnia se uti gesta erant aperit: « paucis ante diebus
« a Gabinio et Cœpario socium adscitum, nihil amplius
« scire quàm legatos; tantummodò audire solitum
« ex Gabinio P. Autronium, Servium Sullam,

*Vide
...
...
...
...*

« L. Vargunteium, multos præterea, in eâ conjuratione esse ». Eadem Galli fatentur; ac Lentulum dissimulantem coarguunt, præter litteras, sermonibus, quos ille habere solitus erat: « Ex libris sibyllinis regnum Romæ tribus Corneliis portendi; Cinnam atque Sullam antea; se tertium, cui fatum foret urbis potiri; præterea ab incenso Capitolio illum esse vigesimum annum quem sæpè ex pro digiis hæuspices respondiissent bello civili cruentum fore ». Igitur perlectis litteris, quum prius omnes signa sua cognovissent, senatus decernit, « uti abdicatus magistratu Lentulus, item ceteri, in liberis custodiis haberentur ». Itaque Lentulus P. Lentulo Spintheri, qui tum ædilis erat, Cethegus Q. Cornificio, Statilius C. Cæsari, Gabinus M. Crasso, Cœparius (nam is paullo antè ex fugâ retractus erat) Cn. Terentio senatori, traduntur.

XLVIII. INTEREA plebes, conjuratione patefactâ, quæ primò cupida rerum novarum nimis bello favebat, mutatâ mente, Catilinæ consilia execrari, Ciceronem ad coelum tollere; veluti ex servitute erepta, gaudium atque lætitiâ agitabat. Namque alia belli facinora prædæ magis quàm detrimento; incendium verò crudele, immoderatum, ac sibi maxime calamitosum putabat, quippe cui omnes copias in usu quotidiano et cultu corporis erant. Post eum diem quidam L. Tarquinius ad senatum adductus erat, quem ad Catilinam proficiscentem ex itinere retractum aiebant. Is quum se dicere indicaturam de conjuratione, si fides publica data esset, jussus a consule quæ sciret edicere, eadem ferè quæ Volturcius de paratis incendiis, de cæde bonorum, de iti-

nere hostium, senatum edocet : præterea « se mis-
« sum a M. Crasso qui Catilinæ nunciaret, ne cum
« Lentulus, et Cethegus, alique ex conjuratione
« deprehensi, terrerent ; eoque magis properaret ad
« urbem accedere, quò et ceterorum animos refice-
« ret, et illi facilius e periculo eriperentur ». Sed ubi
Tarquinius Crassum nominavit, hominem nobilem,
maximis divitiis, summâ potentiâ ; alii, rem incre-
dibilem rati ; pars, tamen etsi verum existumabant,
tamen, quia in tali tempore tanta vis hominis le-
niunda quàm exagitanda videbatur, plerique Crasso
ex negotiis privatis obnoxii conclamant, « indicem
« falsum », deque eâ re postulant uti referatur. Ita-
que, consulente Cicerone, frequens senatus decernit :
« Tarquini indicium falsum videri ; eumque in vin-
« culis retinendum, neque ampliùs potestatem fa-
« ciendam, nisi de eo indicaret cujus consilio tantam
« rem mentitus esset ». Erant eo tempore qui æstu-
marent illud a P. Autronio machinatum, quò faci-
lius, adpellato Crasso, per societatem periculi reli-
quos illius potentia tegeret. Alii Tarquinium a Cice-
rone immissum aiebant, ne Crassus, more suo, sus-
cepto malorum patrocínio, rempublicam conturba-
ret. Ipsum Crassum ego postea prædicantem audi-
vi, tantam illam contumeliam sibi ab Cicerone impositam.

XLIX. Sed isdem temporibus Q. Catulus et C.
Piso neque gratiâ, neque precibus, neque pretio,
Ciceronem impellere potuere, uti per Allobroges,
aut alium indicem, C. Cæsar falsò nominaretur :
nam uterque cum illo gravis inimicitias exercebant ;
Piso obpugnatus in judicio repetundarum, propter
cujusdam Transpadani supplicium injustum ; Catu-

lus ex petitione pontificatûs odio incensus, quòd extremâ ætate, maximis honoribus usus, ab adolescentulo Cæsare victus discesserat. Res autem opportuna videbatur, quòd privatim egregiâ liberalitate, publicè maximis muneribus, grandem pecuniam debebat. Sed ubi consulem ad tantum facinus impellere nequeant, ipsi singulatim circumeundo, atque ementiundo quæ se ex Volturcio aut Allobrogibus audisse dicerent, magnam illi invidiam conflaverant; usque eò, ut nonnulli equites romani, qui præsidii causâ cum telis erant circum Concordiæ, seu periculi magnitudine, seu animi nobilitate impulsi, quòd studium suum in rempublicam clarius esset, egredienti ex senatu Cæsari gladio minitarentur.

L. Dux hæc in senatu aguntur, et dum legatis Allobrogum et Tito Volturcio, comprobato eorum indicio, præmia decernuntur, liberti, et pauci ex clientibus Lentuli, diversis itineribus, opifices atque servitia in vicis ad eam eripiendum sollicitabant: partim exquirebant duces multitudinum, qui pretio rempublicam vexare soliti. Cethegus autem per nuncios familiam atque libertos suos, exercitatos in audaciam, orabat, grege facto, cum telis ad sese irrumperent. Consul, ubi ea parari cognovit, dispositis præsidiis, ut res atque tempus monebat, convocato senatu, refert, *quid de his fieri placeat qui in custodiam traditi erant*. Sed eos paullo antè frequens senatus iudicaverat *contra rempublicam fecisse*. Tum D. Junius Silanus, primus sententiam rogatus, quòd eo tempore consul designatus erat, de his qui in custodiis tenebantur,

præterea de L. Cassio , P. Furio , P. Umbreno , Q. Annio , si deprehensi forent , supplicium sumendum decreverat. Isque postea , permotus oratione C. Cæsaris , pedibus in sententiam Tib. Neronis iturum se dixerat ; quòd de eâ re , præsiidiis additis , referendum censuerat. Sed Cæsar , ubi ad eum ventum , rogatus sententiam a consule , hujuscemodi verba locutus est :

LI. « OMNIS homines , patres conscripti , qui de
 « rebus dubiis consultant , ab odio , amicitia , ira ,
 « atque misericordia , vacuos esse decet : haud fa-
 « cile animus verum providet , ubi illa obficiunt.
 « Neque quisquam omnium lubidini simul et usui
 « paruit. Ubi intenderis ingenium , valet ; si lubido
 « possidet , ea dominatur , animas nihil valet. Ma-
 « gna mihi copia memorandi , P. C. , qui reges atque
 « populi , irâ aut misericordia impulsî , malè consu-
 « luerint ; sed ea malo dicere quæ majores nostri ,
 « contra lubidinem animi , rectè atque ordine fecere.
 « Bello macedonico , quod cum rege Perse gessimus ,
 « Rhodiorum civitas , magna atque magnifica , quæ
 « populi romani opibus creverat , infida atque ad-
 « vorsa nobis fuit : sed postquam , bello confecto ,
 « de Rhodiis consultum est , majores nostri , ne
 « quis divitiarum magis quàm injuriæ causâ bel-
 « lum inceptum diceret , impunitos dimisere. Item
 « bellis puniis omnibus , quum sæpè Carthaginien-
 « ses et in pace et per inducias multa nefaria faci-
 « nora fecissent , numquam ipsi per occasionem ta-
 « lia fecere : magis , quid se dignum foret , quàm
 « quid in illis jure fieri posset , quærebant. Hoc
 « idem providendum est , patres conscripti , ne plus

« valeat apud vos P. Lentuli et ceterorum scelus
« quàm vestra dignitas, neu magis iræ quàm famæ
« consulatis. Nam si digna pœna pro factis eorum
« reperitur, novum consilium adprobo; sin magni-
« tudo sceleris omnium ingenia exsuperat, iis uten-
« dum censeo quæ legibus comparata sunt. Plerique
« eorum qui ante me sententias dixerunt, compo-
« sitè atque magnificè casum reipublicæ miserati
« sunt: quæ belli sævitia, quæ victis acciderent,
« enumeravere: rapi virgines, pueros; divelli libe-
« ros a parentum complexu; matres familiarum
« pati quæ victoribus collibuisse; fana atque do-
« mos exspoliari; cædem, incendia fieri; postremò
« armis, cadaveribus, cruore, atque luctu, omnia
« compleri. Sed, per deos immortalis! quò illa ora-
« tio pertinuit? an uti vos infestos conjurationi
« faceret? scilicet, quem res tanta atque tam atrox
« non permovit, eum oratio accendet. Non ita est:
« neque cuiquam mortalium injuriæ suæ parvæ vi-
« dentur: multi eas gravius æquo habuere. Sed
« aliis alia licentia, patres conscripti. Qui demissi
« in obscuro vitam habent, si quid iracundiâ deli-
« quere, pauci sciunt; fama atque fortuna pares
« sunt: qui magno imperio præditi in excelso æta-
« tem agunt, eorum facta cuncti mortales novere.
« Ita in maxumâ fortunâ minuma licentia est. Ne-
« que studere, neque odisse, sed minumè irasci de-
« cet. Quæ apud alios iracundia dicitur, in imperio
« superbia atque crudelitas adpellatur. Equidem ego
« sic æstumo, patres conscripti, omnis cruciatus
« minores quàm facinora illorum esse. Sed plerique
« mortales postrema meminere, et, in hominibus

« impiis , sceleris obliti , de poenâ disserunt , si ea
« paullo severior fuit. D. Silanum , virum fortem at-
« que strenuum , certè scio , quæ dixerit , studio rei-
« publicæ dixisse , neque illum in tantâ re gratiam
« aut inimicitias exercere. Eos mores , eam modes-
« tiam viri cognovi. Verùm sententia non mihi cru-
« delis , quid enim in talis homines crudele fieri po-
« test? sed aliena a republicâ nostrâ videtur. Nam
« profectò aut metus , aut injuria te subegit , Silane ,
« consulem designatum , genus poenæ novum decer-
« nere. De timore supervacaneum est disserere , quum
« præsentî diligentîâ clarissimi viri consulis tanta
« præsidia sint in armis. De poenâ possumus equi-
« dem dicere id quod res habet : in luctu atque mise-
« riis mortem , ærummarum requiem , non cruciatum
« esse ; eam cuncta mortalium mala dissolvere ; ultrâ
« neque curæ neque gaudîo locum esse. Sed , per deos
« immortalis ! quamobrem in sententiâ non addi-
« disti uti prius verberibus in eos animadvertere-
« tur? An quia lex Porcia vetat? at aliæ leges item
« condemnatis civibus animam non eripî , sed in exi-
« lium permitti jubent. An quia gravius est verbe-
« rari quàm necari? quid autem acerbum aut grave
« nimis in homines tanti facinoris convictos? Sin
« quia levius est ; quid convenit in minore negotio le-
« gem timere , quum eam in majore neglexeris? At
« enim quis reprehendet quod in parricidas reipu-
« blicæ decretum erit? tempus , dies , fortuna , cujus
« libido gentibus moderatur. Illis meritò accidit ,
« quidquid evenerit : ceterum vos , patres conscripti ,
« quid in alios statuatis , considerate. Omnia mala
« exempla ex bonis orta sunt ; sed ubi imperium ad

« ignaros aut minùs bonos pervenit, novum illud
« exemplum ab dignis et idoneis ad indignos et non
« idoneos transfertur. Lacedæmonii devictis Athe-
« niensibus triginta viros imposuere, qui rempu-
« blicam eorum tractarent. Hi primò cœpete pessu-
« mum quemque et omnibus invisum indemnatum
« necare. Ea populus lætari et meritò dicere fieri.
« Pòst, ubi paullatim licentia crevit, juxtà bonos et
« malos lubricinosè interficere, ceteros metu terrere,
« Ita civitas, servitute oppressa, stultæ lætitiæ gravis
« pœnas dedit. Nostrà memorià, victor Sulla, quum
« Damasippum et alios hujusmodi, qui malo reipu-
« blicæ creverant, jugulari jussit, quis non factum
« ejus laudabat? Homines scelestos, factiosos, qui
« seditionibus rempublicam exagitaverant, meritò
« necatos aiebant. Sed ea res magnæ initium cladis
« fuit. Nam uti quisque domum, aut villam, pos-
« tremò aut vas, aut vestimentum alicujus concupi-
« verat, dabat operam uti in proscriptorum numero
« esset. Ita quibus Damasippi mors lætitiæ fuerat,
« pòst paullo ipsi trahebantur: neque priùs finis ju-
« gulandi fuit, quàm Sulla omnis suos divitiis ex-
« plevit. Atque ego hæc non in M. Tullio neque his
« temporibus vereor; sed in magnà civitate multa et
« varia ingenia sunt. Potest alio tempore, alio con-
« sule, cui item exercitus in manus, falsum aliquid
« pro vero credi. Ubi, hoc exemplo, per senati decre-
« tum consul gladium eduxerit, quis finem statuet,
« aut quis moderabitur? Majores nostri, patres con-
« scripti, neque consilii neque audaciæ umquam
« eguere; neque superbia obstabat, quò minùs alie-
« na instituta, si modò proba, imitarentur. Arma

« atque tela militaria ab Samnitibus, insignia magis-
« tratum ab Tuscis pleraque sumserunt: postremò,
« quod ubique apud socios aut hostis idoneum vide-
« batur, cum summo studio domi exsequebantur:
« imitari, quàm invidere bonis, malebant. Sed eo-
« dem illo tempore, Græciæ morem imitati, verbe-
« ribus animadvertabant in civis, de condemnatis
« summum supplicium sumebant. Postquam respu-
« blica adolevit et multitudine civium factiones
« valere, circumvenire innocentes, alia hujusce-
« modi fieri cœpere. Tum lex Porcia aliæque para-
« tæ, quibus legibus exsilium damnatis permissum.
« Hanc ego causam, patres conscripti, quò minùs
« novum consilium capiamus, in primis magnam
« puto. Profectò virtus atque sapientia major in
« illis fuit qui ex parvis opibus tantum imperium
« fecere, quàm in nobis qui ea bene parta vix reti-
« nemus. Placet igitur eos dimitti, et augeri exer-
« citum Catilinæ? Minumè. Sed ita censeo: Publi-
« candas eorum pecunias, ipsos in vinculis haben-
« dos per municipia quæ maxumè opibus valent:
« neu quis de his postea ad senatum referat, neve
« cum populo agat: qui aliter fecerit, senatum
« existumare, eum contra rempublicam et salutem
« omnium facturum. »

LII. POSTQUAM Cæsar dicendi finem fecit, ceteri,
verbo alius, alii variè, adsentiebantur. At M. Porcius
Cato, rogatus sententiam, hujuscemodi orationem
habuit:

« Longè mihi alia mens est, patres conscripti,
« quum res atque pericula nostra considero, et quum
« sententias nonnullorum mecum ipse reputo. Illi

« mihi disseruisse videntur de poenâ eorum qui pa-
« triæ, parentibus, aris atque focus suis bellum para-
« vere : res autem monet cavere ab illis, quàm quid
« in illis statuamus consultare. Nam cetera tum per-
« sequare, ubi facta sunt : hoc nisi provideris ne ac-
« cidat, ubi evenit frustrâ judicia implores. Captâ
« urbe, nihil fit reliqui victis. Sed, per deos immor-
« talis! vos ego adpello qui semper domos, villas, si-
« gna, tabulas vestras, pluris quàm rempublicam
« fecistis; si ista, cujuscumque modi sint, quæ am-
« plexamini, retinere, si voluptatibus vestris otium
« præbere vultis, expergiscimini aliquando, et ca-
« pessite rempublicam. Non agitur de vectigalibus,
« non de sociorum injuriis; libertas et anima nostra
« in dubio est. Sæpenumero, patres conscripti,
« multa verba in hoc ordine feci; sæpè de luxuriâ
« atque avaritiâ nostrorum civium questus sum;
« multosque mortalis eâ causâ adversos habeo. Qui
« mihi atque animo meo nullius unquam delicti
« gratiam fecissem, haud faciliè alterius lubidini ma-
« lefacta condonabam. Sed ea tametsi vos parvi pen-
« debatis; tamen respublica firma, opulentia negle-
« gentiam tolerabat. Nunc verò non id agitur, bonis
« an malis moribus vivamus, neque quantum aut
« quàm magnificum imperium populi romani; sed,
« cujus hæc cumque modi, nostra an nobiscum unâ,
« hostium futura sint. Hic mihi quisquam mansue-
« tudinem et misericordiam nominat. Jampridem
« equidem nos vera rerum vocabula amisimus: quia
« bona aliena largiri, liberalitas; malarum rerum au-
« dacia, fortitudo vocatur: eò respublica in extremo
« sita. Sint sanè, quoniam ita se mores habent, libe-

« rales ex sociorum fortunis, sint misericordes in
« furibus ærarii: ne illis sanguinem nostrum lar-
« giantur; et, dum paucis sceleratis parcunt, bonos
« omnis perditum eant. Bene et compositè C. Cæsar
« paullo antè in hoc ordine de vitâ et morte disse-
« ruit: falsa, credo, existumans, quæ de inferis me-
« morantur: diverso itinere malos a bonis loca tetra,
« inculta, fœda, atque formidolosa habere. Itaque
« censuit *pecunias eorum publicandas, ipsos per*
« *municipia in custodiis habendos*; videlicet ti-
« mens ne, si Romæ sint, aut a popularibus conju-
« rationis, aut a multitudine conductâ per vim eri-
« piantur. Quasi vero mali atque scelesti tantummo-
« do in urbe, et non per totam Italiam sint, aut non
« ibi plus possit audacia, ubi ad defendendum opes
« minores. Quare vanum equidem hoc consilium, si
« periculum ex illis metuit. Sin in tanto omnium
« metu solus non timet, eò magis refert mihi atque
« vobis timere. Quare quum de P. Lentulo ceterisque
« statuetis, pro certo habetote vos simul de exercitu
« Catilinæ et de omnibus conjuratis decernere.
« Quantò vos attentius ea agetis, tantò illis ani-
« mus infirmior erit. Si paullulum modò vos langue-
« re viderint, jam omnes feroces aderunt. Nolite
« existumare majores nostros armis rempublicam ex
« parvâ magnam fecisse. Si ita res esset, multò pul-
« cherrimam eam nos haberemus: quippe sociorum
« atque civium, præterea armorum atque equorum,
« major nobis copia quàm illis. Sed alia fuere, quæ
« illos magnos fecere, quæ nobis nulla sunt; domi
« industria, foris justum imperium, animus in con-
« sulendo liber, neque delicto neque lubrici obno-

« xius. Pro his, nos habemus luxuriam atque avari-
« tiam; publicè egestatem, privatim opulentiam;
« laudamus divitias, sequimur inertiam; inter bonos
« et malos discrimen nullum; omnia virtutis præmia
« ambitio possidet. Neque mirum, ubi vos separa-
« tim sibi quisque consilium capitis, ubi domi vo-
« luptatibus, hic pecuniæ aut gratiæ servitis: eo fit
« ut impetus fiat in vacuum rempublicam. Sed ego
« hæc omitto. Conjuravere nobilissimi cives patriam
« incendere; Gallorum gentem infestissimam nomi-
« ni romano ad bellum accessunt; dux hostium cum
« exercitu supra caput est: vos cunctamini etiam
« nunc et dubitatis quid intra mœnia adprehensis
« hostibus faciatis? Misereamini, censeo; deliquere
« homines adolescentuli per ambitionem: atque
« etiam armatos dimittatis. Ne ista vobis mansuetu-
« do et misericordia, si illi arma ceperint, in mise-
« riam vertet. Scilicet res aspera est; sed vos non ti-
« metis eam: immo verò maxime; sed inertiam et
« molliam animi, aliis alium expectantes, cuncta-
« mini, videlicet deis immortalibus confisi, qui hanc
« rempublicam in maximis sæpè periculis servavere.
« Non votis neque suppliciis muliebribus auxilia
« deorum parantur; vigilando, agendo, bene consu-
« lendo, prospera omnia cedunt. Ubi secordiæ te at-
« que ignaviæ tradideris, nequidquam deos implo-
« res; irati infestique sunt. Apud majores nostros
« T. Manlius Torquatus bello gallico filiam suam,
« quod is contra imperium in hostem pugnaverit,
« necari jussit. Atque ille egregius adolescens im-
« moderatæ fortitudinis morte pœnas dedit: vos de
« crudelissimis parricidis quid statuatis cunctamini?

« Videlicet vita cetera eorum huic sceleri obstat. Ve-
 « rum parcite dignitati Lentuli, si ipse pudicitiae, si
 « famae suae, si dis aut hominibus umquam ullis pe-
 « percit: ignoscite Cethegi adolescentiae nisi iterum
 « patriae bellum fecit. Nam quid ego de Gabinio, Sta-
 « tilio, Caeperio, loquar? quibus si quidquam um-
 « quam pensi fuisset, non ea consilia de republica
 « habuissent. Postremo, patres conscripti, si, me-
 « hercule! peccato locus esset, facile paterer vos ipsa
 « re corrigi, quoniam verba contemnitis. Sed undi-
 « que circumventi sumus. Catilina cum exercitu fau-
 « cibus urget; alii intra moenia, in sinu urbis, sunt
 « hostes; neque parari, neque consuli quidquam oc-
 « culte potest: quod magis properandum. Quare ita
 « ego censeo: quum nefario consilio sceleratorum ci-
 « vium respublica in maxima pericula venerit, hi-
 « que indicio T. Volturcii et legatorum Allobrogum
 « convieti confessique sint, caedem, incendia, alia for-
 « da atque crudelia facinora in civis patriamque para-
 « visse; de confessis sicuti de manifestis rerum capi-
 « taliam, more majorum, supplicium sumendum. »

LIII. POSTQUAM Cato adsedit, consulares omnes,
 itemque senati magna pars, sententiam ejus lau-
 dant, virtutem animi ad ecelam ferunt; alii alios in-
 crepantes timidos vocant: Cato magnus atque clams
 habetur: senati decretum fit sicuti ille censuerat.
 Sed mihi multa legenti, multa audienti, quae popu-
 lus romanus domi militiaeque, mari atque terra, prae-
 clara facinora fecit, forte labuit attendere, quae res
 maxime tanta negotia sustinuisset. Sciebam saspe-
 numero parva manu cum magnis legionibus hostium
 contendisse; cognoveram parvis copiis bella gesta

cum opulentis regibus; ad hoc sæpè fortunæ violentiam toleravisse; facundiâ Græcos, gloriâ belli Gallos, ante Romanos fuisse: ac mihi multa agitati constabat paucorum civium egregiam virtutem cuncta paravisse; eoque factum uti, divitias paupertas, multitudinem paucitas superaret. Sed postquam luxu atque desidiâ civitas corrupta est, rursus respublica magnitudine suâ imperatorum atque magistratuum vitia sustentabat; ac, sicuti effecta parentium, multis tempestatibus haud sanè quisquam Romæ virtute magnus fuit. Sed memoriâ meâ, ingenti virtute, divorsi moribus, fuere viri duo, M. Cato et C. Cæsar: quos, quoniam res obtulerat, silentio præterire non fuit consilium, quin utriusque naturam et mores; quantum ingenio possem, aperirem.

LIV. Igitur his genus, ætas, eloquentia, prope æqualia fuere: magnitudo animi par, item gloria, sed alia alii. Cæsar beneficiis ac munificentia magnus habebatur; integritate vitæ Cato. Ille mansuetudine et misericordia clarus factus; huic severitas dignitatem addiderat. Cæsar dando, sublevando, ignoscendo; Cato nihil largiundo, gloriam adeptus. In altero miseris perfugium; in altero malis perniciēs. Illius facilitas, hujus constantia landabatur. Postremò Cæsar in animum induxerat laborare, vigilare; negotiis amicorum intentus, sua negligere; nihil denegare quod dono dignum esset; sibi magnum imperium, exercitum, novum bellum exoptabat ubi virtus enitescere posset: at Catoni studium modestiæ, decoris, sed maxumè severitatis erat; non divitiis cum divite, neque factione cum factioso, sed cum strenuo virtute, cum modesto pudore, cum innocente absti-

mentia, certabat; esse, quam videri bonus malebat: ita, quò minus gloriam petebat, eò magis adsequabatur.

LIV. POSTQUAM, ut dixi, senatus in Catenis sententiam discessit, consul optimum factum ratus noctem quæ instabat antecapere, ne quid eo spatio novaretur; triumviros quæ supplicium postulabat parare jubet: ipse, dispositis præsiidiis, Lentulum in carcerem deducit; idem fit ceteris per prætores. Est locus in carcere, quod Tullianum adpellatur, ubi paullulum descenderis ad lævam, circiter duodecim pedes humi depressus. Eum muniunt undique parietes atque insuper camera lapideis fornicibus vincita: sed incultu, tenebris, odore fœda atque terribilis ejus facies est. In eum locum postquam demissus Lentulus, quibus præceptum erat, laqueo gulam fregere. Ita ille patricius, ex clarissimâ gente Corneliorum, qui consulare imperium Romæ habuerat, dignum moribus factisque suis exitium vitæ invenit. De Cethego, Statilio, Gabinio, Coepario, eodem modo supplicium sumtum est.

LVI. DUM ea Romæ geruntur, Catilina, ex omni copiâ quam et ipse adduxerat, et Manlius habuerat, duas legiones instituit; cohortes pro numero militum complet: deinde, ut quisque voluntarius, aut ex sociis in castra venit, æqualiter distribuerat; ac brevi spatio legiones numero hominum expleverat; quum initio non amplius duobus millibus habuisset. Sed ex omni copiâ circiter pars quarta erat militibus armis instructa; ceteri, ut quemque casus armarat, spatos, aut lanceas, alii præacutas sudas, portabant. Sed postquam Antonius cum exercitu adven-

tabat, Catilina per montis iter facere, ad urbem modò, modò in Galliam versùs castra movere; hostibus occasionem pugnandi non dare. Sperabat propè diem magnas copias sese habiturum, si Romæ socii incepta patravissent. Interea servitia repudiabat, cujus initio ad eum magnæ copię concurrebant, opibus conjurationis fretus; simul alienum suis rationibus existumans videri causam civium cum servis fugitivis communicavisse.

LVII. SED postquam in castra nuncius pervenit Romæ conjurationem patefactam, de Lentulo, Cethego, ceteris quos suprà memoravi, supplicium sumtum, plerique quos ad bellum spes rapinarum aut novarum rerum studium illexerat, dilabuntur: reliquos Catilina per montis asperos magnis itineribus in agrum Pistoriensem abducit; eo consilio uti per tramites occultè perfugerent in Galliam; at Q. Metellus Celer cum tribus legionibus in agro Piceno præsidebat, ex difficultate rerum eadem illa existumans, quæ suprà diximus, Catilinam agitare. Igitur, ubi iter ejus ex perfugis cognovit, castra properè movet, ac sub ipsis radicibus montium consedit quâ illi descensus erat in Galliam properanti. Neque tamen Antonius procul aberat, utpote qui magno exercitu, locis æquioribus expeditus, in fugâ sequeretur. Sed Catilina, postquam videt montibus atque copiis hostium sese clausum, in urbe res adversas, neque fugæ neque præsidii ullam spem, optimum factum ratus in tali re fortunam belli tentare, statuit cum Antonio quàm primùm conflare. Itaque, concione advocatâ, hujuscemodi orationem habuit:

LVIII. « COMPERTUM ego habeo, milites, verba

« virtutem non addere, neque ex ignavo strenuum,
« neque fortem ex timido exercitum oratione impe-
« ratoris fieri. Quanta cujusque animo audacia na-
« turâ aut moribus inest, tanta in bello patere solet.
« Quem neque gloria, neque pericula excitant, ne-
« quidquam hortere : timor animi auribus obficit.
« Sed ego vos, quò pauca monerem, advocavi simul-
« uti causam consiliû aperirem. Scitis equidem, mi-
« lites, secordia atque ignavia Lentuli quantam ipsi
« cladem nobisque attulerit; quoque modo, dum ex
« urbe præsidia opperior, in Galliam proficisci ne-
« quiverim. Nunc quo in loco res nostræ sint juxtâ
« mecum omnes intellegitis. Exercitus hostium duo,
« unus ab urbe, alter a Galliâ, obstant : diutius in
« his locis esse, si maxumè animus ferat, frumenti
« atque aliarum rerum egestas prohibet. Quòcumque
« ire placet, ferro iter aperiundum est. Quapropter
« vos moneo uti forti atque parato animo sitis; et
« quum prœlium inibitis, memineritis vos divitias,
« decus, gloriam, præterea libertatem atque patriam,
« in dextris portare. Si vincimus, omnia nobis tuta
« erunt, commeatus abundè, coloniæ atque municipi-
« pia patebunt. Sin metu cesserimus, eadem illa ad-
« vorsa fiunt : neque locus neque amicus quisquam
« teget, quem arma non texerint. Præterea, milites,
« non eadem nobis, et illis necessitudo impendet.
« Nos pro patriâ, pro libertate, pro vitâ, certamus :
« illis supervacaneum est pugnare pro potentiâ pau-
« corum. Quò audaciùs adgredimini, memores pris-
« tinæ virtutis. Licuit nobis cum summâ turpitudine
« in exsilio ætatem agere : potuistis nonnulli Romæ,
« amissis bonis, alienas opes expectare. Quia illa

Is ex petitione pontificatus odio incensus, quod extremâ ætate, maximis honoribus usus, ab adolescentulo Cæsare victus discesserat. Res autem opportuna videbatur, quod privatim egregiâ liberalitate, publicè maximis muneribus, grandem pecuniam debebat. Sed ubi consulem ad tantum facinus impellere nequeunt, ipsi singulatim circumeundo, atque ementiundo quæ se ex Volturcio aut Allobrogibus audisse dicerent, magnam illi invidiam conflaverant; usque eò, ut nonnulli equites romani, qui præsidii causâ cum telis erant circum Concordiæ, seu periculi magnitudine, seu animi nobilitate impulsi, quod studium suum in rempublicam clarius esset, egredienti ex senatu Cæsari gladio minitarentur.

L. Dum hæc in senatu aguntur, et dum legatis Allobrogum et Tito Volturcio, comprobato eorum indicio, præmia decernuntur, liberti, et pauci ex clientibus Lentuli, diversis itineribus, opifices atque servitia in vicis ad eum eripiendum sollicitabant: partim exquirebant duces multitudinum, qui pretio rempublicam vexare soliti. Cethegus autem per nuncios familiam atque libertos suos, exercitatos in audaciam, orabat, grege facto, cum telis ad sese irrumperent. Consul, ubi ea parari cognovit, dispositis præsidiis, ut res atque tempus monebat, convocato senatu, refert, *quid de his fieri placeat qui in custodiam traditi erant*. Sed eos paullo antè frequens senatus judicaverat *contra rempublicam fecisse*. Tum D. Junius Silanus, primus sententiam rogatus, quod eo tempore consul designatus erat, de his qui in custodiis tenebantur,

præterea de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat. Isque postea, permotus oratione C. Cæsaris, pedibus in sententiam Tib. Neronis iturum se dixerat; quòd de eâ re, præsiidiis additis, referendum censuerat. Sed Cæsar, ubi ad eum ventum, rogatus sententiam a consule, hujuscemodi verba locutus est:

LI. « Omnis homines, patres conscripti, qui de
 « rebus dubiis consultant, ab odio, amicitia, ira,
 « atque misericordia, vacuos esse decet: haud fa-
 « cile animus verum providet, ubi illa obficiunt.
 « Neque quisquam omnium lubrici simul et usui
 « paruit. Ubi intenderis ingenium, valet; si lubrici
 « possidet, ea dominatur, animus nihil valet. Ma-
 « gna mihi copia memorandi, P. C., qui reges atque
 « populi, ira aut misericordia impulsus, malè consu-
 « luerint; sed ea malo dicere quæ majores nostri,
 « contra lubricum animi, rectè atque ordine fecere.
 « Bello macedonico, quod cum rege Perse gessimus,
 « Rhodiorum civitas, magna atque magnifica, quæ
 « populi romani opibus creverat, infida atque ad-
 « versa nobis fuit: sed postquam, bello confecto,
 « de Rhodiis consultum est, majores nostri, ne
 « quis divitiarum magis quàm injuriæ causâ bel-
 « lum inceptum diceret, impunitos dimisere. Item
 « bellis punicis omnibus, quum sæpè Carthaginien-
 « ses et in pace et per inducias multa nefaria faci-
 « nora fecissent, numquam ipsi per occasionem ta-
 « lia fecere: magis, quid se dignum foret, quàm
 « quid in illis jure fieri posset, quærebant. Hoc
 « idem providendum est, patres conscripti, ne plus

« valeat apud vos P. Lentuli et ceterorum scelus
« quàm vestra dignitas, neu magis iræ quàm famæ
« consulatis. Nam si digna poena pro factis eorum
« reperitur, novum consilium adprobo; sin magni-
« tudo sceleris omnium ingenia exsuperat, iis uten-
« dum censeo quæ legibus comparata sunt. Plerique
« eorum qui ante me sententias dixerunt, compo-
« sitè atque magnificè casum reipublicæ miserati
« sunt: quæ belli sævitia, quæ victis acciderent,
« enumeravere: rapi virgines, pueros; divelli libe-
« ros a parentum complexu; matres familiarum
« pati quæ victoribus collibuisse; fana atque do-
« mos exspoliari; cædem, incendia fieri; postremò
« armis, cadaveribus, cruore, atque luctu, omnia
« compleri. Sed, per deos immortalis! quò illa ora-
« tio pertinuit? an uti vos infestos conjurationi
« faceret? scilicet, quem res tanta atque tam atrox
« non permovit, eum oratio accendet. Non ita est:
« neque cuiquam mortalium injuriæ suæ parvæ vi-
« dentur: multi eas gravius æquo habuere. Sed
« aliis alia licentia, patres conscripti. Qui demissi
« in obscuro vitam habent, si quid iracundiâ deli-
« quere, pauci sciunt; fama atque fortuna pares
« sunt: qui magno imperio præditi in excelso æta-
« tem agunt, eorum facta cuncti mortales novere.
« Ita in maxumâ fortunâ minuma licentia est. Ne-
« que studere, neque odisse, sed minumè irasci de-
« cet. Quæ apud alios iracundia dicitur, in imperio
« superbia atque crudelitas adpellatur. Equidem ego
« sic æstumo, patres conscripti, omnis cruciatus
« minores quàm facinora illorum esse. Sed plerique
« mortales postrema meminere, et, in hominibus

« impiis , sceleris obliti , de poenâ disserunt , si ea
« paullo severior fuit. D. Silanum , virum fortem at-
« que strenuum , certè scio , quæ dixerit , studio rei-
« publicæ dixisse , neque illum in tantâ re gratiam
« aut inimicitias exercere. Eos mores , eam modes-
« tiam viri cognovi. Verùm sententia non mihi cru-
« delis , quid enim in talis homines crudele fieri po-
« test? sed aliena a republicâ nostrâ videtur. Nam
« profectò aut metus , aut injuria te subegit , Silane ,
« consulem designatum , genus poenæ novum decer-
« nere. De timore supervacaneum est disserere , quum
« præsentî diligentî clarissimi viri consulis tanta
« præsidia sint in armis. De poenâ possumus equi-
« dem dicere id quod res habet : in luctu atque mise-
« riis mortem , ærummarum requiem , non cruciatum
« esse ; eam cuncta mortalium mala dissolvere ; ultrâ
« neque curæ neque gaudîi locum esse. Sed , per deos
« immortalis ! quamobrem in sententiâ non addi-
« disti ut prius verberibus in eos animadvertere-
« tur? An quia lex Porcia vetat? at aliæ leges item
« condemnatis civibus animam non eripî , sed in exi-
« lium permitti jubent. An quia gravius est verbe-
« rari quàm necari? quid autem acerbum aut grave
« nimis in homines tanti facinoris convictos? Sin
« quia levius est ; qui convenit in minore negotio le-
« gem timere , quum eam in majore neglexeris? At
« enim quis reprehendet quod in parricidas reipu-
« blicæ decretum erit? tempus , dies , fortuna , cujus
« libido gentibus moderatur. Illis meritò accidit ,
« quidquid evenerit : ceterum vos , patres conscripti ,
« quid in alios statuatis , considerate. Omnia mala
« exempla ex bonis orta sunt ; sed ubi imperium ad

« ignaros aut minùs bonos pervenit, novum illud
« exemplum ab dignis et idoneis ad indignos et non
« idoneos transfertur. Lacedæmonii devictis Athe-
« niensibus triginta viros imposuere, qui rempu-
« blicam eorum tractarent. Hi primò cœpete pessu-
« mum quemque et omnibus invisum indemnatum
« necare. Ea populus lætari et meritò dicere fieri.
« Pòst, ubi paullatim licentia crevit, juxtà bonos et
« malos lubricinosè interficere, ceteros metu terrere,
« Ita civitas, servitute oppressa, stultæ lætitiæ gravis
« poenas dedit. Nostrà memorià, victor Sulla, quum
« Damasippum et alios hujusmodi, qui malo reipu-
« blicæ creverant, jugulari jussit, quis non factum
« ejus laudabat? Homines scelestos, factiosos, qui
« seditionibus rempublicam exagitaverant, meritò
« necatos aiebant. Sed ea res magnæ initium cladis
« fuit. Nam uti quisque domum, aut villam, pos-
« tremò aut vas, aut vestimentum alicujus concupi-
« verat, dabat operam uti in proscriptorum numero
« esset. Ita quibus Damasippi mors lætitiæ fuerat,
« pòst paullo ipsi trahebantur: neque priùs finis ju-
« gulandi fuit, quàm Sulla omnis suos divitiis ex-
« plevit. Atque ego hæc non in M. Tullio neque his
« temporibus vereor; sed in magnâ civitate multa et
« varia ingenia sunt. Potest alio tempore, alio con-
« sule, cui item exercitus in manus, falsum aliquid
« pro vero credi. Ubi, hoc exemplo, per senati decre-
« tum consul gladium eduxerit, quis finem statuet,
« aut quis moderabitur? Majores nostri, patres con-
« scripti, neque consilii neque audaciæ umquam
« eguere; neque superbia obstabat, quò minùs alie-
« na instituta, si modò proba, imitarentur. Arma

« atque tela militaria ab Samnitibus, insignia magis-
 « tratum ab Tuscis pleraque sumserunt: postremò,
 « quod ubique apud socios aut hostis idoneum vide-
 « batur, cum summo studio domi exsequebantur:
 « imitari, quàm invidere bonis, malebant. Sed eo-
 « dem illo tempore, Græciæ morem imitati, verbe-
 « ribus animadvertabant in civis, de condemnatis
 « summum supplicium sumebant. Postquam respu-
 « blica adolevit et multitudine civium factiones
 « valere, circumvenire innocentes, alia hujusce-
 « modi fieri coepere. Tum lex Porcia aliæque para-
 « tæ, quibus legibus exsilium damnatis permissum.
 « Hanc ego causam, patres conscripti, quò minùs
 « novum consilium capiamus, in primis magnam
 « puto. Profectò virtus atque sapientia major in
 « illis fuit qui ex parvis opibus tantum imperium
 « fecere, quàm in nobis qui ea bene parta vix reti-
 « nemus. Placet igitur eos dimitti, et augeri exer-
 « citum Catilinæ? Minumè. Sed ita censeo: Publi-
 « candas eorum pecunias, ipsos in vinculis haben-
 « dos per municipia quæ maxumè opibus valent:
 « neu quis de his postea ad senatum referat, neve
 « cum populo agat: qui aliter fecerit, senatum
 « existumare, eum contra rempublicam et salutem
 « omnium facturum. »

LII. POSTQUAM Cæsar dicendi finem fecit, ceteri,
 verbo alius, alii variè, adsentiebantur. At M. Porcius
 Cato, rogatus sententiam, hujuscemodi orationem
 habuit:

« Longè mihi alia mens est, patres conscripti,
 « quum res atque pericula nostra considero, et quum
 « sententias nonnullorum mecum ipse reputo. Illi

« mihi disseruisse videntur de poenâ eorum qui pa-
« triæ, parentibus, aris atque focis suis bellum para-
« vere : res autem monet cavere ab illis, quàm quid
« in illis statuamus consultare. Nam cetera tum per-
« sequare, ubi facta sunt : hoc nisi provideris ne ac-
« cidat, ubi evenit frustrâ judicia implores. Captâ
« urbe, nihil fit reliqui victis. Sed, per deos immor-
« talis ! vos ego adpello qui semper domos, villas, si-
« gna, tabulas vestras, pluris quàm rempublicam
« fecistis ; si ista, cujuscumque modi sint, quæ am-
« plexamini, retinere, si voluptatibus vestris otium
« præbere vultis, expergiacimini aliquando, et ca-
« peisite rempublicam. Non agitur de vectigalibus,
« non de sociorum injuriis ; libertas et anima nostra
« in dubio est. Sæpenumero, patres conscripti,
« multa verba in hoc ordine feci ; sæpè de luxuriâ
« atque avaritiâ nostrorum civium questus sum ;
« multosque mortalis eâ causâ adversos habeo. Qui
« mihi atque animo meo nullius unaquam delicti
« gratiam fecissem, haud faciliè alterius lubricum ma-
« lefacta condonabam. Sed ea tametsi vos parvi pen-
« debatis ; tamen respublica firma, opulentia negle-
« gentiam tolerabat. Nunc verò non id agitur, bonis
« an malis moribus vivamus, neque quantum aut
« quàm magnificum imperium populi romani ; sed,
« cujus hæc cumque modi, nostra an nobiscum unâ,
« hostium futura sint. Hic mihi quisquam mansue-
« tudinem et misericordiam nominat. Jampridem
« equidem nos vera rerum vocabula amisimus : quia
« bona aliena largiri, liberalitas ; malarum rerum au-
« dacia, fortitudo vocatur : eò respublica in extremo
« sita. Sint sanè, quoniam ita se mores habent, libe-

« rales ex sociorum fortunis, sint misericordes in
« furibus ærarii: ne illis sanguinem nostrum lar-
« giantur; et, dum paucis sceleratis parcunt, bonos
« omnis perditum eant. Bene et compositè C. Cæsar
« paullo antè in hoc ordine de vitâ et morte disse-
« ruit: falsa, credo, existumans, quæ de inferis me-
« morantur: diverso itinere malos a bonis loca tetra,
« inculta, foeda, atque formidolosa habere. Itaque
« censuit *pecunias eorum publicandas, ipsos per*
« *municipia in custodiis habendos*; videlicet ti-
« mens ne, si Romæ sint, aut a popularibus conju-
« rationis, aut a multitudine conductâ per vim eri-
« piantur. Quasi vero mali atque scelesti tantummo-
« do in urbe, et non per totam Italiam sint, aut non
« ibi plus possit audacia, ubi ad defendendum opes
« minores. Quare vanum equidem hoc consilium, si
« periculum ex illis metuit. Sin in tanto omnium
« metu solus non timet, eò magis refert mihi atque
« vobis timere. Quare quum de P. Lentulo ceterisque
« statuetis, pro certo habetote vos simul de exercitu
« Catilinæ et de omnibus conjuratis decernere.
« Quantò vos attentius ea agetis, tantò illis ani-
« mus infirmior erit. Si paullulum modò vos langue-
« re viderint, jam omnes feroces aderunt. Nolite
« existumare majores nostros armis rempublicam ex
« parvâ magnam fecisse. Si ita res esset, multò pul-
« cherrimam eam nos haberemus: quippe sociorum
« atque civium, præterea armorum atque equorum,
« major nobis copia quàm illis. Sed alia fuere, quæ
« illos magnos fecere, quæ nobis nulla sunt; domi
« industria, foris justum imperium, animus in con-
« sulendo liber, neque delicto neque lubrici obno-

« xins. Pro his, nos habemus luxuriam atque avari-
« tiam; publicè egestatem, privatim opulentiam;
« laudamus divitias, sequimur inertiam; inter bonos
« et malos discrimen nullum; omnia virtutis præmia
« ambitio possidet. Neque mirum, ubi vos separa-
« tim sibi quisque consilium capitis, ubi domi vo-
« luptatibus, hic pecuniæ aut gratiæ servitis: eo fit
« ut impetus fiat in vacuam rempublicam. Sed ego
« hæc omitto. Conjuravere nobilissimi cives patriam
« incendere; Gallorum gentem infestissimam nomi-
« ni romano ad bellum arcessunt; dux hostium cum
« exercitu supra caput est: vos cunctamini etiam
« nunc et dubitatis quid intra moenia adprehensis
« hostibus faciatis? Misereamini, censeo; deliquere
« homines adolescentuli per ambitionem: atque
« etiam armatos dimittatis. Ne ista vobis manusctu-
« do et misericordia, si illi arma ceperint, in mise-
« riam vertet. Scilicet res aspera est; sed vos non ti-
« metis eam: immo verò maxime; sed inertiam et
« molliam animi, alius alium expectantes, cuncta-
« mini, videlicet diis immortalibus confisi, qui hanc
« rempublicam in maximis sæpè periculis servavere.
« Non votis neque suppliciis muliebribus auxilia
« deorum parantur; vigilando, agendo, bene consu-
« lendo, prospera omnia cedunt. Ubi secordiæ te at-
« que ignaviæ tradideris, nequidquam deos implo-
« res; irati infestique sunt. Apud majores nostros
« T. Manlius Torquatus bello gallico filiam suam,
« quòd is contra imperium in hostem pugnaverat,
« necari jussit. Atque ille egregius adolescens im-
« moderatæ fortitudinis morte poenas dedit: vos de
« crudelissimis parricidis quid statuatis cunctamini?

« Videlicet vita cetera eorum huic sceleri obstat. Ve-
 « rum parcite dignitati Lentuli, si ipse pudicitiae, si
 « famae suae, si dis aut hominibus umquam ullis pe-
 « percit: ignoscite Cethegi adolescentiae nisi iterum
 « patriae bellum fecit. Nam quid ego de Gabinio, Sta-
 « tilio, Caeptario, loquar? quibus si quidquam um-
 « quam pensi fuisset, non ea consilia de republica
 « habuissent. Postremo, patres conscripti, si, me-
 « hercule! peccato locus esset, facile paterer vos ipsa
 « re corrigi, quoniam verba contemnitis. Sed undi-
 « que circumventi sumus. Catilina cum exercitu fau-
 « cibus urget; alii intra moenia, in sinu urbis, sunt
 « hostes; neque parari, neque consuli quidquam oc-
 « culte potest: quod magis properandum. Quare ita
 « ego censeo: quum nefario consilio sceleratorum ci-
 « vium respublica in maxima pericula venerit, hi-
 « que indicio T. Volturcii et legatorum Allobrogum
 « convicti confessique sint, caedem, incendia, alia fœ-
 « da atque crudelia facinora in civis patriamque para-
 « visse; de confessis sicuti de manifestis rerum capi-
 « talium, more majorum, supplicium sumendum. »

LIII. POSTQUAM Cato adsedit, consulares omnes,
 itemque senati magna pars, sententiam ejus lau-
 dant, virtutem animi ad eorum ferunt; alii alios in-
 crepantes timidos vocant: Cato magnus atque clares
 habetur: senati decretum fit sicuti ille censuerat.
 Sed mihi multa legenti, multa audienti, quae popu-
 lus romanus domi militiaeque, mari atque terrâ, præ-
 clara facinora fecit, fortè labuit attendere, quae res
 maxime tanta negotia sustinuisset. Sciebam suspen-
 numero parvâ manu cum magnis legionibus hostium
 contendisse; cognoveram parvis copiis bella gesta

cum opulentis regibus; ad hoc sæpè fortunæ violentiam toleravisse; facundiâ Græcos, gloriâ belli Gallos, ante Romanos fuisse: ac mihi multa agitati constabat paucorum civium egregiam virtutem cuncta paravisse; eoque factum uti, divitias paupertas, multitudinem paucitas superaret. Sed postquam luxu atque desidiâ civitas corrupta est, rursus respublica magnitudine suâ imperatorum atque magistratuum vitia sustentabat; ac, sicuti effecta parentium, multis tempestatibus haud sanè quisquam Romæ virtute magnus fuit. Sed memoriâ meâ, ingenti virtute, divorsi moribus, fuere viri duo, M. Cato et C. Cæsar: quos, quoniam res obtulerat, silentio præterire non fuit consilium, quin utriusque naturam et mores; quantum ingenio possem, aperirem.

LIV. Igitur his genus, ætas, eloquentia, prope æqualia fuere: magnitudo animi par, item gloria, sed alia alii. Cæsar beneficiis ac munificentia magnus habebatur; integritate vitæ Cato. Ille mansuetudine et misericordia clarus factus; huic severitas dignitatem addiderat. Cæsar dando, sublevando, ignoscendo; Cato nihil largiundo, gloriam adeptus. In altero miseris perfugium; in altero malis perniciēs. Illius facilitas, hujus constantia laudabatur. Postremò Cæsar in animum induxerat laborare, vigilare; negotiis amicorum intentus, sua negligere; nihil denegare quod dono dignum esset; sibi magnum imperium, exercitum, novum bellum exoptabat ubi virtus enitescere posset: at Catoni studium modestiæ, decoris, sed maxumè severitatis erat; non divitiis cum divite, neque factione cum factioso, sed cum strenuo virtute, cum modesto pudore, cum innocente absti-

nentiâ, certabat; esse, quàm videri bonus malebat : ita, quò minùs gloriam petebat, eò magis adsequēbatur.

LV. POSTQUAM, ut dixi, senatus in Catenis sententiam discessit, consul optimum factum ratus noctem quæ instabat antecapere, ne quid eo spatio novaretur; triumviros quæ supplicium postulabat parare jubet: ipse, dispositis præsiidiis, Lentulum in carcerem deducit; idem fit ceteris per prætores. Est locus in carcere, quod Tullianum adpellatur, ubi paullulum descenderis ad lævam, circiter duodecim pedes humi depressus. Eum muniunt undique parietes atque insuper camera lapideis fornicibus vincita: sed incultus, tenebris, odore fœda atque terribilis ejus facies est. In eum locum postquam demissus Lentulus, quibus præceptum erat, laqueo gulam fregere. Ita ille patricius, ex clarissimâ gente Corneliorum, qui consulare imperium Romæ habuerat, dignum moribus factisque suis exitium vitæ invenit. De Cethego, Statilio, Gabinio, Corpario, eodem modo supplicium sumtum est.

LVI. DUM ea Romæ geruntur, Catilina, ex omni copiâ quam et ipse adduxerat, et Manlius habuerat, duas legiones instituit; cohortes pro numero militum complet: deinde, ut quisque voluntarius, aut ex sociis in castra venit, æqualiter distribuerat; ac brevi spatio legiones numero hominum expleverat; quum initio non ampliùs duobus millibus habuisset. Sed ex omni copiâ circiter pars quarta erat militibus armis instructa; ceteri, ut quemque casus armarat, spatos, aut lanceas, alii præacutas sudes, portabant. Sed postquam Antonius cum exercitu adven-

tabat, Catilina per montis iter facere, ad urbem modò, modò in Galliam versus castra movere; hostibus occasionem pugnandi non dare. Sperabat propè diem magnas copias sese habiturum, si Romæ socii incepta patravissent. Interea servitia repudiabat, cujus initio ad eum magnæ copię concurrebant, opibus conjurationis fretus; simul alienum suis rationibus existumans videri causam civium cum servis fugitivis communicavisse.

LVII. SED postquam in castra nuncius pervenit Romæ conjurationem patefactam, de Lentulo, Cethego, ceteris quos suprà memoravi, supplicium sumtum, plerique quos ad bellum spes rapinarum aut novarum rerum studium illexerat, dilabuntur: reliquos Catilina per montis asperos magnis itineribus in agrum Pistoriensem abducit; eo consilio uti per tramites occultè perfugerent in Galliam; at Q. Metellus Celer cum tribus legionibus in agro Piceno præsidebat, ex difficultate rerum eadem illa existumans, quæ suprà diximus, Catilinam agitare. Igitur, ubi iter ejus ex perfugis cognovit, castra properè movet, ac sub ipsis radicibus montium consedit quâ illi descensus erat in Galliam properanti. Neque tamen Antonius procul aberat, utpote qui magno exercitu, locis æquioribus expeditus, in fugâ sequeretur. Sed Catilina, postquam videt montibus atque copiis hostium sese clausum, in urbe res adversas, neque fugæ neque præsidii ullam spem, optimum factum ratus in tali re fortunam belli tentare, statuit cum Antonio quàm primùm configere. Itaque, concione advocatâ, hujuscemodi orationem habuit:

LVIII. « COMPERTUM ego habeo, milites, verba

« virtutem non addere, neque ex ignavo strenuum,
« neque fortem ex timido exercitum oratione impe-
« ratoris fieri. Quanta cujusque animo audacia na-
« turâ aut moribus inest, tanta in bello patere solet.
« Quem neque gloria, neque pericula excitant, ne-
« quidquam hortere: timor animi auribus obfecit.
« Sed ego vos, quò panca monerem, advocavi simul-
« uti causam consiliû aperirem. Scitis equidem, mi-
« lites, secordia atque ignavia Lentuli quantam ipsi
« cladem nobisque attulerit; quoque modo, dum ex
« urbe præsidia opperior, in Galliam proficisci ne-
« quiverim. Nunc quo in loco res nostræ sint juxtâ
« mecum omnes intellegitis. Exercitus hostium duo,
« unus ab urbe, alter a Galliâ, obstant: diutiùs in
« his locis esse, si maxumè animus ferat, frumenti
« atque aliarum rerum egestas prohibet. Quòcumque
« ire placet, ferro iter aperiundum est. Quapropter
« vos moneo uti forti atque parato animo sitis; et
« quum prœlium inibitis, memineritis vos divitias,
« decus, gloriam, præterea libertatem atque patriam,
« in dextris portare. Si vincimus, omnia nobis tuta
« erunt, commeatus abundè, coloniæ atque municipi-
« pia patebunt. Sin metu cesserimus, eadem illa ad-
« vorsa fiunt: neque locus neque amicus quisquam
« teget, quem arma non texerint. Præterea, milites,
« non eadem nobis, et illis necessitudo impendet.
« Nos pro patriâ, pro libertate, pro vitâ, certamus:
« illis supervacaneum est pugnare pro potentiâ pau-
« corum. Quò audaciùs adgredimini, memores pris-
« tinæ virtutis. Licuit nobis cum summâ turpitudine
« in exilio ætatem agere: potuistis nonnulli Romæ,
« amissis bonis, alienas opes expectare. Quia illa

« foeda atque intoleranda viris videbantur, hæc sequi
 « decrevistis. Si relinquere vultis, audaciâ opus est.
 « Nemo, nisi victor, pace bellum mutavit. Nam in
 « fugâ salutem sperare, quum arma quis corpus tegi-
 « tur ab hostibus averteris, ea verò dementia est.
 « Semper in proelio maximum est periculum qui
 « maxumè timent; audacia pro muro habetur. Quum
 « vos considero, milites, et quum facta vestra astu-
 « mo, magna me spes victoriæ tenet. Animus, ætas,
 « virtus vestra, hortantur; præterea necessitudo,
 « quæ etiam timidos fortis facit. Nam multitudo
 « hostium ne circumvenire queat prohibent angus-
 « tiæ. Quòd si virtuti vestræ fortuna inviderit, ca-
 « vete inulti animam amittatis; neu capti potius,
 « sicuti pecora trucidemini, quam virosum more pu-
 « gnantes, cruentam atque luctuosam victoriam
 « hostibus relinquatis. »

LIX. HÆC ubi dixit, pællulum commemoratus, si-
 gna canere jubet, atque instructos ordines in locum
 æquum deducit; dein, remotis omnium equis, quò
 militibus, exequato periculo, animus amplior esset,
 ipse pedes exercitum pro loco atque copiis instruit.
 Nam, uti planities erat inter sinistros montis, et ab
 dextrâ rupes aspera, octo cohortis in fronte consti-
 tuit; reliqua signa in subsidio artius collocat. Ab his
 centuriones omnis lectos et evocatos, præterea ex
 gregariis militibus optimum quemque armatum in
 primam aciem subducit. C. Manlium in dextrâ, Fæ-
 sulanum quemdam in sinistrâ parte curare jubet:
 ipse cum libertis et colonis propter aquilam adsistit,
 quam bello cimbrico C. Marius in exercitu habuisse

dicebatur. At ex alterâ parte C. Antonius, pedibus æger, quòd prælio adesse nequibat, M. Petreio legato exercitum permittit. Ille cohortis veteranas, quas tumulti causâ conscripserat, in fronte; post eas, ceterum exercitum in subsidiis locat. Ipse equo circumiens, unumquemque nominans adpellat, hortatur, rogat uti meminerint se contra latrones inermes, pro patriâ, pro liberis, pro aris atque focis suis, cernere. Homo militaris, quòd ampliùs annos triginta tribunus, aut præfectus, aut legatus, aut prætor, cum magnâ gloriâ fuerat, plerosque ipsos factaque eorum fortia noverat, ea commemorando militum animos accendebat.

LX. Sed ubi, rebus omnibus exploratis, Petreius tubâ signum dat, cohortis paullatim incedere iubet. Idem facit hostium exercitus. Postquam eò ventum est unde a ferentariis prælium committi posset, maximo clamore cum infestis signis concurrunt; pila omittunt; gladiis res geritur. Veterani, pristinae virtutis memores, comminus acriter instare: illi haud timidi resistunt. Maxima vi certatur. Interea Catilina cum expeditis in primâ acie versari, laborantibus succurrere, integros pro sauciis arcessere; omnia providere; multum ipse pugnare, sæpè hostem ferire. Strenui militis, et boni imperatoris officia simul exsequebatur. Petreius, ubi videt Catilinam, contra ac ratus erat, magnâ vi tendere, cohortem prætoriam in medios hostis inducit; eos perturbatos atque alios alibi resistentes interficit; deinde utrinque ex lateribus adgreditur. Manlius et Fæsulanus in primis pugnantes cadunt. Postquam fusas copias, seque cum

50 C. CRISPI SALLUSTII CATILINA.

paucis relictum videt Catilina, memor generis atque pristinae dignitatis, in confertissimos hostes incurrit, ibique pugnans confoditur.

LXI. SED confecto proelio, tum verò cerneret quantam audaciam, quantamque animi vis fuisset in exercitu Catilinæ; nam ferè quem quisque pugnando locum ceperat, eum, amissâ animâ, corpore tegebât, pauci autem, quos medios cohors prætoria disiecerat, paullo diversiùs, sed omnes tamen adversis vulneribus conciderant. Catilina verò longè a suis inter hostium cadavera repertus est, paululum etiam spirans, ferociamque animi quam habuerat vivus in vultu retinens. Postremò ex omni copiâ neque in proelio neque in fugâ, quisquam civis ingenuus captus est: ita cuncti suæ hostiumque vitæ juxtâ pepercierant. Neque tamen exercitus populi romani lætam aut incruentam victoriam adeptus; nam strenuissimus quisque aut occiderat in proelio, aut graviter vulneratus discesserat. Multi autem, qui de castris, visundi aut spoliandi gratiâ, processerant, volentes hostilia cadavera, amicum alii, pars hospitem, aut cognatum, reperiabant. Fuere item qui inimicos suos cognoscerent. Ita variè per omnem exercitum lætitia, mœror, luctus atque gaudia, agitabantur.

FINIS.

C. C. SALLUSTII
BELLUM JUGURTHINUM.

C. C. SALLUSTII

BELLUM JUGURTHINUM.

I. **F**ALSÒ queritur de naturâ suâ genus humanum, quòd, imbecilla atque ævi brevis, sorte potiùs quàm virtute regatur. Nam contrà, reputando, neque majus aliud neque præstabilius invenias, magisque naturæ industriam hominum, quàm vim aut tempus deesse. Sed dux atque imperator vitæ mortalium animus est; qui, ubi ad gloriam virtutis viâ grassatur, abundè pollens potensque et clarus est, neque fortunæ eget: quippe probitatem, industriam, alias artis bonas, neque dare neque eripere potest. Sin captus pravis cupidinibus ad inertiam et voluptates corporis pessum datus est, perniciosâ lubidine paullisper usus; ubi per secordiam vires, tempus, ingenium defluxe-
re, naturæ infirmitas accusatur: suam quisque culpam auctores ad negotia transferunt. Quòd si hominibus bonarum rerum tanta cura esset, quanto studio aliena ac nihil profutura, multùmque etiam periculosa petunt; neque regerentur magis quàm regerent casus, et eò magnitudinis procederent, ubi pro mortalibus gloriâ æterni fierent.

II. **N**AM uti genus hominum compositum ex animâ et corpore; ita res cunctæ, studiaque omnia nostra, corporis alia, alia animi, naturam sequuntur. Igitur præclara facies, magnæ divitiæ, ad hoc vis cor-

poris, alia hujuscemodi omnia, brevi dilabuntur; at ingenii egregia facinora, sicuti anima, immortalia sunt. Postremò corporis et fortunæ bonorum, ut initium, finis est: omnia orta occidunt, et aucta senescunt. Anímus incorruptus, æternus, rector humani generis, agit atque habet cuncta, neque ipse habetur. Quò magis pravitas eorum admiranda est, qui, dediti corporis gaudiis, per luxum atque ignaviam ætatem agunt: ceterùm ingenium, quo neque melius, neque amplius aliud in naturá mortalium est, incultu atque secordiâ torpescere sinunt; quum præsertim tam multæ variæque sint artes animi, quibus summa claritudo paratur.

III. VÉRUM ex his magistratus et imperia, postremò omnis cura rerum publicarum, minumè mihi hæc tempestate cupiunda videntur: quoniam neque virtuti honos datur, neque illi, quibus per fraudem jus fuit, tuti aut eò magis honesti sunt. Nam vi quidem regere patriam aut parentes, quamquam et possis, et delicta corrigas, tamen importunum est, quum præsertim omnes rerum mutationes cædem, fugam, aliaque hostilia, portendant. Frustrà autem niti, neque aliud, fatigando, nisi odium quærere, extremæ dementiæ est: nisi fortè quem inhonesta et perniciosa lubido tenet, potentiæ paucorum decus atque libertatem suam gratificari.

IV. CETERUM ex aliis negotiis, quæ ingenio exercentur, in primis magno usui est memoria rerum gestarum: cujus de virtute, quia multi dixere, prætercundum puto; simul, ne per insolentiam quis existimet, nemet, studium laudando, extollere. Atque ego credo fore, qui, quia decrevi procul a republicâ

ætatem agere, tanto tamque utili labori meo nomen inertiae imponant : certè, quibus maxuma industria videtur salutare plebem, et convivii gratiam quærere. Qui si reputaverint, et quibus ego temporibus magistratus adeptus sum, et quales viri idem adsequi nequiverint, et postea quæ genera hominum in senatum pervenerint; profectò existumabunt, me magis merito, quàm ignaviâ, judicium animi mutavisse, majusque commodum ex otio meo, quàm ex aliorum negotiis, reipublicæ venturum. Nam sæpè audivi Q. Maxumum, P. Scipionem, præterea civitatis nostræ præclaros viros solitos ita dicere, *Quum majorum imagines intuerentur, vehementissimè sibi animum ad virtutem accendi.* Scilicet non ceram illam, neque figuram tantam vim in sese habere, sed memoriâ rerum gestarum eam flammam egregiis viris in pectore crescere, neque priùs sedari quàm virtus eorum famam atque gloriam adæquaverit. At contrà quis est omnium his moribus quin divitiis et sumptibus, non probitate neque industriâ, cum majoribus suis contendat? Etiam homines novi, qui antea per virtutem soliti erant nobilitatem antevenire, furtim et per latrocinia potiùs quàm bonis artibus ad imperia et honores nituntur. Proinde quasi prætura et consulatus, atque alia omnia hujusmodi per se ipsa clara, magnifica sint; ac non perinde habèantur, ut eorum qui sustinent virtus est. Verùm ego liberius altiùsque processi, dum me civitatis morum piget tædetque. Nunc ad inceptum redeo.

V. BELLUM scripturus sum quod populus romanus cum Jugurthâ, rege Numidarum, gessit : primùm quia magnum et atrox, variaque victoria fuit; dein

quia tum primùm superbiae nobilitatis obviam itura est. Quae contentio divina et humana cuncta permiscuit, eoque vecordiae processit, uti studiis civilibus bellum atque vastitas Italiae finem faceret. Sed, priusquam hujusmodi rei initium expedio, pauca suprâ repetam; quò, ad cognoscendum, omnia illustria magis magisque in aperto sint. Bello punico secundo, quo dux Carthaginensium Hannibal, post magnitudinem nominis romani, Italiae opes maxime adtriverat; Masinissa, rex Numidarum, in amicitia receptus a P. Scipione, cui postea Africano cognomen ex virtute fuit, multa et praeclara rei militaris facinora fecerat: ob quae, victis Carthaginensibus et capto Syphace, cujus in Africâ magnum atque latè imperium valuit, populus romanus, quas-cumque urbis et agros manu ceperat, regi dono dedit. Igitur amicitia Masinissae bona atque honesta nobis permansit: imperii vitaeque ejus finis idem fuit. Dein Micipsa filius regnum solus obtinuit, Mastanabale et Gulussâ fratribus morbo absumptis. Is Adherbalem et Hiempsalem ex sese genuit; Jugurthamque, Mastanabalis fratris filium, quem Masinissa, quòd ortus ex concubinâ erat, privatum reliquerat, eodem cultu quo liberos suos domi habuit.

VI. Qui, ubi primùm adolevit, pollens viribus, decorâ facie, sed multò maxumè ingenio validus, non se luxu neque inertiae corrumpendum dedit; sed, uti mos gentis illius est, equitare, jaculari, cursu cum aequalibus certare; et, quum omnis gloriâ anteiret, omniis tamen carus esse; ad hoc, pleraque temeraria in venando agere; leonem atque alias feras primus aut in primis ferire; plurimùm facere,

minumum ipse de se loqui. Quibus rebus Micipsa tametsi initio letus fuerat, existumans virtutem Jugurthæ regno suo gloriæ fore; tamen, postquam hominem adolescentem, exactâ suâ ætate, parvis liberis, magis magisque crescere intellegit, vehementer negotio permotus, multa cum animo suo volvebat. Terrebat natura mortalium, avida imperii et præceps ad explendam animi cupidinem: præterea opportunitas suæque et liberorum ætatis, quæ etiam mediocri viros spe prædæ transvorsos agit; ad hoc studia Numidarum in Jugurtham accensa: ex quibus, si talem virum dolis interfecisset, ne qua seditio aut bellum oriretur anxius erat.

VII. His difficultatibus circumventus, ubi videt, neque per vim, neque insidiis opprimi posse hominem tam acceptum popularibus, quod erat Jugurtha ætate promptus et adpetens gloriæ militaris, statuit cum objectare periculis, et eo modo fortunam tentare. Igitur, bello numantino, Micipsa quum populo romano equitum atque peditum auxilia mitteret, sperans, vel ostentando virtutem, vel hostium sævitiam facile occasurum, præfecit Numidis quos in Hispaniam mittebat. Sed ea res longè aliter ac ratus erat evenit. Nam Jugurtha, ut erat impigro atque acri ingenio, ubi naturam P. Scipionis, qui tum Romanis imperator, et morem hostium cognovit, multo labore multaque curâ, præterea modestissimè parendo et sæpè obviam eundo periculis, in tantam claritudinem brevi pervenerat, ut nostras vehementer carus, Numantinis maximo terrori esset. Ac sanè, quod difficillimum in primis est, et proelio strenuus erat, et bonus consilio; quorum alterum ex

providentiâ timorem, alterum ex audaciâ temeritatem, adferre plerumque solet. Igitur imperator omnis ferè res asperas per Jugurtham agere, in amicis habere, magis magisque in dies amplecti: quippe cujus neque consilium neque inceptum ullum frustra erat. Huc accedebat munificentia animi, et ingenii sollertia, quis rebus sibi multos ex Romanis familiari amicitia conjunxerat.

VIII. EA tempestate in exercitu nostro fuere complures novi atque nobiles, quibus divitiæ bono honestoque potiores erant, factiosi, domi potentes, apud socios clari magis quàm honesti; qui Jugurthæ non mediocrem animum pollicitando accendebant, *si Micipsa rex occidisset, fore uti solus imperii Numidiæ potiretur: in ipso maxumam virtutem, Romæ omnia venalia esse.* Sed postquam, Numantiâ deletâ, P. Scipio dimittere auxilia, ipse revorti domum decrevit: donatum atque laudatum magnificè pro concione Jugurtham in prætorium adduxit: ibique secretè monuit « uti potiùs publicè
« quàm privatim amicitiam populi romani coleret;
« neu quibus largiri insuesceret; periculose a paucis
« emi quod multorum esset. Si permanere vellet in
« suis artibus, ultrò illi et gloriam et regnum venturum: sin properantiùs pergeret, suamet ipsam
« pecuniâ præcipitem casurum. »

IX. SIC locutus, cum litteris, quas Micipsæ redderet, dimisit: earum sententia hæc erat: « Jugurthæ tui bello numantino longè maxuma virtus fuit;
« quam rem tibi certo scio gaudio esse. Nobis ob meritâ carus est: uti idem senatui sit et populo romano summâ ope nitentur. Tibi quidem pro nos-

« trā amicitia gratulor : en habes virum dignum te
 « atque avo suo Masinissā ». Igitur rex, ubi quæ fa-
 ma acceperat ex litteris imperatoris ita esse cognovit,
 quum virtute viri, tum gratiā permotus, flexit ani-
 mum suum, et Jugurtham beneficiis vincere adgres-
 sus est; statimque adoptavit, et testamento pariter
 cum filiis hæredem instituit. Sed ipse paucos post
 annos, morbo atque ætate confectus, quum sibi fi-
 nem vitæ adesse intellexeret, coram amicis et cogna-
 tis, item Adherbale et Hiempsale filiis, dicitur ha-
 juscemodi verba cum Jugurthâ habuisse :

X. « PARVUM ego, Jugurtha, te, amisso patre,
 « sine spe, sine opibus, in meum regnum accepi,
 « existumans non minùs me tibi quàm liberis, si ge-
 « nuissem, ob beneficia carum fore : neque ea res
 « falsum habuit. Nam, ut alia magna et egregia tua
 « omittam, novissumè rediens Numantiā meque re-
 « gnumque meum gloriā honoravisti; tuā virtute
 « nobis Romanos ex amicis amicissimos fecisti; in
 « Hispaniā nomen familiæ renovatum; postremò,
 « quod difficillimum inter mortalis, gloriā invidiam
 « vicisti. Nunc, quoniam mihi natura vitæ finem
 « facit, per hanc dextram, per regni fidem, moneo
 « obtestorque uti hos, qui tibi genere propinqui,
 « beneficio meo fratres sunt, caros habeas; neu ma-
 « lis alienos adjungere, quàm sanguine conjunctos
 « retinere. Non exercitus neque thesauri præsidia
 « regni sunt, verùm amici, quos neque armis co-
 « gere, neque auro parare queas : officio et fide pa-
 « riuntur. Quis autem amicior quàm frater fratri?
 « aut quem alienum fidum invenies, si tuis hostis
 « fueris? Equidem ego vobis regnum trado firmum,

« si boni eritis; sin mali, imbecillum; nam concordia parvæ res crescunt, discordiâ maximæ dilabuntur. Ceterum ante hos te, Jugurtha, qui ætate et sapientiâ prior es, ne aliter quid eveniat providere decet; nam in omni certamine, qui opulentior est, etiam si accipit injuriam, quia plus potest, facere videtur. Vos autem, Adherbal et Hiempsal, colite, observate talem hunc virum; imitamini virtutem, et enitimini ne ego meliores liberos sumsisse videar, quàm genuisse. »

XI. AD eam Jugurtha, tametsi regem ficta locutum intellegebat, et ipse longè aliter animo agitabat, tamen pro tempore benignè respondit. Micipsa paucis diebus moritur. Postquam illi, more regio, justa magnificè fecerant, reguli in unum convenere, uti inter se de cunctis negotiis disceptarent. Sed Hiempsal, qui minimus ex illis, naturâ ferox, etiam antea ignobilitatem Jugurthæ (quia materno genere impar erat) despiciens, dexterâ Adherbalem adædit, ne medius ex tribus, quod apud Numidas honori ducitur, Jugurtha foret: dein tamen, uti ætati concederet, fatigatus a fratre, vix in partem alteram transductus est. Ibi quum multa de administrando imperio dissererent, Jugurtha inter alias res jacit, oportere quinquennii consulta omnia et decreta rescindi; nam per ea tempora confectum annis Micipsam parùm animo valuisse. Tum idem Hiempsal placere sibi respondit; nam ipsum illum tribus his proximis annis adoptione in regnum pervenisse. Quod verbum in pectus Jugurthæ altius quàm quisquam ratus descendit. Itaque ex eo tempore, irâ et metu anxius, moliri, parare, at-

que ea modò animo habere, quibus Hiempsal per dolum caperetur. Quæ ubi tardiùs procedunt, neque lenitur animus ferox, statuit quovis modo inceptum perficere.

XII. PRIMO conventu, quem ab regulis factum supra memoravi, propter dissensionem, placuerat dividi thesauros, finisque imperii singulis constitui. Itaque tempus ad utramque rem decernitur, sed maturiùs ad pecuniam distribuendam. Reguli interea in loca propinqua thesauris alius aliò concessere. Sed Hiempsal in oppido Thirmidâ fortè ejus domo utebatur, qui proxumus lictor Jugurthæ carus acceptusque semper fuerat. Quem ille casu ministrum oblatum promissis onerat, uti tamquam suam visens domum eat, portarum clavis adulterinas paret; nam veræ ad Hiempsalem referebantur: ceteram, ubi res postularet, se ipsum cum magnâ manû venturum. Numida mandata brevi conficit; atque, ut doctus erat, noctu Jugurthæ milites introducit. Qui, postquam in ædis irrupere, diversi regem quærere; dormientis alios, alios occurrentis interficere; scrutari loca abdita; clausa effringere; strepitu et tumultu omnia miscere: quum Hiempsal interim reperitur, occultans sese tugurio mulieris ancillæ, quò initio pavidus et ignarus loci perfugerat. Numidæ caput ejus, ut jussi erant, ad Jugurtham referunt.

XIII. CETERUM fama tanti facinoris per omnem Africam brevi divulgatur: Adherbalem omnisque, qui sub imperio Micipsæ fuerant, metus invadit. In duas partis discedunt: plures Adherbalem sequuntur; sed illum alterum bello meliores. Igitur Jugurtha quàm maxumas potest copias armat; urbis par-

tim vi, alias voluntate, imperio suo adjungit: omni Numidiæ imperare parat. Adherbal, tamen etsi Romam legatos miserat, qui senatum docerent de cæde fratris et fortunis suis; tamen, fretus multitudine militum, parabat armis contendere. Sed ubi res ad certamen venit, victus ex prælio profugit in provinciam, ac deinde Romam contendit. Tum Jugurtha, patris consiliis, in otio facinus suum cum animo reputans, timere populum romanum, neque adversus iram ejus æquam, nisi in avaritiâ nobilitatis et pecuniâ suâ, spem habere. Itaque paucis diebus cum auro et argento multo Romam mittit; quis præcepit uti primùm veteres amicos muneribus expleant, deinde novos adquirant, postremò quæcumque possint largiundo parare ne cunctentur. Sed ubi Romam legati venêre, et, ex præcepto regis, hospitibus aliisque quorum cæ tempestate auctoritas pollebat, magna misère, tanta commutatio incoessit, uti ex maximâ invidiâ in gratiam et favorem nobilitatis Jugurtha veniret. Quorum pars spe, alii præmie inducti, singulos ex senatu ambiendo, nitebantur ne gravius in eum consuleretur. Igitur, legati ubi satis confidunt, die constituto, senatus utrisque datur. Tum Adherbalem hoc modo locutum accepimus:

XIV. « PATRES conscripti, Micipsa pater meus
 « moriens præcepit uti regnum Numidiæ tantummodo
 « do procuratione existimarem meum; ceterum jus
 « et imperium penes vos esse: simul eniterer domi
 « militiæque quàm maximo usui esse populo romano;
 « vos mihi cognatorum, vos in adfinium locum
 « ducerem: si ea fecissem, in vestrâ amicitia exerci-
 « tum, divitias, munimenta regni habere. Quæ quum,

« praecepta parentis mei agitare, Jugurtha, homo
« omnium quos terra sustinet sceleratissimus, con-
« temto imperio vestro, Masinissae me nepotem, et
« jam ab stirpe socium et amicum populo romano,
« regno fortunisque omnibus expulit. Atque ego,
« patres conscripti, quoniam eò miseriarum ventu-
« rus eram, vellem, potius ob mea quàm ob mayo-
« rum beneficia, posse auxilium petere; ac maxumè
« deberi mihi a populo romano, quibus non egerem;
« secundum ea, si desideranda erant, uti debitis
« uterer. Sed quoniam parùm tuta per se ipsa pro-
« bitas, neque mihi in manu fuit Jugurtha qualis
« foret; ad vos confugi, patres conscripti, quibus,
« quod miserrimum, cogor priùs oneri quàm usui
« esse. Ceteri reges aut bello victi in amicitiam a vo-
« bis recepti, aut in suis dubiis rebus societatem ves-
« tram adpetiverunt. Familia nostra cum populo ro-
« mano bello carthaginiensi amicitiam instituit; quo
« tempore magis fides ejus quàm fortuna petenda
« erat. Quorum progeniem vos, patres conscripti,
« nolite pati frustrà a vobis auxilium petere. Si, ad
« impetrandum, nihil causae haberem pràter mise-
« randam fortunam; quòd paullo antè rex, genere,
« famà, atque copiis potens, nunc deformatus ærum-
« nis, inops, alienas opes exspecto: tamen erat ma-
« jestatis romani populi prohibere injuriam, neque
« cujusquam regnum per scelus cresceret. Verùm
« ego his finibus ejectus sum, quos majoribus meis
« populus romanus dedit, unde pater et avus unà
« vobiscum expulere Syphacem et Carthaginienses.
« Vestra beneficia erepta sunt, patres conscripti;
« vos in meà injurià despecti estis. Eheu me mise-

rum! Huccine, Micipsa pater, beneficia evasere,
uti, quem tu parem cum liberis regnique partici-
pem fecisti, is potissimum stirpis tuæ extinator
sit? Numquamne ergo familia nostra quieta erit?
semperne in sanguine, ferro, fugâ, versabimur?
Dum Carthaginienses incolumes fuere, jure omnia
sæva patiebamur: hostes ab latere, vos amici pro-
cul, spes omnis in armis erat. Postquam illa pestis
ejecta, læti pacem agitabamus: quippe quis hostis
nullus nisi fortè quem jussissetis? Ecce autem ex
improviso Jugurtha, intolerandâ audaciâ, scelere
atque superbiâ sese efferens, fratre meo atque eo-
dem propinquo suo interfecto, primùm regnum
ejus sceleris sui prædam fecit: post, ubi me isdem
dolis nequit capere, nihil minùs quàm vim aut
bellum exspectantem, in imperio vestro, sicuti vi-
detis, extorrem patriâ, domo, inopem, et cooper-
tum miseriis effecit, ut ubivis tutiùs quàm in meo
regno essem. Ego sic existumabam, patres con-
scripti, ut prædicantem audiveram patrem meum,
qui vestram amicitiam colerent, eos multum labo-
rem suscipere; ceterùm ex omnibus maxumè tutos
esse. Quod in familiâ nostrâ fuit, præstitit uti in
omnibus bellis vobis adesset: nos uti per otium
tuti simus in manu vestrà est, patres conscripti.
Pater nos duos fratres reliquit; tertium, Jugur-
tham, beneficiis suis ratus nobis conjunctum fore:
alter eorum necatus, alterius ipse ego manus im-
pias vix effugi. Quid agam? quò potissimum in-
felix accedam? generis præsidia omnia extincta
sunt: pater, uti necesse erat, naturæ concessit:
fratri, quem minumè decuit, propinquus per sce-

« lus vitam eripuit : adfines , amicos , propinquos ce-
« teros , alium alia clades oppressit : capti ab Jugur-
« thâ , pars in crucem acti , pars bestiis objecti ; pau-
« ci , quibus relicta anima , clausi in tenebris , cum
« moerore et luctu morte graviolem vitam exigunt.
« Si omnia quæ aut amisi , aut ex necessariis advorsa
« facta sunt , incolumia manerent ; tamen , si quid
« ex improvise accidisset , vos implorarem , patres
« conscripti , quibus , pro magnitudine imperii , jus
« et injurias omnis curæ esse decet. Nunc verò exsul
« patriâ , domo , solus , et omnium honestarum re-
« rum egens , quò accedam , aut quos adpellem ? na-
« tionesne , an reges , qui omnes familiæ nostræ ob
« vestram amicitiam infesti sunt ? an quoquam adire
« licet , ubi non majorum meorum hostilia monu-
« menta plurima ? aut quisquam nostri misereri po-
« test , qti aliquando vobis hostis fuit ? Postremò ,
« Masinissa nos ita instituit , patres conscripti , ne
« quem coleremus nisi populum romanum , ne so-
« cietates , ne fœdera nova acciperemus ; abunde
« magna præsidia nobis in vestrà amicitia fore ; si
« huic imperio fortuna mutaretur , unâ nobis occi-
« dendum esse. Virtute ac disvolentibus , magni estis
« et opulenti , omnia secunda et obedientia sunt ;
« quò faciliùs sociorum injurias curare licet. Tan-
« tùm illud vereor , ne quos privata amicitia Jugur-
« thæ , parum cognita , transvorsos agat : quos ego
« audio maxumâ ope niti , ambire , fatigare vos sin-
« gulos , ne quid de absente , incognitâ causâ , sta-
« tuatis : fingere me verba , fugam simulare , cui li-
« cuerit in regno manere. Quòd utinam illum , cujus
« impio facinore in has miserias projectus sum , ea-

« dem hæc simulantem videam; et aliquando aut
 « apud vos, aut apud deos immortalis, rerum hu-
 « manarum cura oriatur; ne ille, qui nunc sceleribus
 « suis ferox atque præclarus est, omnibus malis ex-
 « cruciatus, impietatis in parentem nostrum, fratris
 « mei necis, mearumque miseriarum gravis poenas
 « reddat! Jam jam, frater animo meo carissime,
 « quamquam tibi immaturo, et unde minimè de-
 « cuit, vita erepta est; tamen lætandum magis quàm
 « dolendum puto casum tuum. Non enim regnum,
 « sed fugam, exsilium, egestatem, et omnis has quæ
 « me premunt ærumnas cum animâ simul affaisisti.
 « At ego infelix, in tanta mala præcipitatus ex patrio
 « regno, rerum humanarum spectaculum præbeo:
 « incertus quid agam; tuasne injurias persequar,
 « ipse auxilii egens; an regno consulam, cujus vitæ
 « necisque potestas ex opibus alienis pendet. Utinam
 « emori fortunis meis honestus exitus esset, neu vi-
 « vere contemptus viderer, si defessus malis injuriæ
 « concessissem! Nunc neque vivere lubet, neque
 « mori licet sine dedecore. Patres conscripti, per
 « vos, liberos, atque parentes, per majestatem po-
 « puli romani, subvenite misero mihi; ite obviam
 « injuriæ; nolite pati regnum Numidiæ, quod ves-
 « trum est, per scelus et sanguinem familiæ nostræ
 « tabescere. »

XV. POSTQUAM rex finem loquendi fecit, legati
 Jugurthæ, largitione magis quàm causâ freti, pau-
 eis respondent: « Hiempsalem ob sævitiam suam ab
 « Numidis interfectum; Adherbalem, ultrò bellum
 « inferentem, postquam superatus sit, queri quòd
 « injuriam facere nequivisset; Jugurtham ab senatu

« petere ne alium putarent ac Numantiæ cognitus
« esset, neu verba inimici ante facta sua ponerent ». Deinde utrique curiâ egrediuntur. Senatus statim consulitur: fautores legatorum, præterea magna pars, gratiâ depravati, Adherbalis dicta contemnere; Jugurthæ virtutem extollere laudibus; gratiâ, voce, denique omnibus modis pro alieno scelere et flagitio, suâ quasi pro gloriâ, nitebantur. At contrâ pauci, quibus bonum et æquum divitiis carius, subveniendum Adherbali et Hiempsalis mortem severè vindicandam censebant. Sed ex omnibus maxumè AEmilius Scaurus, homo nobilis, impiger, factiosus, avidus potentiæ, honoris, divitiarum; ceterùm vitia sua callidè occultans. Is postquam videt regis largitionem famosam impudentemque, veritus, quod in tali re solet, ne polluta licentia invidiam accenderet, animum a consuetâ lubricine continuit.

XVI. VICIT tamen in senatû pars illa qui vero pretium aut gratiam anteferebant. Decretum fit, *utî decem legati regnum quod Micipsa obtinuerat inter Jugurtham et Adherbalem dividerent.* Cujus legationis princeps fuit L. Opimius, homo clarus, et tum in senatu potens, quia consul, C. Graccho et M. Fulvio Flacco interfectis, acerrumè victoriam nobilitatis in plebem exercuerat. Eum Jugurtha, tametsi Romæ in amicis habuerat, tamen adcuratissumè recepit: dando et pollicitando perfecit utî famâ, fide, postremò omnibus suis rebus commodum regis anteferret. Reliquos legatos eâdem viâ adgressus, plerosque capit: paucis carior fides quàm pecunia fuit. In divisione, quæ pars Numidiæ Mauritaniam adtingit, agro, viris opulentior, Jugurthæ

traditur; illam alteram, specie quàm usu potiore, quæ portuosior et ædificiis magis exornata erat, Adherbal possedit.

XVII. Rēs postulare videtur Africæ situm paucis exponere, et eas gentis quibuscum nobis bellum aut amicitia fuit adtingere. Sed quæ loca et nationes ob calorem aut asperitatem, item solitudines, minùs frequentata sunt, de iis haud faciliè compertum narra-verim; cetera quàm paucissimis absolvam.

In divisione orbis terræ plerique in partem tertiam Africam posuere: pauci tantummodo Asiam et Europam esse; sed Africam in Europâ. Ea finis habet ab occidente fretum nostri maris et Oceani; ab ortu solis declivem latitudinem, quem locum Cata-bathmon incolæ adpellant. Mare sævum, importuosum; ager frugum fertilis, bonus pecori, arbori infecundus; cœlo, terrâ, penuria aquarum. Genus hominum salubri corpore, velox, patiens laborum: plerosque senectus dissolvit, nisi qui ferro aut bestiis interiere; nam morbus haud sæpè quemquam superat. Ad hoc malefici generis plurima animalia. Sed qui mortales initio Africam habuerint, quique postea accesserint, aut quomodo inter se permixti sint; quamquam ab eâ famâ quæ plerosque obtinet diversum est; tamen, uti ex libris punicis, qui regis Hiempsalis dicebantur, interpretatum nobis est, utique rem sese habere cultores ejus terræ putant, quàm paucissimis dicam. Ceterùm fides ejus rei penes auctores erit.

XVIII. AFRICAM initio habuere Gætuli et Libyes, asperi, inculti; quis cibus erat caro ferina, atque humi pabulum uti pecoribus. Hi neque moribus,

neque lege, neque imperio cujusquam regebantur : vagi, palantes, quâ nox coegerat sedes habebant. Sed postquam in Hispaniâ Hercules, sicuti Afri putant, interiit; exercitus ejus, compositus ex variis gentibus, amisso duce, ac passim multis sibi quisque imperium petentibus, brevi dilabitur. Ex eo numero Medi, Persæ, et Armeni, navibus in Africam transvecti, proximos nostro mari locos occupavere. Sed Persæ intra Oceanum magis: iique alveos navium inversos pro tuguriis habuere, quia neque materia in agris, neque ab Hispanis emundi aut mutandi copia erat. Mare magnum et ignara lingua commercia prohibebant. Hi paullatim per connubia Gætulos secum miscuere; et quia, sæpè tentantes agros, alia, deinde alia loca petiverant, semet ipsi Numidas adpellavere. Ceterum adhuc ædificia Numidarum agrestium, quæ mapalia illi vocant, oblonga, incurvis lateribus tecta, quasi navium carinæ sunt. Medis autem et Armenis accessere Libyes (nam hi propius mare Africum agitabant; Gætuli sub sole magis, haud procul ab ardoribus): hique maturè oppida habuere; nam, freto divisi ab Hispaniâ, mutare res inter se instituerant. Nomen eorum paullatim Libyes corrumpere, barbarâ linguâ Mauros pro Medijs adpellantes. Sed res Persarum brevi adolevit; ac postea nomine Numidæ, propter multitudinem, a parentibus digressi, possidère ea loca quæ proxumè Carthaginem Numidia adpellatur. Dein utrique alteris freti finitimos armis aut metu sub imperium cogère, nomen gloriamque sibi addidere: magis hi qui ad nostrum mare processerant, quia Libyes quàm Gætuli minùs bellicosi. Denique Africæ pars inferior pleraque ab Nu-

midis possessa est; victi omnes in gentem nomenque imperantium concessere.

XIX. POSTEA Phœnices, alii multitudinis domi minuendæ gratiâ, pars imperii cupidine, sollicitatâ plebe et aliis novarum rerum avidis, Hipponem, Hadrumetum, Leptim, aliasque urbis, in orâ maritimâ condidere: hæque brevi multum auctæ, pars originibus præsidio, aliæ decori fuere. Nam de Carthagine silere melius puto quàm parum dicere, quoniam aliò properare tempus monet. Igitur ad Catathamon, qui locus Aegyptum ab Africâ dividit, secundo mari, prima Cyrene est, colonia Thereon; ac deinceps duæ Syrtes, interque eas Leptis; dein Philenon aræ, quem, Aegyptum versùs, finem imperii habuere Carthaginienses; pòst aliæ punicæ urbes. Cetera loca usque ad Mauretaniam Numidæ tenent: proxumè Hispaniam Mauri sùnt. Super Numidiam Gætulos sæcepimus, partim in tuguriis, alios incultius vagos agitare; post eos Aethiopus esse, dein loca exusta solis ardoribus. Igitur bello jugurthino pleraque ex punicis oppida et finis Carthaginensium, quos novissumè habuerant, populus romanus per magistratus administrabat; Gætulorum magna pars et Numidia usque qd flumen Mulucham sub Jugurthâ erant: Mauris omnibus rex Bocchus imperitabat; præter nomen, cetera ignarus populi romani; itemque nobis neque bello neque pace antea cognitus. De Africâ et ejus incolis ad necessitudinem rei satis dictum.

XX. POSTQUAM, regno diviso, legati Africâ discessere; et Jugurtha, contra timorem animi, præmia sceleris adeptum sese videt; certum ratus, quod

+ *Ambricio in Notis & Quæris* (Vol. III. p. 325) thinks this sounds as if Sallust's history had been read out to an assembly, - i. e. in lectures, & taken down by reporters. See his reasons for it. &c. &c.

ex amicis apud Numantiam acceperat, omnia Romæ venalia esse; simul et illorum pollicitationibus accensus, quos paullo antè muneribus expleverat, in regnum Adherbalis animum intendit. Ipse acer, bellicosus; at is quem petebat, quietus, imbellis, placido ingenio, opportunus injuriæ, metuens magis quàm metuendus. Igitur ex improvise finis ejus cum magnâ manu invasit; multos mortalis cum pecore atque aliâ prædâ capit, ædificia incendit, pleraque loca hostiliter cum equitatu accedit. Dein cum omni multitudine in regnum suum convertit, existumans dolore permotum Adherbalem injurias suas manu vindicaturum, eamque rem belli causam fore. At ille quod neque se parem armis existumabat, et amicitia populi romani magis quàm Numidis fretus erat, legatos ad Jugurtham de injuriis questum misit: qui tametsi contumeliosa dicta retulerant, prius tamen omnia pati decrevit quàm bellum sumere; quia tentatum antea secus cesserat. Neque tamen eò magis cupido Jugurthæ minuebatur; quippe qui totum ejus regnum animo jam invaserat. Itaque non, ut antea, cum prædatoriâ manu, sed, magno exercitû comparato, bellum gerere cœpit, et apertè totius Numidiæ imperium petere. Ceterum, quâ pergebat, urbis, agros vastare, prædas agere; suis animum, terrorem hostibus augere.

XXI. ADHERBAL ubi intellegit eò processum, uti regnum aut relinquendum esset, aut armis retinendum, necessariò copias parat, et Jugurthæ obvius procedit. Interim haud longè a mari, prope Cirtam oppidum, utriusque consedit exercitus; et quia diei extremum erat, proelium non inceptum. Ubi ple-

rumque noctis processit, obscuro etiam tum lumine, milites jugurthini, signo dato, castra hostium invadunt; semisomnos partim, alios arma sumentes, fugant funduptque: Adherbal cum paucis equitibus Cirtam profugit; et, ni multitudine togatorum fuisset, quæ Numidas insequentes mœnibus prohibuit, uno die inter duos reges cœptum atque patratum bellum foret. Igitur Jugurtha oppidum circumsededit; vineis, turribusque, et machinis omnium generum, expugnare adgreditur; maxumè festinans tempus legatorum antecapere, quos, ante prœlium factum, Romam ab Adherbale missos audiverat. Sed postquam senatus de bello eorum accepit, tres adolescentes in Africam legantur, qui ambo reges adeant, senati populi que romani verbis nuncient, « Velle
« et censere eos ab armis discedere; de controversiis
« suis jure potius quàm bello disceptare: ita sequè
« illisque dignum fore. »

XXII. LEGATI in Africam maturantes veniunt, eò magis quòd Romæ, dum proficisci parant, de proelio facto et oppugnatione Cirtæ audiebatur: sed is rumor clemens erat. Quorum Jugurtha acceptâ oratione respondit: « Sibi neque majus quidquam neque
« carius auctoritate senati esse; ab adolescentiâ ita
« enisum uti ab optumo quoque probaretur; virtute,
« non malitiâ, P. Scipioni, summo viro, placuisse;
« ob easdem artis ab Micipsâ, non penuriâ liberorum,
« in regnum adoptatum esse; ceterum quòd plura bene atque strenuè fecisset, eò animum
« suum injuriam minùs tolerare: Adherbalem dolis
« vitæ suæ insidiatum; quod ubi comperisset, sceleri
« obviam isse: populum romanum neque rectè neque

« pro bono facturum, si ab jure gentium sese pro-
 « hibuerint : postremò de omnibus rebus legatos
 « Romam brevi missurum ». Ita utrique digrediun-
 tur. Adherbalis adpellandi copia non fuit.

XXIII. JUGURTHA ubi eos Africà decessisse ratus
 est, neque, propter loci naturam, Cirtam armis ex-
 pugnare potest; vallo atque fossâ moenia circum-
 dat, turris exstruit, easque præsiidiis firmat: præ-
 terea dies, noctes, aut per vim, aut dolis tentare;
 defensoribus moenium præmia modò, modò formi-
 dinem ostentare; suos hortando ad virtutem eri-
 gere; prorsus intentus cuncta parare. Adherbal ubi
 intellegit omnis suas fortunas in extremo sitas, hos-
 tem infestum, auxilii spem nullam, penuriâ rerum
 necessariarum bellum trahi non posse, ex his qui
 unâ Cirtam profugerant, duos maxumè impigros de-
 legit, eos, multa pollicendo ac miserando casum
 suum, confirmat, uti per hostium munitiones noctu
 ad proximum mare, dein Romam pergerent.

XXIV. NUMIDÆ paucis diebus jussâ efficiunt;
 litteræ Adherbalis in senatu recitatæ, quarum sen-
 tentia hæc fuit:

« Non meâ culpâ sæpè ad vos oratum mitto, pa-
 « tres conscripti; sed vis Jugurthæ subigit: quem
 « tanta lubido exstinguendi me invasit, uti neque
 « vos neque deos immortalis in animo habeat; san-
 « guinem meum quàm omnia malit. Itaque quintum
 « jam mensem, socius et amicus populi romani, ar-
 « mis obsessus teneor; neque mihi Micipsæ patris
 « beneficia, neque vestra decreta auxiliantur. Ferro
 « an fame acrius urguear, incertus sum. Plura de
 « Jugurthâ scribere dehortatur fortuna mea: etiam

« antea expertus sum , parum fidei miseris esse. Ni-
 « si tamen intellego illum supra quàm ego sum pe-
 « tere , neque simul amicitiam vestram et regnum
 « meum sperare : utrum gravius existimet , nemini oc-
 « cultum est. Nam initio occidit Hiempsalem fratrem
 « meum , dein patrio regno me expulit. Quæ sanè
 « fuerint nostræ injuriæ , nihil ad vos. Verùm nunc
 « vestrum regnum armis tenet ; me , quem impera-
 « torem Numidis posuistis , clausum obsidet : lega-
 « torum verba quanti fecerit , pericula mea decla-
 « rant. Quid reliquum , nisi vis vestra , quo moveri
 « possit ? Nam ego quidem vellem , et hæc quæ scri-
 « bo , et quæ antea in senatu questus sum , vana
 « forent potius quàm miseria mea fidem verbis fa-
 « ceret. Sed quoniam eò natus sum ut Jugurthæ
 « scelerum ostentui essem , non jam mortem neque
 « ærumnas , tantummodo inimici imperium et cru-
 « ciatus corporis deprecor. Regno Numidiæ , quod
 « vestrum est , uti lubet , consulite : me ex manibus
 « impiis eripite , per majestatem imperii , per amici-
 « tiæ fidem ; si ulla apud vos memoria remanet avi
 « mei Masinissæ. »

XXV. His litteris recitatis , fuere , qui exercitum
 in Africam mittendum censerent , et quamprimum
 Adherbali subveniundum , de Jugurthâ interim uti
 consuleretur , quoniam non paruisset legatis. Sed ab
 isdem regis fautoribus summâ ope enisum , ne decre-
 tum fieret. Ita bonum publicum , ut in plerisque
 negotiis solet , privatâ gratiâ devictum. Legantur
 tamen in Africam majores nata , mobiles , amplis ho-
 noribus usi : in quibus M. Scaurus , de quo suprâ me-
 moravimus , consularis , et tum senati princeps. Hi ,

quòd in invidiâ res erat, simul et ab Numidis obsecrati, triduo navim ascendere: dein brevi Uticam adpulsi litteras ad Jugurtham mittunt, *quàm ocissumè ad provinciam accedat; seque ad eum ab senatu missos*. Ille ubi accepit, homines claros, quorum auctoritatem Romæ pollere audiverat, contra inceptum suum venisse; primò commotus, metu atque lubricine divorsus agitabatur. Timebat iram senati ni paruisset legatis: porrò animus cupidine cæcus ad inceptum scelus rapiebat. Vicit tamen in avido ingenio pravum consilium. Igitur, exercitu circumdato, summâ vi Cirtam irrumpere nititur, maxumè sperans, diductâ manu hostium, aut vi aut dolis sese casum victoriæ inventurum. Quod ubi secûs procedit, neque, quod intenderat, efficere potest, uti priûs quàm legatos conveniret Adherbali potiretur; ne, ampliùs morando, Scaurum, quem plurimùm metuebat, incenderet, cum paucis equitibus in provinciam venit. Ac tamen etsi senati verbis minæ graves nunciabantur, quòd oppugnatione non desisteret; multâ tamen oratione consumptâ, legati frustra discessere.

XXVI. EA postquam Cirtæ audita sunt, Italici, quorum virtute moenia defensabantur, confisi, deditione factâ, propter magnitudinem populi romani inviolatos sese fore, Adherbali suadent, uti seque et oppidum Jugurthæ tradat: tantùm ab eo vitam paciscatur, de ceteris senatui curæ fore. At ille, tametsi omnia potiora fide Jugurthæ rebatur; tamen quia penes eosdem, si advorsaretur, cogendi potestas erat, ita, uti censuerant Italici, deditionem facit. Jugurtha in primis Adherbalem excruciatum necat;

dein omnis puberes Numidas et negotiatores promiscuè, uti quisque armatis obviis, interfecit.

XXVII. Quon postquam Romæ cognitum, et res in senatu agitari cœpta, idem illi ministri regis interpellando, ac sæpè gratiâ, interdum jurgiis, trahendo tempus, atrocitatem facti leniebant. Ac ni C. Memmius, tribunus plebis designatus, vir acer et infestus potentiæ nobilitatis, populum romanum edocuisse, *id agi, uti per paucos factiosos Jugurthæ scelus condonaretur*, profectò omnis invidia prolatandis consultationibus dilapsa foret. Tanta vis gratiæ atque pecuniæ regis erat! Sed ubi senatus delicti conscientia populum timet; lege Semproniam provinciæ futuris consulibus, Numidia atque Italia decreta: consules declarantur P. Scipio Nasica, L. Bestia Calpurnius; Calpurnio Numidia, Scipioni Italia obvenit. Deinde exercitus, qui in Africam portaretur, scribitur: stipendium, alia, quæ bello usui forent, decernuntur.

XXVIII. At Jugurtha, contra spem nuncio accepto, quippe cui, Romæ omnia venire, in animo hæserat; filium, et cum eo duo familiaris ad senatum legatos mittit: hisque, ut illis quos, Hiempsale interfecto, miserat, præcepit « omnis mortalis pecunia adgrediantur ». Qui postquam Romam adventabant; senatus a Bestia consultus est, *placeretne legatos Jugurthæ recipi mœnibus*. Lique decrevere: « nisi regnum, ipsumque deditum venissent, « uti in diebus proxumis decem Italiâ decederent ». Consul Numidis ex senati decreto nunciari jubet. Ita infectis rebus illi domum discedunt. Interim Calpurnius, parato exercitu, legat sibi homines nobilis,

factiosos, quorum auctoritate, quæ deliquisset, munita fore sperabat : in quis fuit Scaurus, cujus de naturâ et habitu suprâ memoravimus. Nam in consule nostro multæ bonæque artes animi et corporis erant, quas omnis avaritia præpediebat. Patiens laborum, acri ingenio, satis providens, belli haud ignarus, firmissimus contra pericula et insidias. Sed legiones per Italiam Rhegium, atque inde Siciliam, porro ex Sicilia in Africam transvectæ. Igitur Calpurnius initio, paratis commeatibus, acriter Numidiam ingressus est, multos mortalis, et urbis aliquot pugnando capit.

XXIX. Sed ubi Jugurtha per legatos pecuniâ tentare, bellicque, quod administrabat, asperitatem ostendere cœpit; animus æger avaritiâ facilè conversus est. Ceterum socius et administer omnium consiliorum adsumitur Scaurus; qui tametsi a principio, plerisque ex factione ejus corruptis, acerrumè regem impugnaverat; tamen magnitudine pecuniæ a bono honestoque in pravum abstractus est. Sed Jugurtha primùm tantummodo belli moram redimebat, existumans, sese aliquid interim Romæ pretio, aut gratiâ, effecturum: postea verò quàm participem negotii Scaurum acceperat; in maxumam spem adductus recuperandæ pacis, statuit cum eis de omnibus pactionibus præsens agere. Ceterum interea, fidei causâ, mittitur a consule Sextius quæstor in oppidum Jugurthæ Vaccam; cujus rei species erat acceptio frumenti, quod Calpurnius palam legatis imperaverat: quoniam deditionis morâ induciæ agitabantur. Igitur rex, uti constituerat, in castra venit: ac pauca, præsentis consilio, locutus de invidiâ

facti, atque in deditionem uti acciperetur; reliqua cum Bestiâ et Scauro secreta transigit: dein postero die, quasi per satûram exquisitis sententiis, in deditionem accipitur. Sed, uti pro consilio imperatum, elephanti triginta, pecus atque equi multi, cum parvo argenti pondere, quæstori traduntur. Calpurnius Romam ad magistratus rogandos proficiscitur. In Numidiâ et exercitu nostro pax agitabatur.

XXX. POSTQUAM res in Africâ gestas, quoque modo actæ forent, fama divulgavit; Romæ per omnis locos et conventus de facto consulis agitari: apud plebem gravis invidia; patres solliciti erant; probarentne tantum flagitium, an decretum consulis subverterent, parùm constabat. Ac maxumè eqs potentia Scauri, quòd is auctor et socius Bestiæ ferebatur, a vero, bono, impediabat. At C. Memmius, cujus de libertate ingenii et odio potentiæ nobilitatis suprâ diximus, inter dubitationem et moras senati, concionibus populum ad vindicandum hortari; monere, ne rempublicam, ne libertatem suam desererent; multa superba crudelia facinora nobilitatis ostendere: prorsus intentus omni modo plebis animum accendebat. Sed, quoniam eâ tempestate Memmii facundia clara pollensque fuit, decere existumavi, unam ex tam multis orationem perscribere; ac potissimum quæ in concione post reditum Bestiæ hujuscemodi verbis disseruit:

XXXI. « MULTA dehortantur a vobis, Quirites, « ni studium reipublicæ omnia superet: opes factionis, vestra patientia, jus nullum; ac maxumè, « quòd innocentiae plus periculi, quàm honoris, est « Nam illa quidem piget dicere, his annis xv quàm

« ludibrio fueritis superbiæ paucorum ; quàm sœdè
« quàmque inulti perierint vestri defensores ; ut vo-
« bis animus ab ignaviâ atque secordiâ corruptus sit :
« qui ne nunc quidem , obnoxii inimicis , exsurgi-
« tis ; atque etiam nunc timetis , quibus decet terrori
« esse. Sed quamquam hæc talia sunt : tamen obviam
« ire factionis potentiæ animus subigit. Certè ego li-
« bertatem , quæ mihi a parente tradita est , expe-
« riar : verùm id frustrâ , an ob rem faciam , in ves-
« trâ manu situm est , Quirites. Neque ego vos hor-
« tor , quod sæpè majores vestri fecere , uti contra
« injurias armati eatis. Nihil vi , nihil secessione
« opus est : necesse est , suomet ipsi more præcipites
« eant. Occiso Tiberio Graccho , quem regnum pa-
« rare aiebant , in plebem romanam quæstiones ha-
« bitæ sunt. Post C. Gracchi et M. Fulvii cædem ,
« item multi vestri ordinis in carcere necati sunt :
« utriusque cladis non lex , verùm libido eorum fi-
« nem fecit. Sed sanè fuerit regni paratio , plebi sua
« restituere. Quidquid sine sanguine civium ulcisci
« nequitur , jure factum sit. Superioribus annis ta-
« citi indignabamini ærarium expilari ; reges et po-
« pulos liberos paucis nobilibus vectigal pendere ;
« penes eosdem et summam gloriam , et maxumas
« divitias esse : tamen hæc talia facinora impunè sus-
« cepisse , parum habuere. Itaque postremò leges ,
« majestas vestra , divina et humana omnia hostibus
« tradita sunt. Neque eos , qui ea fecere , pudet aut
« poenitet : sed incedunt per ora vestra magnificè ;
« sacerdotia et consulatus , pars triumphos suos os-
« tentantes , perinde quasi honori , non prædæ , ha-
« beant. Servi ære parati imperia injusta dominorum

« non perferunt : vos, Quirites , imperio nati , æquo
« animo servitutem toleratis. At qui sunt hi ,
« qui rempublicam occupavere? homines sceleratis-
« sumi , cruentis manibus , immani avaritiâ , nocen-
« tissumi , idemque superbissimi ; quis fides , decus ,
« pietas , postremò honesta atque inhonesta omnia
« quæstui sunt. Pars eorum occidisse tribunos ple-
« bis , alii quæstiones injustas , plerique eadem in
« vos fecisse , pro munimento habent. Ita quàm quis-
« que pessumè fecit , tam maxumè tutus est. Me-
« tum a scelere suo ad ignaviam vestram transtule-
« re : quos omnis eadem cupere , eadem odisse , ea-
« dem metuere in unum coegit. Sed hæc inter bonos
« amicitia est , inter malos factio. Quòd si tam vos
« libertatis curam haberetis , quàm illi ad domina-
« tionem accensi sunt ; profectò neque res publica ,
« sicuti nunc , vastaretur ; et beneficia vestra penes
« optimos , non audacissimos , forent. Majores ves-
« tri , parandi juris et majestatis constituendæ gra-
« tiâ , bis , per secessionem , armati Aventinum occu-
« pavere : vos pro libertate , quam ab illis accepistis ,
« non summâ ope nitemini ? atque eò vehementiùs ,
« quòd majus dedecus est parta amittere , quàm
« omnino non paravisse. Dicet aliquis : Quid igitur
« censes ? Vindicandum in eos , qui hosti prodidere
« rempublicam ; non manu , neque vi (quod magis
« fecisse , quàm illis accidisse indignum est) , verùm
« quæstionibus et indicio ipsius Jugurthæ. Qui si
« dedititiis est , profectò jussis vestris obediens erit :
« sin ea contemnit ; scilicet existumabitis qualis
« illa pax , aut deditio , ex quâ ad Jugurtham scele-
« rum impunitas , ad paucos potentis maxumæ di-

« vitæ , in rempublicam damna, dedecora, pervene-
« rint. Nisi fortè nondum etiam vos dominationis
« eorum satietas tenet, et illa, quàm hæc tempora,
« magis placent, quum regna, provinciæ, leges, ju-
« ra, judicia, bella, paces, postremò divina et hu-
« mana omnia penes paucos erant: vos autem, hoc
« est, populus romanus, invicti ab hostibus, impe-
« ratores omnium gentium, satis habebatis animam
« retinere. Nam servitutem quidem quis vestram re-
« cusare audebat? Atque ego tamen etsi viro flagi-
« tiosissimum existimo impunè injuriam accepisse;
« tamen vos hominibus sceleratissimis ignoscere,
« quoniam cives sunt, æquo animo paterer, nisi mi-
« sericordia in perniciem casura esset. Nam et illis,
« quantum importunitatis habent, parum est im-
« punè malè fecisse, nisi deinde faciundi licentia
« eripitur: et vobis æterna sollicitudo remanebit,
« quum intelletis aut serviundum esse, aut per
« manus libertatem retinendam. Nam fidei quidem
« aut concordiae quæ spes? Dominari illi volunt; vos
« liberi esse: facere illi injurias; vos prohibere: pos-
« tremò sociis vestris vëluti hostibus, hostibus pro
« sociis utuntur. Potestne in tam divorsis mentibus
« pax aut amicitia esse? Quare moneo hortorque, ne
« tantum scelus impunitum omittatis. Non pecula-
« tus ærarii factus est, neque per vim sociis ereptæ
« pecuniæ: quæ quamquam gravia, tamen consue-
« tudine jam pro nihilo habentur. Hosti acerrumo
« prodita senati auctoritas, proditum imperium
« vestrum: domi militiæque respublica venalis fuit.
« Quæ nisi quæsita erunt, ni vindicatum in noxios:
« quid erit reliquum, nisi ut illis, qui ea fecere,

« obedientes vivamus ? nam impunè quæ libet facere, id est regem esse. Neque ego vos, Quirites, hortor, ut malitis civis vestros perperam, quàm rectè fecisse; sed ne, ignoscendo malis, bonos perditum eatis. Ad hoc, in republicà multò præstat beneficii, quàm maleficii, immemorem esse. Bonus tantummodo segnior fit, ubi negligas; at malus improbior. Ad hoc, si injuriæ non sint, haud sæpè auxilii egeas. »

XXXII. Hæc atque alia hujuscemodi sæpè dicendo, Memmius populo persuadet uti L. Cassius, qui tum prætor erat, ad Jugurtham mitteretur; interposità fide publicà, Romam duceret, quò faciliùs indicio regis, Scauri et reliquorum, quos pecuniæ captæ arcessebant, delicta patefierent. Dum hæc Romæ geruntur, qui in Numidià relictì a Bestià exercitui præerant, secuti morem imperatoris, plurima et flagitiosissima facinora fecere. Fuere qui, auro corrupti, elephantos Jugurthæ traderent; alii perfugas vendere; pars ex pacatis prædas agebant. Tanta vis avaritiæ in animos eorum, veluti tabes, invaserat! At Cassius prætor, perlata rogatione a C. Memmio, ac perculsà omni nobilitate, ad Jugurtham proficiscitur; ei timido et ex conscientia diffidenti rebus suis persuadet: « quò se populo romano dedisset, ne vim, quàm misericordiam, experiri mallet ». Privatim præterea fidem suam interponit, quam ille non minoris, quam publicam ducebat. Talis eà tempestate fama de Cassio.

XXXIII. Igitur Jugurtha, contra decus regium, cultu quàm maxumè miserabili, cum Cassio Romam venit. Ac tamen etsi in ipso magna vis animi erat,

confirmatus ab omnibus quorum potentiâ aut scelere cuncta ea gesserat quæ suprâ memoravimus, C. Bæbium tribunum plebis magnâ mercede parat, cujus impudentiâ contra jus et injurias omnis munitus foret. At C. Memmius, advocatâ concione, quamquam regi infesta plebes erat, et pars in vincula duci jubebat; pars, ni socios sceleris aperiret, more majorum, de hoste supplicium sumi; dignitati, quàm iræ, magis consulens, sedare motus, et animos mollire; postremò confirmare, fidem publicam per sese inviolatam fore. Pòst, ubi silentium cœpit, producto Jugurthâ, verba facit: Romæ Numidisque facinora ejus memorat; scelera in patrem fratresque ostendit: « Quibus juven-
« tibus quibusque ministris ea egerit, quamquam
« intellegat populus romanus; tamen velle manifesta
« magis ex illo habere: si vera aperiret, in fide et
« clementiâ populi romani magnam spem illi sitam;
« sin reticeat, non sociis saluti fore, sese suasque
« spes corrupturum. »

XXXIV. Dein, ubi Memmius dicendi finem fecit, et Jugurtha respondere jussus est, C. Bæbium tribunus plebis, quem pecuniâ corruptum suprâ diximus, regem tacere jubet: ac tamen, etsi multitudo quæ in concione aderat, vehementer accensa, terrebatur eum clamore, voltu, sæpè impetu, atque aliis omnibus quæ ira fieri amat: vicit tamen impudentia. Ita populus ludibrio habitus ex concione discessit: Jugurthæ Bestisæque, et ceteris quos illa quæstio exagitabat, animi angescunt.

XXXV. Ea erat tempestate Romæ Numida quidam, nomine Massiva, Gulussæ filius, Masinissæ

nepos: qui, quia, in dissensione regum, Jugurthæ advorsus fuerat, deditâ Cirtâ et Adherbale interfecto, profugus ex Africâ abierat. Huic Sp. Albinus, qui proximo anno post Bestiam cum Q. Minucio Rufo consulatum gerebat, persuadet, quoniam ex stirpe Masinissæ sit, Jugurtham ob scelera invidiâ cum metu urgueat; regnum Numidiæ ab senatu petat. Avidus consul belli gerundi movere quàm senescere omnia malebat. Ipsi provincia Numidia; Minucio Macedonia evenerat. Quæ postquam Massiva agitare cœpit, neque Jugurthæ in amicis satis præsidii est: quòd eorum alium conscientia, alium mala fama et timor impediēbat: Bomilcari, proximo ac maxumè fido sibi, imperat, « pretio, sicuti multâ » confecerat, insidiatores Massivæ paret, ac maxumè occultè: sin id parum procedat, quovis modò » Numidam interficiat ». Bomilcar maturè regis mandata exsequitur: et per homines talis negotii artifices itinera egressusque ejus, postremò loca atque tempora cuncta, explorat: deinde, ubi res postulabat, insidias tendit. Igitur unus ex eo numero, qui ad cædem parati, paullo inconsultiùs Massivam adgreditur, illum obtruncat: sed ipse deprehensus; multis hortantibus et in primis Albino consule, indicium profitetur. Fit reus magis ex æquo bonoque, quàm ex jure gentium, Bomilcar, comes ejus, qui Romam fide publicâ venerat. At Jugurtha, manifestus tanti sceleris, non priùs omisit contra verum niti, quàm animum advortit, supra gratiam atque pecuniam suam, invidiam facti esse. Igitur, quamquam in priore actione ex amicis quinquaginta vades dederat; regno magis quàm vadibus consulens, clam in

Numidiam Bomilcarem dimittit: veritus, ne reliquos popularis metus invaderet parendi sibi, si de illo supplicium sumtum foret. Et ipse paucis diebus profectus est, jussus ab senatu Italiâ decedere. Sed postquam Româ egressus est, fertur, sæpè eò tacitus respiciens, postremò dixisse: *Urbem venalem et maturè perituram, si emptorem invenerit.*

XXXVI. INTERIM Albinus, renovato bello, com meatum, stipendium, alia, quæ militibus usui forent, maturat in Africam portare, ac statim ipse profectus, uti ante comitia, quod tempus hæud longè aberat, armis, aut deditione, aut quovis modo bellum conficeret. At contrà Jugurtha trahere omnia, et alias, deinde alias moræ caussas facere, polliceri deditionem, ac deinde metum simulare: instanti cedere, et paullo pòst, ne sui diffiderent, instare: ita belli modò, modò pacis morâ consulem ludificare. Ac fuere, qui tum Albinum hæud ignarum consilii regis existumarent; neque ex tantà properantiâ tam faciliè tractum bellum securiâ magis, quàm dolo crederent. Sed postquam, dilapso tempore, comitiorum dies adventabat; Albinus, Aulo fratre in castro pro prætore relicto, Romam decessit.

XXXVII. Eâ tempestate, Romæ seditionibus tribuniciis atrociter res publica agitabatur. P. Lucullus et L. Annius, tribuni plebis, resistentibus collegis, continuare magistratum nitebantur: quæ dissensio totius anni comitia impediabat. Eâ morâ in spem adductus Aulus, quem pro prætore in castris relictum suprâ diximus, aut conficiundi belli, aut terrore exercitûs ab rege pecuniæ capiundæ, milites mense januario ex hibernis in expeditionem evocat;

magnis itineribus, hieme asperâ, pervenit ad oppidum Suthul, ubi regis thesauri erant. Quod quamquam et sêrvitiâ temporis, et opportunitate loci, neque capi, neque obsideri poterat (nam circum murum, situm in prærumpti montis extremo, planities limosa hiemalibus aquis paludem fecerat); tamen aut simulandi gratiâ, quò regi formidinem adderet, aut cupidine cæcus, ob thesauros, oppidi potiundi, vineas agere, aggerem jacere, alia, quæ incepto usui forent, properare.

XXXVIII. At Jugurtha, cognitâ vanitate atque imperitiâ legati, subdolus ejus augere amentiam: missitare supplicantis legatos: ipse, quasi vitabundus, per saltuosa loca et tramites exercitum ductare. Denique Aulum spe pactionis perpulit, uti, relicto Suthule, in abditas regiones sese, veluti cedentem, insequeretur. Interea per homines callidos die noctuque exercitum tentabat: centuriones ducesque turmarum, partim uti transfugerent, corrumpere; alii, signo dato, locum uti desererent. Ita delicta occultiora fore. Quæ postquam ex sententiâ instruit, intempestâ nocte, de improvviso multitudine Numidarum Auli castra circumvenit. Milites romani, tumultu perculsi insolito, arma capere alii, alii se abdere, pars territos confirmare; trepidare omnibus locis: vis magna hostium; coelum nocte atque nubibus obscuratum; periculum anceps: postremò fugere, an manere, tutius foret, in incerto erat. Sed ex eo numero, quos paullo antè corruptos diximus, cohors una Ligurum, cum duabus turmis Thracum, et paucis gregariis militibus, transiere ad regem: et centurio primi pili tertie legionis per munitionem

quam, uti defenderet, acceperat, locum hostibus introeundi dedit: eaque Numidæ cuncti irrupere. Nostri foedâ fugâ, plerique abjectis armis, proximum collem occupavere. Nox atque præda castrorum hostes, quò minùs victoriâ uterentur, remorata sunt. Dein Jugurtha postero die cum Aulo in colloquio verba facit: « tametsi ipsum cum exercitu
« fame, ferro clausum tenet; tamen se humanarum
« rerum memorem, si secum foedus faceret, inco-
« lumis omnis sub jugum missurum: præterea, uti
« diebus decem Numidiâ decederet ». Quæ quamquam grâvia et flagitii plena erant, tamen, quia mortis metu nutabant, sicuti regi libuerat, pax convenit.

XXXIX. SED ubi ea Romæ comperta sunt, metus atque moeror civitatem invasere: pars dolere pro gloriâ imperii; pars insolita rerum bellicarum timere libertati: Aulo omnes infesti, ac maxumè qui bello sæpè præclari fuerant, quòd armatus, dedecore potiùs quàm manu, salutem quæsiverat. Ob ea consul Albinus ex delicto fratris invidiam, ac deinde periculum timens, senatum de foedere consulebat. Et tamen interim exercitui supplementum scribere; ab sociis et nomine latino auxilia arcessere; denique modis omnibus festinare. Senatus ita, uti par fuerat, decernit, *suo atque populi injussu nullum potuisse foedus fieri*. Consul impeditus a tribunis plebis ne, quas paraverat, copias secum portaret, paucis diebus in Africam proficiscitur. Nam omnis exercitus, uti convenerat, Numidiâ deductus, in provinciâ hiemabat. Postquam eò venit: quamquam persequi Jugurtham et mederi fraternæ invidiæ ani-

mus ardebat, cognitis militibus, quos præter fugam, soluto imperio, licentia atque lascivia corruperat, ex copiâ rerum statuit nihil sibi agitandum.

XL. *INTEREA* Romæ C. Mamilius Limetanus tribunus plebis rogationem ad populum promulgat, « Utî quæreretur in eos, quorum consilio Jugurtha « senati decreta negligisset; quique ab eo in legationibus, aut imperiis, pecunias accipissent; qui « elephantos, quique perfugas tradidissent; item qui « de pace, aut bello, cum hostibus pactiones fecissent ». Huic rogationi partim conscii sibi, alii ex partium invidiâ pericula metuentes; quoniam apertè resistere non poterant, quin illa et alia talia placere sibi faterentur; occultè per amicos, ac maxumè per homines nominis latini et socios italicos impedimenta parabant. Sed plebes, incredibile memoratu est, quàm intenta fuerit, quantâque vi rogationem jussert, decreverit, voluerit, magis odio nobilitatis, cui mala illa parabantur, quàm curâ reipublicæ: tanta lubido in partibus! Igitur ceteris metu perculsis, M. Scaurus, quem legatum Bestiæ suprâ docuimus, inter lætitiâ plebis, et suorum fugam, trepidâ etiam tum civitate, quum ex Mamiliâ rogatione tres quæsitores rogarentur, effecerat utî ipse in eo numero crearetur. Sed quæstio exercita asperè violenterque ex rumore, et lubidine plebis. Ut sæpè nobilitatem, sic eâ tempestate plebem ex secundis rebus insolentia ceperat.

XLI. *CETERUM* mos partium popularium et senati factionum, ac deinde omnium malarum artium paucis ante annis Romæ ortus, otio et abundantia earum rerum, quæ prima mortales ducunt. Nam ante Carthagi-

nem deletam populus et senatus romanus placidè modestèque inter se rempublicam tractabant; neque gloriæ, neque dominationis certamen inter civis erat: metus hostilis in bonis artibus civitatem retinebat. Sed ubi illa formido mentibus discessit; scilicet ea, quæ secundæ res amant, lascivia atque superbia incessere. Ita, quod in advorsis rebus optaverant, otium, postquam adepti sunt, asperius, acerbiusque fuit. Namque cœpere nobilitas dignitatem, populus libertatem in lubidinem vertere: sibi quisque ducere, trahere, rapere. Ita omnia in duas partis abstracta sunt: respublica, quæ media fuerat, dilacerata. Ceterùm nobilitas factione magis pollebat: plebis vis soluta, atque dispersa in multitudine, minùs poterat: paucorum arbitrio belli domique agitabatur: penes eosdem ærarium, provinciæ, magistratus, gloriæ triumphique erant; populus militiæ atque inopiâ urgebatur; prædas bellicas imperatores cum paucis diripiebant. Interea parentes, aut parvi liberi militum, ut quisque potentiori confinis erat, sedibus pellebantur. Ita cum potentiâ avaritia, sine modestiâque, invadere, polluere et vastare omnia; nihil pensi neque sancti habere, quoad semet ipsa præcipitavit. Nam ubi primùm ex nobilitate reperti sunt, qui veram gloriam injustæ potentiæ anteponerent; moveri civitas, et permixtio civilis, quasi discessio terræ, oriri cœpit.

XLII. NAM postquam Tiberius et C. Gracchus, quorum majores punico atque aliis bellis multùm reipublicæ addiderant, vindicare plebem in libertatem et paucorum scelera patefacere cœpere; nobilitas noxia, atque eo perculsa, modò per socios ac nomen

latinum, interdum per equites romanos, quos spes societatis a plebe dimoverat, Gracchorum actionibus obviam ierat: et primò Tiberium, dein paucos post annos eadem ingredientem Caium, tribunum alterum, alterum triumvirum coloniis deducendis, cum M. Fulvio Flacco ferro necaverat. Et sanè Gracchis, cupidine victoriæ, hand satis moderatus animus fuit. Sed bono vinci satius est, quàm malo more injuriam vincere. Igitur eâ victoriâ nobilitas ex lubricine suâ usa multos mortalis ferro aut fugâ extinxit; plusque in reliquum sibi timoris, quàm potentiæ, addidit. Quæ res plerumque magnas civitatis pessum dedit; dum alteri alteros vincere quovis modo, et victos acerbius ulcisci volunt. Sed de studiis partium et omnibus civitatis moribus si singulatim aut pro magnitudine parem disserere, tempus, quàm res, maturius deserat. Quamobrem ad inceptum redeo.

XLIII. Post Auli fœdus exercitûsque nostri fœdam fugam, Q. Metellus et M. Silanus consules designati provincias inter se paraverunt: Metelloque Numidia evenerat, acri viro, et quamquam advorso populi partium, famâ tamen æquabili et inviolatâ. Is ubi primum magistratum ingressus est, alia omnia sibi cum collegâ ratus, ab bellum quod gesturus erat animum intendit. Igitur diffidens veteri exercitui, milites scribere, præsidia undique arcessere: arma, tela, equos, cetera instrumenta militiæ parare: ad hoc commeatum affatim: denique omnia quæ bello vario et multarum rerum egenti usui esse solent. Ceterum ad ea patranda senati auctoritate, socii, nomenque latinum, reges ultro auxilia mittere;

postremò omnis civitas summo studio adnitebatur. Itaque, ex sententiâ omnibus rebus paratis compositisque, in Numidiam proficiscitur, magnâ spe civium, cùm propter bonas artis, tum maxumè quòd advorsum divitias animum invictum gerebat: et avaritiâ magistratuum ante id tempus in Numidiâ nostræ opes contusæ, hostiumque auctæ erant.

XLIV. Sed ubi in Africam venit, exercitus ei traditur Sp. Albini pro consule, iners, imbellis, neque periculi neque laboris patiens, linguâ quàm manu promptior, prædator ex sociis, et ipse præda hostium, sine imperio et modestiâ habitus. Ita imperatori novo plus ex malis moribus sollicitudinis, quàm ex copiâ militum auxilii aut spei bonæ accedebat. Statuit tamen Metellus, quamquam et æstivorum tempus comitiorum mōra imminuerat, et expectatione eventui civium animos intentos putabat, non priùs bellum adtingere, quàm, majorum disciplinâ, milites laborare coegisset. Nam Albinus, Auli fratris exercitûsque clade perculsus, postquam decreverat non egredi provinciâ, quantùm temporis æstivorum in imperio fuit, plerumque milites statis castris habebat; nisi quum odos, aut pabuli, egestas locum mutare subegerat. Sed neque more militari vigiliæ deducebantur: uti cuique lubebat, ab signis aberat; lixæ permixti cum militibus die noctuque vagabantur, et palantes agros vastare, villas expugnare, pecoris et mancipiorum prædas certantes agere; eaque mutare cum mercatoribus vino advectitio, et aliis talibus: præterea, frumentum publicè datum vendere, panem in dies mercari: postremò, quæcumque dici aut fingi queunt ignaviæ

luxuriæque probra, in illo exercitu cuncta fuere, et alia ampliùs.

XLV. SED in eà difficultate Metellum non minùs, quàm in rebus hostilibus, magnum et sapientem virum fuisse comperior: tantà temperantià inter ambitionem sævitiamque moderatum! Namque edicto primùm adjumenta ignaviæ sustulisse, « ne quisquam in castris panem, aut quem alium coctum cibum venderet; ne lixæ exercitum sequerentur; ne miles gregarius in castris, neve in agmine, servum aut jumentum haberet ». Ceteris arte modum statuisset. Præterea transversis itineribus quotidie castra movere; juxtà ac si hostes adessent, vallo atque fossà munire; vigiliis crebras ponere, et ipse cum legatis circumire; item in agmine in primis modò, modò in postremis, sæpè in medio adesse, ne quispiam ordine egrederetur, uti cum signis frequentes incederent, miles cibum et arma portaret. Ita prohibendo a delictis, magis quàm vindicando, exercitum brevi confirmavit.

XLVI. INTEREA Jugurtha, ubi, quæ Metellus agebat, ex nunciis accepit; simul de innocentia ejus certior Romæ factus, diffidere suis rebus, ac tum demum veram deditionem facere conatus est. Igitur legatos ad consulem cum suppliciis mittit, qui tantummodo ipsi liberisque vitam peterent, alia omnia dederent populo romano. Sed Metello jam antea experimentis cognitum erat genus Numidarum infidum, ingenio mobili, novarum rerum avidum. Itaque legatos alium ab alio diversos adgreditur; ac paullatim tentando, postquam opportunos cognovit, multa pollicendo persuadet, « uti Jugurtham maxu-

« mè vivum, sin id parum procedat, necatum sibi
« traderent » : ceterum palam, quæ ex voluntate forent, regi nunciari jubet. Deinde ipse paucis diebus, intento atque infesto exercitu, in Numidiam proceedit : ubi, contra belli faciem, tuguria plena hominum, pecora cultoresque in agris erant : ex oppidis et mapalibus præfecti regis obvii procedebant, parati frumentum dare, commeatum portare, postremo, omnia quæ imperarentur, facere. Neque Metellus idcirco minùs, sed pariter, ac si hostes adessent, munito agmine incedere, latè explorare omnia, illa deditiois signa ostentui credere, et insidiis locum tentare. Itaque ipse cum expeditis cohortibus, item funditorum et sagittariorum delectà manu, apud primos erat; in postremo C. Marius legatus cum equitibus curabat : in utrumque latus auxilios equites tribanis legionum et præfectis cohortium dispertiverat, uti cum his permixti velites, quacumque accederent, equitatus hostium propulsarent. Nam in Jugurthâ tantus dolus, tantaque peritia locorum et militiæ erat, uti, absens, an præsens, pacem, an bellum gerens, perniciosior esset, in incerto haberetur.

XLVII. ERAT haud longè ab eo itinere, quò Metellus pergebat, oppidum Numidarum, nomine Vacca, forum rerum venalium totius regni maxumè celebratum; ubi et incolere, et mercari consueverant italici generis multi mortales. Huc consul, simul tentandi gratiâ, si paterent opportunitates loci, præsidium imposuit; præterea imperavit frumentum, et alia, quæ bello usui forent : ratus id, quod res monebat, frequentiam negotiatorum et commeatum ju-

vaturum exercitum, etiam paratis rebus munimento fore. Inter hæc negotia, Jugurtha impensiùs modò legatos supplices mittere, pacem orare: præter suam liberorumque vitam, omnia Metello dedere. Quos item, ut priores, consul illectos ad proditionem domum dimittebat: regi pacem, quam postulabat, neque abnuere, neque polliceri, et inter eas moras promissa legatorum expectare.

XLVIII. JUGURTHA ubi Metelli dicta cum factis composuit, ac se suis artibus tentari animadvortit; quippe cui verbis pax nunciabatur, ceterùm re bellum asperrimum erat; urbs maxuma alienata, ager hostibus cognitus, animi popularium tentati: coactus rerum necessitudine, statuit armis certare. Igitur explorato hostium itinere, in spem victoriæ adductus ex opportunitate loci, quas maximas copias potest omnium generum parat, ac per tramites occultos exercitum Metelli antevenit. Erat in eâ parte Numidiæ, quam Adherbal in divisione possederat, flumen oriens a meridie, nomine Muthul; a quo aberat mons fermè millia passuum xx tractu pari, vastus ab naturâ et humano cultu: sed ex eo medio quasi collis oriebatur, in immensum pertinens, vestitus oleastro ac myrtetis, aliisque generibus arborum, quæ humi arido atque arenoso gignuntur. Media autem planities deserta penuriâ aquæ, præter flumini propinqua loca: ea consita arbustis pecore atque cultoribus frequentabantur.

XLIX. Igitur in eo colle, quem, transverso itinere, porrectum docuimus, Jugurtha, extenuatâ suorum acie, consedit: elephantis et parti copiarum pedestrium Bomilcarem præfecit, eumque edocet,

quæ ageret; ipse propior montem cum omni equitatu pedites dilectos collocat : dein singulas turmas atque manipulos circumiens monet atque obtestatur, « uti memores pristinae virtutis et victoriae seque regnumque suum ab Romanorum avaritiâ defendant : « cum his certamen fore , quos antea victos sub jugum miserint : ducem illis, non animum mutatum : quæ ab imperatore decuerint , omnia suis « provisa ; locum superiorem , uti prudentes cum « imperitis , ne pauciores cum pluribus , aut rudes « cum bello melioribus manum consererent. Proinde parati intentique essent , signo dato , Romanos invadere : illum diem aut omnis labores et « victorias confirmaturum , aut maxumarum ærumnarum initium fore ». Ad hoc viritum , uti quemque , ob militare facinus , pecuniâ aut honore extulerat , commonefacere beneficii sui , et eum ipsum aliis ostentare : postremò , pro cujusque ingenio , pollicendo , minitando , obtestando , alium alio modo excitare : quum interim Metellus , ignarus hostium , monte degrediens cum exercitu conspicitur. Primò dubius , quidnam insolita facies ostenderet , (nam inter virgulta equi Numidæque consederant , neque planè occultati humilitate arborum , et tamen incerti quidnam esset , cum naturâ loci , tum dolo ipsi atque signa militaria obscurati), dein , brevi cognitis insidiis , paullisper agmen constitit. Ibi commutatis ordinibus , in dextero latere , quod proximum hostis erat , triplicibus subsidiis aciem instruxit : inter manipulos funditores et sagittarios dispertit : equitatum omnem in cornibus locat : ac pauca pro tempore milites hortatus , aciem , sicuti

instruxerat, transvorsis principiis, in planum deducit.

L. Sed ubi Numidas quietos, neque colle degredi animadvortit, veritus ex anni tempore et inopiâ aquæ, ne siti conficeretur exercitus, Rutilium legatum cum expeditis cohortibus et parte equitum præmisit ad flumen, ut locum castris antecaperet: existumans, hostis crebro impetu et transvorsis præliis iter suum remoratorios, et quoniam armis diffiderent, lassitudinem et sitim militum tentaturos. Dein ipse pro re atque loco, sicuti monte descenderat, paullatim procedere: Marium post principia habere: ipse cum sinistræ alæ equitibus esse, qui in agmine principes facti erant. At Jugurtha, ubi extremum agmen Metelli primos suos prætergressum videt, præsidio quasi duum millium peditum montem occupat, quâ Metellus descenderat: ne fortè cedentibus advorsariis receptui ac post munimento foret. Dein, repente signo dato, hostis invadit. Numidæ alii postremos cedere; pars a sinistrâ ac dexterâ tentare; infensi adesse atque instare: omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati incerto proelio, ipsi modò eminus sauciabantur; neque contrâ feriendi, aut manum conserendi, copia erat. Antea jam docti ab Jugurthâ equites, ubicumque Romanorum turba insequi coeperat, non confertim, neque in unum sese recipiebant, sed alius aliò quàm maxumè divorsi. Ita numero priores, si ab persequendo hostis deterrire nequiverant, disiectos ab tergo aut lateribus circumveniebant: sin opportunior fugæ collis quàm campi fuerant; eâ

vèrò consueti Numidarum equi facilè inter virgulta evadere : nostros asperitas et insolentia loci retinebat.

LI. CETERUM facies totius negotii varia, incerta, foeda atque miserabilis : dispersi a suis pars cedere, alii insequi ; neque signa, neque ordines observare ; ubi quemque periculum ceperat, ibi resistere ac propulsare : arma, tela, equi, viri, hostes, cives permixti ; nihil consilio neque imperio agi : fors omnia regere. Itaque multum die processerat, quum etiam tum eventus in incerto erat. Denique omnibus labore et aestu languidis, Metellus, ubi videt Numidas minùs instare, paulatim milites in unum conducit, ordines restituit, et cohortes legionarias quatuor adversum pedites hostium collocat. Eorum magna pars superioribus locis fessa consederat. Simul orare, hortari milites, « ne deficerent, neu paterentur hostis fugientes vincere : neque illis castra esse, neque munimentum ullum, quò cedentes tenderent : in armis omnia sita ». Sed ne Jugurtha quidem interea quietus ; circumire, hortari, renovare proelium, et ipse cum dilectis tentare omnia ; subvenire suis, hostibus dubiis instare ; quos firmos cognoverat, eminus pugnando retinere.

LII. Eo modo inter se duo imperatores summi viri certabant : ipsi pares, ceterum opibus disparibus. Nam Metello virtus militum erat, locus adversus : Jugurthæ alia omnia, præter milites, opportuna. Denique Romani, ubi intellegunt, neque sibi perfugium esse, neque ab hoste copiam pugnandi fieri ; et jam die vesper erat ; adverso colle, sicuti præceptum fuerat, evadunt. Amisso loco, Numida

fusi fugatique; pauci interiere; plerosque velocitas, et regio hostibus ignara, tutata sunt. Interea Bomilcar, quem elephantis et parti copiarum pedestrium præfectum ab Jugurthâ suprâ diximus, ubi eum Rutilius prætergressus est, paullatim suos in æquum locum deducit: ac, dum legatus ad flumen, quò præmissus erat, festinans pergit, quietus, uti res postulabat, aciem exornat: neque remittit, quid ubique hostis ageret, explorare. Postquam Rutilium consedissee jam, et animo vacuum accepit, simulque ex Jugurthæ prælio clamorem augeri; veritus ne legatus, cognitâ re, laborantibus suis auxilio foret, aciem, quam diffidens virtuti militum arte statuerat, quò hostium itineri obficeret, latius porrigit; eoque modo ad Rutilii castra procedit.

LIII. ROMANI ex improvise pulveris vim magnam animadvortunt; nam prospectum ager arbustis consitus prohibebat. Et primò rati humum aridam vento agitari; pòst ubi æquabilem manere, et, sicuti acies movebatur, magis magisque adpropinquare vident, cognitâ re, properantes arma capiunt, ac pro castris, sicuti imperabatur, consistunt. Deinde, ubi propiùs ventum, utrimque magno clamore concurrunt. Numidæ tantummodo remorati, dum in elephantis auxilium putant, postquam impeditos ramis arborum, atque ita disiectos circumveniri vident, fugam faciunt: ac plerique, abjectis armis, collis, aut noctis quæ jam aderat, auxilio integri abeunt. Elephantis quatuor capti; reliqui omnes, numero quadraginta, interfecti. At Romani, quamquam itinere atque opere castrorum et prælio fessi lætique erant; tamen, quòd Metellus ampliùs opinione mo-

rabatur, instructi intentique obviam procedunt: nam dolus Numidarum nihil languidi neque remissi patiebatur. Ac primò, obscurâ nocte, postquam haud procul inter se erant, strepitu, velut hostes adventare, alteri apud alteros formidinem simul et tumultum facere: et penè imprudentiâ admissum facinus miserabile, ni utrimque præmissi equites rem exploravissent. Igitur, pro metu, repenti gaudium exortum; milites alius alium læti adpellant, acta edocent atque audiunt; sua quisque fortia facta ad cælum ferre. Quippe res humanæ ita sese habent: in victoriâ vel ignavis gloriari licet; advorsæ res etiam bonos detrectant.

LIV. METELLUS, in isdem castris quadriduo moratus, sancios cum curâ reficit, meritos in prælii more militiæ donat, universos in concione landat, atque agit gratias: hortatur, « ad cetera, quæ levia sunt, parem animum gerant: pro victoriâ satis jam pugnatum, reliquos labores pro prædâ fore ». Tamen interim transfugas et alios opportunos, Jugurtha ubi gentium, aut quid agitare, cum paucisne esset, an exercitum haberet, uti sese victus gereret, exploratum misit. At ille sese in loca saltuosa et naturâ munita receperat: ibique cogebat exercitum numero hominum ampliorem, sed hebetem infirmumque, agri ac pecoris magis, quàm belli, cultorem. Id eâ gratiâ eveniebat, quòd præter regiones equites nemo omnium Numidarum ex fugâ regem sequitur; quò cujusque animus fert, eò discedunt: neque id flagitium militiæ ducitur: ita se mores habent. Igitur Metellus ubi videt regis etiam tum animum ferocem; bellum renovari, quod, nisi ex il-

lius lubidine, geri posset; præterea iniquum certamen sibi cum hostibus; minore detrimento illos vinci, quam suos vincere: statuit non proeliis, neque acie, sed alio more bellum gerendum. Itaque in Numidiæ loca opulentissima pergit; agros vastat; multa castella et oppida temerè munita, aut sine præsidio, capit incenditque; puberes interficit, alia omnia militum præda esse. Eâ formidine multi mortales Romanis dediti obsides; frumentum, et alia quæ usui forent, adfatim præbita: ubicumque res postulabat, præsidium impositum. Quæ negotia multò magis, quam proelium malè pugnatum ab suis, regem terrebant. Quippe cui spes omnis in fugâ sita, sequi cogebatur; et qui sua loca defendere nequiverat, in alienis bellum gerere. Tamen ex copiâ, quod optimum videbatur, consilium capit: exercitum plerumque in isdem locis opperiri jubet; ipse cum delectis equitibus Metellum sequitur, nocturnis et aviis itineribus ignoratus Romanos palantis repente adgreditur. Eorum plerique inermes cadunt, multi capiuntur; nemo omnium intactus profugit. Et Numidæ, priusquam ex castris subveniretur, sicuti jussi erant, in proximos collis discedunt.

LV. *INTERIM* Romæ gaudium ingens ortum, cognitis Metelli rebus; ut seque et exercitum more majorum gereret; in adverso loco, victor tamen virtute fuisset; hostium agro potiretur; Jugurtham magnificum ex Auli secordiâ, spem salutis in solitudine, aut fugâ, coegisset habere. Itaque senatus *ob ea feliciter acta dis immortalibus supplicia decernere*: civitas trepida antea et sollicita de belli eventu, læta

agere : fama de Metello præclara esse. Igitur eò intentior ad victoriam niti ; omnibus modis festinare ; cavere tamen necubi hosti opportunus fieret : meminisse , post gloriam invidiam sequi. Ita quò clarior erat , eò magis animi anxius ; neque post insidias Jugurthæ effuso exercitu prædari. Ubi frumento , aut pabulo opus erat , cohortes cum omni equitatu præsidium agitabant : exercitus partim ipse , reliquos Marius ducebat. Sed igni magis , quàm prædà , ager vastabatur. Duobus locis , haud longè inter se , castra faciebant. Ubi vi opus erat , cuncti aderant : ceterum , quò fuga atque formido latius crescerent , divorsi agebant. Eo tempore Jugurtha per collis sequi : tempus , aut locum pugnae quærere : quà venturum hostem audierat , pabulum et aquarum fontis , quorum penuria erat , corrumpere : modò se Metello , interdum Mario ostendere ; postremos in agmine tentare , ac statim in collis regredi ; rursus aliis , pòst aliis minitari ; neque prælium facere , neque otium pati ; tantummodo hostem ab incepto retinere.

LVI. ROMANUS imperator ubi se dolis fatigari videt , neque ab hoste copiam pugnandi fieri ; urbem magnam , et in eà parte , quà sita erat , arcem regni , nomine Zamam , statuit obpugnare : ratus id , quod negotium poscebat , Jugurtham laborantibus suis auxilio venturum , ibique prælium fore. At ille , quæ parabantur , a perfugis edoctus , magnis itineribus Metellum antevenit ; oppidanos hortatur moenia defendant , additis auxilio perfugis ; quod genus ex copiis regis , quia fallere nequibant , firmissimum. Præterea pollicetur , in tempore semet cum exercitu

adfore. Ita compositis rebus, in loca quàm maxumè occulta discedit, ac pòst paullo cognoscit, Marium ex itinere frumentatum cum paucis cohortibus Siccam missum: quod oppidum primum omnium post malam pugnam ab rege defecerat. Eò cum dilectis equitibus noctu pergit, et jam egredientibus Romanis in portà pugnam facit: simul magnà voce Siccenses hortatur, « uti cohortis ab tergo circumveniant: fortunam præclari facinoris casum dare; « si id fecerint, postea sese in regno, illos in libertate sine metu ætatem acturos ». Ac ni Marius signa inferre atque evadere oppido properavisset, profectò cuncti, aut magna pars Siccensium, fidem mutavissent. Tantà mobilitate sese Numidæ agunt! Sed milites jugurthini paullisper ab rege sustentati, postquam majore vi hostes urgunt, paucis amissis, profugi discedunt.

LVII. MARIUS ad Zamam pervenit. Id oppidum, in campo situm, magis opere quàm naturà munitum erat: nullius idoneæ rei egens, armis virisque opulentum. Igitur Metellus, pro tempore atque loco paratis rebus, cuncta mœnia exercitu circumvenit. Legatis imperat, ubi quisque curaret: deinde, signo dato, undique simul clamor ingens oritur. Neque ea res Numidas terret; infensi intentique sine tumultu manent: prælium incipitur. Romani, pro ingenio quisque, pars eminus glande, aut lapidibus pugnare; alii succedere, ac murum modò subfodere, modò scalis adgredi: cupere prælium in manibus facere. Contra ea oppidani in proximos saxa volvere; sudēs, pila, præterea picem sulphure et

trædâ mixtam, ardentia mittere. Sed nec illos, qui procul manserant, timor animi satis muniverat. Nam plerosque jacula tormentis aut manu emissa vulnerabant: parique periculo, sed famâ impari, boni atque ignavi erant.

LVIII. Dum apud Zamam sic certatur, Jugurtha ex improvise castra hostium cum magnâ manu invadit: remissis, qui in præsidio erant, et omnia magis quàm prælium expectantibus, portam irrumpit. At nostri, repentino metu perculsi, sibi quisque pro moribus consulunt: alii fugere, alii arma capere: magna pars vulnerati, aut occisi. Ceterum ex omni multitudine non ampliùs quadraginta, memores nominis romani, grege facto, locum cepere, paullo quàm alii editiorem; neque inde maxumâ vi depelli quiverunt: sed tela eminus missa remittere, pauci in pluribus minùs frustrati: sin Numidæ propiùs accessissent, ibi verò virtutem ostendere et eos maxumâ vi cadere, fundere atque fugare. Interim Metellus quum acerrumè rem gereret, clamorem hostilem ab tergo accepit: dein, converso equo, animadvortit, fugam ad se vorsum fieri: quæ res indicabat popularis esse. Igitur equitatum omnem ad castra properè mittit, ac statim C. Marium cum cohortibus sociorum; eumque lacrumans « per amicitiam perque rempublicam obsecrat, ne
« quam contumeliam remanere in exercitu vietore,
« neve hostis inultos abire sinat ». Ille brevi mandata efficit. At Jugurtha munimento castrorum impeditus, quum alii super vallum præcipitarentur, alii in angustiis ipsi sibi properantes obficerent,

multis amissis , in loca munita sese recepit. Metellus , infecto negotio , postquam nox aderat , in castra cum exercitu revortitur.

LIX. Igitur postero die , prius quam ad obpu-
gnandum egrederetur , equitatum omnem in eâ par-
te , quâ regis adventus erat , pro castris agitare ju-
bet : portas et proxima loca tribunis dispertit : de-
inde ipse pergit ad oppidum , atque , ut superiore
die , murum adgreditur. Interim Jugurtha ex occulto
repentè nostros invadit. Qui in proximo locati
fuerant , paullisper territi perturbantur : reliqui citò
subveniunt. Neque diutius Numidæ resistere qui-
vissent , ni pedites cum equitibus permixti magnam
cladem in congressu facerent. Quibus illi freti , non,
ut equestri proelio solet , sequi , dein cedere ; sed
advorsis equis concurrere , implicare ac perturbare
aciem : ita expeditis peditibus suis , hostis penè vic-
tos dare.

LX. Eodem tempore apud Zamam magnâ vi cer-
tabatur. Ubi quisque legatus , aut tribunus curabat,
eò acerrumè niti ; neque alius in alio magis , quam
in sese spem habere : pariter oppidani agere. Obpu-
gnare , aut parare omnibus locis : avidius alteri al-
teros sauciare , quam semet tegere. Clamor permix-
tus hortatione , lætitiâ , gemitu : item strepitus ar-
morum ad cœlum ferri : tela utrimque volare. Sed
illi , qui mœnia defensabant , ubi hostes paullulum
modò pugnam remiserant , intenti proelium equestre
prospectabant. Eos , uti quæque Jugurthæ res erant ,
lætos modò , modò pavidos animadvorteres : ac sic
uti audiri a suis , aut cerni possent , monere alii ,
alii hortari , aut manu significare , aut niti corpo-

ribus, et huc, illuc, quasi vitabundi, aut jacentes tela, agitare. Quod ubi Mario cognitum est (nam is in eâ parte curabat) consultò leniùs agere, ac diffidentiam rei simulare: pati Numidas sine tumultu regis proelium visere. Ita illis studio suorum adstrictis, repentè magnâ vi murum adgreditur; et jam scalis egressi milites propè summa ceperant, quum oppidani concurrunt, lapides, ignem, alia præterea tela ingerunt. Nostri primò resistere; deinde, ubi unæ atque alteræ scalæ comminutæ, qui supersteterant, afflicti sunt; ceteri quoquo modo potuere, pauci integri, magna pars confecti vulneribus abeunt. Denique utrimque proelium nox diremit.

LXI. METELLUS, postquam videt frustrâ inceptum, neque oppidum capi, neque Jugurtham, nisi ex insidiis, aut spo loco pugnam facere, et jam æstatem exactam esse, ab Zamâ discedit: et in his urbibus, quæ ad se defecerant, satisque munitæ loco aut mœnibus erant, præsidia imponit. Ceterum exercitum in provinciam (quæ proxima est Numidiæ) hiemandi gratiâ collocat. Neque id tempus, ex aliorum more, quieti aut luxuriæ concedit: sed, quoniam armis bellum parum procedebat, insidias regi per amicos tendere, et eorum perfidiâ pro armis uti parat. Igitur Bomilcarem, qui Romæ cum Jugurthâ fuerat, et inde, vadibus datis, clam Massivæ de nece judicij fugerat, quòd ei, per maxumam amicitiam, maxuma copia fallendi erat, multis pollicitationibus adgreditur; ac primò efficit, uti ad se colloquendi gratiâ occultus veniat: dein fide datâ, « si Jugurtham vivum aut necatum tradidisset, fore, ut illi « senatus impunitatem, et sua omnia concederet »,

facile Numidæ persuadet, cùm ingenio infido, tum metuenti, ne, si pax cum Romanis fieret, ipse per conditiones ad supplicium traderetur.

LXII. Is, ubi primùm opportunum, Jugurtham anxium ac miserantem fortunas suas accedit, monet atque lacrumans obtestatur, « uti aliquando sibi liberisque et genti Numidarum, optumè merenti, provideat: omnibus prœliis sese victos, agrum vastatum, multos mortalis captos aut occisos, regni opes comminutas esse: satis sæpè jam et virtutem militum, et fortunam tentatam: caveret, ne, illo cunctante, Numidæ sibi consulant ». His atque talibus aliis ad deditionem regis animum impellit. Mittuntur ad imperatorem legati: « Jugurtham imperata facturum, ac sine ullâ pactione sese regnumque suum in illius fidem tradere ». Metellus properè cunctos senatorii ordinis ex hibernis arcessiri jubet: eorum atque aliorum, quos idoneos ducebat, consilium habet. Ita more majorum, ex consilii decreto, per legatos Jugurthæ imperat, argenti pondo ducenta millia, elephantos omnis, equorum et armorum aliquantum. Quæ postquam sine morâ facta sunt, jubet omnis perfugas victos adduci. Eorum magna pars, ut jussum erat, adducti: pauci, quum primùm deditio cœpit, ad regem Bocchum in Mauretiam abierant. Igitur Jugurtha, ubi armis virisque et pecuniâ spoliatus, quum ipse ad imperandum Tisidium vocaretur, rursus cœpit flectere animum suum, et ex malâ conscientiâ digna timere. Denique multis diebus per dubitationem consumptis, quum modò tædio rerum advorsarum omnia bello potiora duceret; interdum secum ipse

reputaret, quàm gravis casus in servitium ex regno foret; multis magnisque præsiidiis nequidquam perditis, de integro bellum sumit. Romæ senatus de provinciis consultus Numidiam Metello decreverat.

LXIII. PER idem tempus Uticæ fortè C. Mario per hostias dis supplicante, « magna atque mirabilia « portendi » haruspex dixerat : « proinde, quæ animo agitabat, fretus dis ageret ; fortunam quàm « sæpissimè experiretur ; cuncta prospera eventura ». At illum jam antea consulatûs ingens cupido exagitabat : ad què capiundum, præter vetustatem familiæ, alia omnia abundè erant : industria, probitas, militiæ magna scientia, animus belli ingens, domi modicus, lubricinis et divitiarum victor, tantummodo gloriæ avidus. Sed is natus et omnem pueritiam Arpini altus, ubi primùm ætas militiæ patiens fuit, stipendiis faciendis, non Græcâ facundiâ, neque urbanis munditiis sese exercuit : ita inter artis bonas integrum ingenium brevi adolevit. Ergo ubi primùm tribunatum militarem a populo petiit, plerisque faciem ejus ignorantibus, facilè notus per omnis tribus declaratur. Deinde ab eò magistratu alium post alium sibi peperit : semperque in potestatibus eo modo agitabat, uti ampliorem, quàm gerebat, dignus haberetur. Tamen is ad id locorum talis vir (nam postea ambitione præceps datus est) petere non audebat. Etiam tum alios magistratus plebes, consulatum nobilitas inter se per manus tradebat. Novus nemo tam clarus, neque tam egregiis factis erat, quin is indignus illo honore et quasi pollutus haberetur.

LXIV. IRRUA ubi Marinus haruspici dicta eodem

intendere videt, quò cupido animi hortabatur; ab Metello petundi gratià missionem rogat: cui quamquam virtus, gloria, atque alia optanda bonis superabant, tamen inerat contemtor animus et superbia; commune nobilitatis malum. Itaque primùm commotus insolitâ re, mirari ejus consilium, et quasi per amicitiam monere, « ne tam prava inciperet, neu
« super fortunam animum gereret; non omnia om-
« nibus cupiunda esse; debere illi res suas satis placere; postremò caveret id petere a populo romano, quod illi jure negaretur ». Postquam hæc atque talia dixit, neque animus Marii flectitur, respondit, « ubi primùm potuisset per negotia publica, « facturum sese quæ peteret ». Ac postea sæpius eadem postulanti fertur dixisse, « ne festinaret abire; « satis maturè illum cum filio suo consulatum petiturum ». Is eo tempore contubernio patris ibidem militabat, annos natus circiter xx. Quæ res Marium cum pro honore, quem adfectabat, tum contra Metellum vehementer accenderat. Ita cupidine atque irâ, pessumis consultoribus, grassari: neque factò ullo, neque dicto abstinere, quòd modò ambitiosum foret: milites, quibus in hibernis præerat, laxiore imperio, quàm antea, habere: apud negotiatores, quorum magna multitudo Uticæ erat, criminosè simul et magnificè de bello loqui: « dimidia « pars exercitus sibi permitteretur, paucis diebus « Jugurtham in catenis habituram; ab imperatore « consultè trahi, quòd homo inanis et regiæ superbiæ imperio nimis gauderet ». Quæ omnia illis eò firmiora videbantur, quòd diuturnitate belli res fa-

miliaris corruperant, et animo cupienti nihil satis festinatur.

LXV. ERAT præterea in exercitu nostro Numida quidam, nomine Gauda, Mastanabalis filius, Masinissæ nepos, quem Micipsa testamento secundum heredem scripserat; morbis confectus, et ob eam causam mente paullum imminutâ. Cui Metellus petenti, more regum, uti sellam juxta poneret; item postea, custodiæ causâ, turmam equitum romanorum, utrumque negaverat: honorem, quod eorum modò foret, quos populus romanus reges adpellavisset; præsidium, quod contumeliosum in eos foret, si equites romani satellites Numidæ traderentur. Hunc Marius anxium, adgreditur atque hortatur, uti contumeliarum imperatoris cum suo auxilio penas petat. Hominem ob morbos animo parum valido secundâ oratione extollit: « illum regem, ingentem
« virum, Masinissæ nepotem esse: si Jugurtha cap-
« tus, aut occisus, imperium Numidiæ sine morâ
« habiturum: id adeo maturè posse evenire, si ipse
« consul ad id bellum missus foret ». Itaque et illum, et equites romanos, milites et negotiatores, alios ipse, plerosque spes pacis impellit, uti Romam ad suos necessarios asperè in Metellum de bello scribant, Marium imperatorem poscant. Sic illi a multis mortalibus honestissimâ suffragatione consulatus petebatur. Simul eâ tempestate plebes, nobilitate fusâ per legem Mamiliam, novos extollebat. Ita Mario cuncta procedere.

LXVI. INTERIM Jugurtha postquam, omissâ deditione, bellum incipit, cum magnâ curâ parare om;

nia, festinare, cogere exercitum: civitates, quæ ab se defecerant, formidine, aut ostentando præmia adfectare; communire suos locos; arma, tela, alia, quæ spe pacis amiserat, reficere, aut commercari; servitia Romanorum adlicere, et eos ipsos, qui in præidiis erant, pecuniâ tentare; prorsus nihil intactum, neque quietum pati; cuncta agitare. Igitur *Vagenses*, quò Metellus initio, Jugurthâ pacificante, præsidium imposuerat, fatigati regis suppliciis, neque antea voluntate alienati, principes civitatis inter se conjurant: nam volgus, uti plerumque solet, et maxumè Numidarum, ingenio mobili, seditiosum atque discordiosum erat, cupidum novarum rerum, quieti et otio advorsum: dein, compositis inter se rebus, diem tertium constituunt, quòd is festus celebratusque per omnem Africam ludum et lasciviam magis quàm formidinem ostentabat. Sed ubi tempus fuit, centuriones tribunosque militaris, et ipsum præfectam oppidi T. Turpilium Silanum, alius alium domos suas invitant: eos omnis, præter Turpilium, inter epulas obtruncant: postea milites palantis, inermos, quippe in tali die ac sine imperio, adgrediuntur. Idem plebes facit, pars edocti ab nobilitate, alii studio talium rerum incitati; quis aota consiliumque ignorantibus tumultus ipse et res novæ satis placebant.

LXVII. ROMANI milites, improvise metu, incerti ignarique, quid potissimum facerent; trepidare ad arcem oppidi, ubi signa et scuta erant: præsidium hostium, portæ ante clausæ fugam prohibebant: ad hæc, mulieres puerique pro tectis ædificiorum saxa, et alia quæ locus præbebat, certatim mittere. Ita

neque caveri anceps malum, neque a fortissimis infirmisumo generi resisti posse: juxta boni malique, strenui et imbelles inulti obtruncati. In eâ tantâ asperitate, sæviasumis Numidis et oppido undique clauso, Turpilius unus ex omnibus Italicis profugit intactus: id misericordiâne hospitis, an pactione, an casu ita evenerit, parum comperimus; nisi, quia illi in tanto malo turpis vita famâ integrâ potior, improbæ intestabilisque videtur.

LXVIII. METELLUS, postquam de rebus Vagæ actis comperit, paullisper mœstus e conspectu abit: deinde, ubi ira et ægritudo permixta, cum maxumâ curâ ultum ire injurias festinat. Legionem, cum quâ hiemabat, et, quâm plurimos potest, Numidas equites pariter cum occasu solis expeditos educit: et postera die circiter horam tertiam pervenit in quamdam planitiem, locis paullo superioribus circumventam. Ibi milites fessos itineris magnitudine, et jam abnuentis orania, docet, « oppidum Vagam « non amplius mille passuum abesse: decere illos « reliquum laborem æquo animo pati, dum pro ci- « vibus suis, viris fortissimis atque miserrimis, « pœnas caperent ». Præterea prædam benignè ostentat. Sic animis eorum arrectis, equites in primo latè, pedites quâm artissimè ire, signa occultare jubet.

LXIX. VAGÆSES ubi animum advortère, ad se vorum exercitum pèrgere: primò, uti erat res, Metellum rati, portas clausere: deinde, ubi neque agros vastari, et eos, qui primi aderant, numidas equites vident; rursum Jugurtham arbitrati, cum magno gaudio obvii procedunt. Equites peditesque, repentè signo dato, alii vulgum effusum oppido cæ-

dere ; alii ad portas festinare ; pars turris capere ; ira atque prædæ spes ampliùs quàm lassitudo posse. Ita Vagenses biduum modò ex perfidiâ lætati : civitas magna et opulens poenæ cuncta, aut prædæ fuit. Turpilius , quem præfectum oppidi unum ex omnibus profugisse suprâ ostendimus , jussus a Metello causam dicere , postquam sese parum expurgat , condemnatus , verberatusque capite poenas solvit. Nam is civis ex Latio erat.

LXX. PER idem tempus Bomilcar , cujus impulsu Jugurtha deditionem , quam metu deseruit , inceperrat ; suspectus regi , et ipse eum suspiciens , novas res cupere ; ad perniciem ejus dolum quærere ; diu noctuque fatigare animum. Denique omnia tentando , socium sibi adjungit Nabdalsam , hominem nobilem ; magnis opibus , carum acceptumque popularibus suis ; qui plerumque seorsum ab rege exercitum ductare , et omnes res exsequi solitus erat , quæ Jugurthæ fessò , aut majoribus adstrictò , superaverant : ex quo illi gloria opesque inventæ. Igitur utriusque consilio dies insidiis statuitur : cetera , uti res posceret , ex tempore parari placuit. Nabdalsa ad exercitum profectus , quem inter hiberna Romanorum jussus habebat , ne ager , inultis hostibus , vastaretur. Is postquam , magnitudine facinoris percussus , ad tempus non venit , metusque rem impediebat ; Bomilcar simul cupidus incepta patrandi , et timore socii anxius , ne , omisso vetere consilio , novum quæreret , litteras ad eum per homines fidelis mittit , « mollitiem secordiamque viri accusari , « testari deos , per quos juravisset ; præmia Metelli « in pestem ne converteret ; Jugurthæ exitium ad-

« esse; ceterum enāne, an virtute Metelli periret,
 « id modò agitari: proinde reputaret cum animo
 « suo, prœmia, an cruciatum mallet. »

LXXI. SED quum hæ litteræ adlatæ, fortè Nab-
 dalsa, exercito corpore fessus, in lecto quiescebat.
 Ubi, cognitis Bomilcaris verbis, primò cura, deinde,
 uti ægrum animum solet, somnus cepit. Erat ei Nu-
 mida quidam negotiorum curator, fidus acceptus-
 que, et omnium consiliorum, nisi novissumi, par-
 ticeps. Qui postquam adlatas litteras audivit, ex con-
 suetudine ratus operâ aut ingenio suo opus esse, in
 tabernaculum introivit; dormiente illo epistolam,
 super caput in pulvino temerè positam, sumit ac
 perlegit. Dein properè, cognitis insidiis, ad regem
 pergit. Nabdalsa, pòst paullo expectatus, ubi ne-
 que epistolam reperit, et rem omnem, uti acta, co-
 gnovit, primò indicem persequi conatus; postquam
 id frustra fuit, Jugurtham placandi gratiâ accedit,
 « quæ ipse paravisset, perfidiâ clientis sui præven-
 « ta: lacrumans obtestatur per amicitiam, perque
 sua antea fideliter acta, ne super tali scelere suspec-
 tum sese haberet. »

LXXII. AD ea rex aliter, atque animo gerebat,
 placidè respondit. Bomilcare aliisque multis, quos
 socios insidiarum cognoverat, interfectis, iram op-
 presserat, ne qua ex eo negotio seditio oriretur.
 Neque post id locorum Jugurthæ dies, aut nox ulla
 quieta fuere; neque loco, neque mortali cuiquam,
 aut tempori satis credere; civis, hostis juxtà me-
 tuere; circumspectare omnia, et omni strepitu pa-
 vescere; alio atque alio loco sæpè, contra decus re-
 gium, noctu requiescere: interdum somno excitus,

arreptis armis tumultum facere. Ita formidine, quasi vecordiâ, exagitari.

LXXIII. Igitur Metellus, ubi de casu Bomilcaris et indicio patefacto ex perfugis cognovit, rursus, tamquam ad integrum bellum, cuncta parat festinatque. Marium, fatigantem de profectione, simul et invitum, et offensum sibi, parum idoneum ratus, domum dimittit. Et Romæ plebes, litteris, quæ de Metello ac Mario missæ erant, cognitis, volenti animo de ambobus acceperant. Imperatori nobilitas, quæ antea decori, invidiæ esse : at illi alteri generis humilitas favorem addiderat. Ceterum in utroque magis studia partium, quàm bona, aut mala sua moderata. Præterea seditiosi magistratus vulgum exagitare, Metellum omnibus concionibus capitis arcescere, Marii virtutem in majus celebrare. Denique plebes sic accensa, uti opifices agrestesque omnes, quorum res fidesque in manibus sitæ erant, relictis operibus, frequentarent Marium, et sua necessaria post illius honorem ducerent. Ita, perculsâ nobilitate, post multas tempestates novo homini consulatus mandatur. Et postea populus a tribuno plebis Manilio Mancino rogatus, *quem vellet cum Jugurthâ bellum gerere?* frequens Marium jussit. Senatus paullo antè Metello decreverat : ea res frustra fuit.

LXXIV. Eodem tempore Jugurtha, amissis amicis, quorum plerosque ipse necaverat, ceteri formidine, pars ad Romanos, alii ad regem Bocchum profugerant; quum neque bellum geri sine administris posset, et novorum fidem in tantâ perfidiâ veterum experiri periculosum duceret, varius incertusque

agitabat ; neque illi res , neque consilium , aut quisquam hominum satis placebat ; itinera præfectosque in dies mutare ; modò advorsum hostes , interdum in solitudines pergere ; sæpè in fugà , ac pòst paullo spem in armis habere ; dubitare , virtuti popularium , an fide minùs crederet. Ita , quòcumque intenderat , res advorsæ erant. Sed inter eas moras repente sese Metellus cum exercitu ostendit. Numidæ ab Jugurthâ pro tempore parati instructique : dein prælium incipitur. Quâ in parte rex adfuit , ibi aliquamdiu certatum ; ceteri omnes ejus milites primo concursu pulsî fugatique. Romani signorum et armorum aliquanto numero , hostium paucorum potiti. Nam fermè Numidas in omnibus præliis pedes magis , quàm arma tutata sunt.

LXXV. EA fugà Jugurtha impensiùs modò rebus suis diffidens , cum perfugis et parte equitatûs in solitudines , dein Thalam pervenit , in oppidum magnum et opulentum , ubi plerique thesauri , filiorumque ejus multus pueritiæ cultus erat. Quæ postquam Metello comperta , quamquam inter Thalam flumenque proximum , spatio millium quinquaginta , loca arida atque vasta esse cognoverat ; tamen spe patrândi belli , si ejus oppidi potitus foret , omnis asperitates supervadere , ac naturam etiam vincere adgreditur. Igitur omnia jumenta sarcinis levare jubet , nisi frumento dierum decem ; ceterùm utres modò , et alia aquæ idonea portari. Præterea conquirit ex agris , quàm plurimùm potest , domiti pecoris ; eòque imponit vasa cujusque modî , pleraque lignea , collecta ex tuguriis Numidarum. Ad hoc finitumis imperat , qui se post regis fugam Metello dederant ,

quàm plurimùm quisque aquæ portarent; diem locumque ubi præsto fuerint prædicit. Ipse ex flumine, quàm proxumam oppido aquam suprà diximus, jumenta onerat. Eo modo instructus ad Thalam proficiscitur. Deinde ubi ad id loci ventum, quò Numidis præceperat, et castra posita munitaque sunt; tanta repente cœlo missa vis aquæ dicitur, ut ea modò exercitui satis superque foret. Præterea commeatus spe amplior: quia Numidæ, sicuti plerique in novâ deditiōe, officia intenderant. Ceterùm milites religione pluviâ magis usi; eaque res multum animis eorum addidit. Nam rati sese dis immortalibus curæ esse. Deinde postero die, contra opinionem Jugurthæ, ad Thalam perveniunt. Oppidani, qui se locorum asperitate munitos crediderant, magnâ atque insolitâ re perculsi, nihilò segniùs bellum parare: idem nostri facere.

LXXVI. Sed rex nihil jam infectum Metello credens, quippe qui omnia, arma, tela, locos, tempora, denique naturam ipsam, ceteris imperitantem, industriâ vicerat, cum liberis et magnâ parte pecuniæ ex oppido noctu profugit: neque postea in ullo loco ampliùs unâ die, aut unâ nocte moratus, simulabat sese negotiî gratiâ properare; ceterùm proditiōem timebat, quam vitare posse celeritate putabat. Nam talia consilia per otium, et ex opportunitate capi. At Metellus, ubi oppidanos proelio intentos, simul oppidum et operibus et loco munitum videt, vallo fossâque mœnia circumvenit. Deinde locis ex copiâ maxumè idoneis vineas agere, aggerem jacere, et super aggerem impositis turribus opns et administros tutari. Contra hæc oppidani fes-

tinare, parare : prorsus ab utrisque nihil reliquum fieri. Denique Romani, multo antè labore præliisque fatigati, post dies quadraginta, quàm eò ventum erat, oppido modò potiti : præda omnis ab perfugis corrupta. Ii postquam murum arietibus feriri, resque suas afflictas vident, aurum atque argentum, et alia, quæ prima ducuntur, domum regiam comportant : ibi vino et epulis onerati, illaque, et domum, et semet igni corrumpunt; et quas victi ab hostibus pœnas metuerent, eas ipsi volentes pependere.

LXXVII. Sed pariter quum captà Thalà legati ex oppido Leptiad Metellum venerant, orantes, « uti præsidium præfectumque eò mitteret ; Hamilcarem quemdam, hominem nobilem, factiosum, novis rebus studere; adversum quem neque imperia magistratum neque leges valerent : ni id festinaret, in summo periculo suam salutem, illorum socios fore ». Nam Leptitani jam inde a principio belli jugurthini ad Bestiam consulem, et postea Romam miserant, amicitiam societatemque rogatum. Deinde, ubi ea impetrata, semper boni fidelesque mansere, et cuncta a Bestiâ, Albino Metelloque imperata navè fecerant. Itaque ab imperatore faciliè, quæ petebant, adepti. Emissæ eò cohortes Ligurum quatuor, et C. Annius præfectus.

LXXVIII. In oppidum ab Sidoniis conditum, quos accepimus profugos, ob discordias civilis, navibus in eos locos venisse : ceterum situm inter duas syrtis, quibus nomen ex re inditum. Nam duo sunt sinus propè in extremâ Africâ, impares magnitudine, pari naturâ : quorum proxima terræ præalta sunt; cete-

ra, uti fors tulit, alta; alia in tempestate vadosa. Nam ubi mare magnum esse, et sævire ventis coepit, limum arenamque et saxa ingentia fluctus trahunt: ita facies locorum cum ventis simul mutatur. Ejus civitatis lingua modò conversa connubio Numidarum; leges, cultusque, pleraque sidonica. Quæ eò facilius retinebant, quòd procul ab imperio regis ætatem agebant. Inter illos et frequentem Numidiam multi vastique loci erant.

LXXIX. Sed quoniam in has regiones per Leptitanorum negotia venimus, non indignum videtur egregium atque mirabile facinus duorum Carthaginiensium memorare. Eam rem locus admonuit. Quà tempestate Carthaginienses pleræque Africæ imperitabant, Cyrenenses quoque magni atque opulenti fuere. Ager in medio arenosus, unâ specie: neque flumen, neque mons erat, qui finis eorum discerneret; quæ res eos in magno diuturno bello inter se habuit. Postquam utrimque legiones, item classes fusæ fugatæque, et alteri alteros aliquantùm adtriverant; veriti ne mox victos victoresque defessos alius adgrederetur, per inducias sponsionem faciunt, « uti certo die legati domo proficiscerentur; quo in loco inter se obvii fuissent, is communis utriusque populi finis haberetur ». Igitur Carthagine duo fratres missi, quibus nomen Philænis erat, maturare iter pergere: Cyrenenses tardius iere. Id securiæ an casu acciderit, parum cognovi. Ceterum solet in illis locis tempestas haud secus atque in mari retinere. Nam ubi per loca æqualia et nuda gignentium ventus coortus arenam humo excitavit, ea magnâ vi agitata, ora oculosque implere solet; ita pro-

spectu impedito, morari iter. Postquam Cyrenenses aliquanto posteriores se vident, et ob rem corruptam domi poenas metuunt, criminari Carthaginienes ante tempus domo digressos, conturbare rem; denique omnia malle, quàm victi abire. Sed quum Pœni aliam conditionem, tantummodo æquam, peterent, Græci optionem Carthaginensium faciunt, « vel illi, quos finis populo suo peterent, ibi vivi « obruerentur; vel eadem conditione sese, quem in « locum vellent, processuros ». Philæni, conditione probatâ, seque vitamque reipublicæ condonavere. Ita vivi obruti. Carthaginienses in eo loco Philænis fratribus aras consecraverunt; aliique illis domi honores instituti. Nunc ad rem redeo.

LXXX. JUGURTHA postquam, amissâ Thalâ, nihil satis firmum contra Metellum putat, per magnas solitudines cum paucis profectus, pervenit ad Gætulos, genus hominum ferum incultumque, et eo tempore ignarum nominis romani. Eorum multitudinem in unum cogit: ac paulatim consuefacit ordines habere, signa sequi, imperium observare, item alia militaria facere. Præterea regis Bocchi proximos magnis muneribus, et majoribus promissis ad studium sui perducit. Quis adjutoribus regem adgressus, impellit, uti adversum Romanos bellum suscipiat. Id eâ gratiâ facilius proniusque fuit, quòd Bocchus initio hujusce belli legatos Romam miserat, fœdus et amicitiam petiturum. Quam rem opportunissimam incepto bello pauci impediverant, cæci avaritiâ, quis omnia honesta atque inhonesta vendere mos erat. Etiam antea Jugurthæ filia Bocchi nupserrat. Verùm ea necessitudo apud Numidas Maurosque

levis ducitur : quòd singuli, pro opibus quisque, quàm plurimas uxores, denas alii, alii plures habent; sed reges eò ampliùs. Ita animus multitudine distrahitur; nulla pro sociâ obtinet: pariter omnes viles sunt.

LXXXI. Igitur in locum ambobus placitum exercitus conveniunt. Ibi, fide datâ et acceptâ, Jugurtha Bocchi animum oratione accendit: « Romanos injus-
« tos, profundâ avaritiâ, communis omnium hostis
« esse: eamdem illos causam belli cum Boccho ha-
« bere, quam secum et cum aliis gentibus, lubidinem
« imperitandi; quis omnia regna advorsa sint; tum
« sese, paullo ante Carthaginenses, item regem
« Persen, pòst, uti quisque opulentissimus videat-
« tur, ita Romanis hostem fore ». His atque aliis talibus dictis ad Cirtam oppidum iter constituunt: quòd ibi Metellus prædam captivosque et impedimenta locaverat. Ita Jugurtha ratus, aut, captâ urbe, operæ pretium fore; aut, si Romanus auxilio suis venisset, prælio sese certaturos. Nam callidus id modò festinabat, Bocchi pacem imminuere, ne, moras agitando, aliud quàm bellum mallet.

LXXXII. IMPERATOR, postquam de regum societate cognovit, non temerè, neque, uti sæpè jam victo Jugurthâ consueverat, omnibus locis pugnandi copiam facit: ceterum haud procul ab Cirtâ, castris munitis, reges opperitur; meliùs ratus, cognitis Mauris, quoniam is novus hostis accesserat, ex commodo pugnam facere. Interim Româ per litteras certior fit, provinciam Numidiam Mario datam. Nam consulem factum jam antea acceperat. Quis rebus supra bonum atque honestum percussus, neque la-

crumas tenere, neque moderari linguam ; vir egregius in aliis artibus, nimis molliter aegritudinem pati. Quam rem alii in superbiam vortebant ; alii bonum ingenium contumeliâ accensum esse ; multi, quòd jam parta victoria ex manibus eriperetur. Nobis satis cognitum, illum magis honore Marii, quàm injuriâ suâ excruciatum, neque tam anxie laturum fuisse, si ademta provincia alii, quàm Mario, traderetur.

LXXXIII. IGITUR eo dolore impeditus, et quia stultitiæ videbatur alienam rem periculo suo curare, legatos ad Bocchum mittit, postulatum, « ne
 « sine causâ hostis populo romano fieret ; habere
 « eum magnam copiam societatis amicitiaque con-
 « jungendæ, quæ potior bello esset ; quamquam
 « quibus confideret, non debere incerta pro certis
 « mutare ; omne bellum sumi facile, ceterum æger-
 « rum desinere ; non in ejusdem potestate initium
 « ejus et finem esse ; incipere cuius etiam ignavo
 « licere, deponi quum victores velint. Proinde sibi
 « regnoque consuleret ; neu florentis res suas cum
 « Jugurthæ perditis misceret ». Ad ea rex satis placide verba facit : « sese pacem cupere, sed Jugurthæ
 « fortunarum misereri, si eadem illi copia fieret,
 « omnia conventura ». Rursus imperator contra postulata Bocchi nuncios mittit. Ille probare, partim abnuere. Eo modo sæpè ab utroque missis remissisque nunciis tempus procedere, et, ex Metelli voluntate, bellum intactum trahi.

LXXXIV. AT Marius, ut suprâ diximus, cupientissimâ plebe consul factus, postquam ei provinciam Numidiam populus jussit, antea jam infestus nobilitati tum verò multus atque ferox instare ; singulos mo-

dò , modò universos lædere ; dictitare , « sese consu-
 « latum ex victis illis spolia cepisse » ; alia præterea
 magnifica pro se , et illis dolentia. Interim , quæ bel-
 lo opus erant , prima habere ; postulare legionibus
 supplementum ; auxilia a populis et regibus sociis-
 que arcessere ; præterea ex Latio fortissimum quem-
 que , plerosque militiæ , paucos famâ cognitos acci-
 re , et ambiendo cogere homines emeritis stipendiis
 secum proficisci. Neque illi senatus , quamquam ad-
 vorsus erat , de ullo negotio abnuere audebat ; ce-
 terùm supplementum etiam lætus decreverat : quia
 neque plebi militia volenti putabatur , et Marius aut
 belli usum , aut studia volgi , amissurus. Sed ea res
 frustrâ sperata : tanta lubido cum Mario eundi ple-
 rosque invaserat ! Sese quisque prædâ locupletem ,
 victorem domum rediturum , alia hujuscemodi ani-
 mis trahebant. Et eos non paullum oratione suâ Ma-
 rius arrexerat : nam postquam , omnibus , quæ pos-
 tulaverat , decretis , milites scribere volt , hortandi
 causâ simul , et nobilitatem , uti cõsueverat , exagi-
 tandi , concionem populi advocavit. Deinde hoc
 modo disseruit.

LXXXV. « Scio ego , Quirites , plerosque non
 « isdem artibus imperium a vobis petere , et , post-
 « quam adepti sunt , gerere : primò industrios , sup-
 « plicis , modicos , esse ; dehinc per ignaviam et su-
 « perbiam ætatem agere. Sed mihi contra ea vide-
 « tur. Nam quò universa respublica pluris est , quàm
 « consulatus aut prætura , eò majore curâ adminis-
 « trari , quàm hæc peti debere. Neque me fallit ,
 « quantum cum maximo beneficio vestro negoti-
 « sustineam. Bellum parare , simul , et ærario par-

« cere; cogere ad militiam, quos nolis offendere;
« domi forisque omnia curare; et ea agere inter in-
« vidos, occursantis, factiosos, opinione, Quirites,
« asperius est. Ad hoc, alii si deliquere, vetus nobi-
« litas, majorum facta fortia, cognatorum et adfi-
« nium opes, multæ clientelæ, omnia hæc præsidio
« adsunt; mihi spes omnes in memet sitæ, quas ne-
« cesse est et virtute et innocentia tutari: nam alia
« infirma sunt. Et illud intellego, Quirites, omnium
« ora in me conversa esse; æquos bonosque favere,
« quippe benefacta mea reipublicæ procedunt; nobi-
« litatem locum invadendi quærere. Quò mihi acrius
« adnitendum est, ut neque vos capiamini, et illi
« frustrà sint. Ita ad hoc ætatis à pueritiâ fui, ut
« omnis labores, pericula consueta habeam. Quæ
« ante vestra beneficia gratuitò faciebam, ea uti,
« acceptà mercede, deseram, non est consilium,
« Quirites. Illis difficile est in potestatibus tempe-
« rare, qui per ambitionem sese probos simulavere:
« mihi, qui omnem ætatem in optumis artibus egi,
« benefacere jam ex consuetudine in naturam vertit.
« Bellum me gerere cum Jugurthâ jussistis; quam
« rem nobilitas ægerrumè tulit. Quæso, reputate
« cum animis vestris, num id mutare melius sit, si
« quem ex illo globo nobilitatis ad hoc, aut aliud
« tale negotium mittatis, hominem veteris prosapiæ
« ac multarum imaginum, et nullius stipendii: sci-
« licet ut in tantâ re, ignarus omnium, trepidet,
« festinet, sumat aliquem ex populo monitorem
« officii. Ita plerumque evenit, ut quem vos impe-
« rare jussistis, is imperatorem alium quærat. Ac
« ego scio, Quirites, qui postquam consules facti

• sunt, acta majorum et Græcorum militaria præ-
• cepta legere cœperint; homines præposterî. Nam
• gerere, quàm fieri, tempore posterius, re atque
• usu prius est. Comparete nunc, Quirites, cum
• illorum superbiâ me hominem novum. Quæ illi
• audire et legere solent eorum partim vidi, alia
• egomet gessi: quæ illi litteris, ego militando didi-
• ci. Nunc vos existumate, facta an dicta pluris sint.
• Contemnunt novitatem meam, ego illorum igna-
• viam; mihi fortuna, illis probra objectantur.
• Quamquam ego naturam unam et communem om-
• nium existumo, sed fortissimum quemque gene-
• rosissimum. Ac si jam ex patribus Albini, aut
• Bestiæ quæri posset, mene, an illos ex se gigni
• maluerint; quid responsuros creditis, nisi, sese
• liberos quàm optimos voluisse? Quòd si jure me
• despiciunt, faciunt idem majoribus suis, quibus,
• uti mihi, ex virtute nobilitas cœpit. Invident ho-
• nori meo; ergo invideant et labori, innocentiae,
• periculis etiam meis, quoniam per hæc illum cepi.
• Verùm homines corrupti superbiâ ita ætatem
• agunt, quasi vestros honores contemnant; ita hos
• petunt, quasi honestè vixerint. Ne illi falsi sunt,
• qui divorsissimas res pariter expectant, ignaviæ
• voluptatem, et præmia virtutis. Atque etiam quum
• apud vos, aut in senatu verba faciunt, plerâque
• oratione majores suos extollunt; eorum fortia fac-
• ta memorando clariores sese putant: quod contrâ.
• Nam quantum vita illorum præclarior, tantò ho-
• rum secordia flagitiosior. Et profectò ita se res
• habet: majorum gloria posteris lumen est, neque
• bona neque mala in occulto patitur. Hujusce rei

« ego inopiam patior, Quirites; verum id, quod
« multò præclarior est, meamet facta dicere licet.
« Nunc videte, quàm iniqui sint. Quod ex alienâ
« virtute sibi adrogant, id mihi ex meâ non conce-
« dunt; scilicet, quia imagines non habeo, et quia
« mihi nova nobilitas est, quam certè peperisse me-
« lius est, quàm acceptam corrupisse. Equidem ego
« non ignoro, si jam respondere velint, abundè illis
« facundam et compositam orationem fore. Sed in
« maximo vestro beneficio, quum omnibus locis
« me vosque maledictis lacerent, non placuit reti-
« cere; ne quis modestiam in conscientiam duceret.
« Nam me quidem, ex animi sententiâ, nulla oratio
« lædere potest. Quippe vera necesse est bene præ-
« dicet; falsam vita moresque mei superant. Sed
« quoniam vestra consilia accusantur, qui mihi sum-
« mum honorem et maximum negotium imposuis-
« tis: etiam atque etiam reputate, num id pœni-
« tundum sit. Non possum fidei causâ imagines;
« neque triumphos, aut consulatus majorum meo-
« rum ostentare; at, si res postulet, hastas, vexil-
« lum, phaleras, alia militaria dona; præterea cica-
« trices advorso corpore. Hæ sunt meæ imagines;
« hæc nobilitas, non hæreditate relicta, ut illa illis,
« sed quæ ego plurimis laboribus et periculis quæ-
« sivi. Non sunt composita verba mea; parum id
« facio; ipsa se virtus satis ostendit: illis artificio
« opus est, uti turpia facta oratione tegant. Neque
« litteras græcas didici; parum placebat eas discere,
« quippe quæ ad virtutem doctoribus nihil profue-
« runt. At illa inulto optuma reipublicæ doctus sum;
« hostem ferire, præsidia agitare; nihil metuere,

« nisi turpem famam ; hiemem et æstatem juxta pa-
« ti ; humi requiescere ; eodem tempore inopiam et
« laborem tolerare. His ego præceptis militeshorta-
« bor ; neque illos arcè colam , me opulenter ; neque
« gloriam meam laborem illorum faciam. Hoc est
« utile , hoc civile imperium. Namque quum tutè
« per mollitiem agas , exercitum supplicio cogere ,
« id est , dominum , non imperatorem esse. Hæc atque
« talia majores vestri faciundo seque remque publi-
« cam celebravere. Quis nobilitas freta , ipsa dissimilis
« moribus , nos illorum æmulos contemnit ;
« et omnis honores non ex merito , sed quasi debitos ,
« a vobis repetit. Ceterum homines superbis-
« sumi procul errant. Majores eorum omnia , quæ
« licebat , illis reliquere , divitias , imagines , memoriam
« sui præclaram : virtutem non reliquere ; neque poterant :
« ea sola neque datur dono , neque accipitur. Sordidum me
« et incultis moribus aiunt ; quia parum scitè convivium
« exorno , neque histrionem ullum , neque pluris pretii coquum ,
« quàm villicum , habeo. Quæ mihi lubet confiteri. Nam
« ex parente meo , et ex sanctis viris ita accepi , munditias
« mulieribus , viris laborem convenire ; omnibusque bonis
« oportere plus gloriæ , quàm divitiarum ; arma , non suppellectilem
« decori esse. Quin ergo quod juvat , quod carum æstumant ,
« id semper faciant ; ament ; potent ; ubi adolescentiam
« habuere , ibi senectutem agant , in conviviis , dediti ventri
« et turpissimæ parti corporis ; sudorem , pulverem , et alia talia
« relinquant nobis , quibus illa epulis jucundiora sunt. Verum non
« est ita. Nam ubi se omnibus flagitiis dedecoravere.

« turpissimum viri, bonorum præmia ereptum eunt.
« Ita injustissimè luxuria et ignavia, pessumæ artes,
« illis, qui coluere eas, nihil obficiunt; reipublicæ
« innoxie cladi sunt. Nunc quoniam illis, quantum
« mores mei, non illorum flagitia, poscebant, res-
« pondi; pauca de republicâ loquar. Primum om-
« nium de Numidiâ bonum habetote animum, Qui-
« rites. Nam quæ ad hoc tempus Jugurtham tutata
« sunt, omnia removistis, avaritiam, imperitiam,
« superbiam. Deinde exercitus ibi est locorum sciens;
« sed meherculè magis strenuus, quàm felix. Nam
« magna pars avaritiâ aut temeritate ducum adtrita
« est. Quamobrem vos, quibus militaris ætas, ad-
« nitimini mecum et capessite rempublicam: neque
« quemquam ex calamitate aliorum, aut imperato-
« rum superbiâ, metus ceperit. Egomet in agmine,
« in proelio consultor idem, et socius periculi vo-
« biscum adero; meque vosque in omnibus rebus
« juxtâ geram. Et profectò, dis juvantibus, omnia
« matura sunt, victoria, præda, laus; quæ si dubia
« aut procul essent, tamen omnis bonos reipublicæ
« subvenire decebat. Etenim ignaviâ nemo immorta-
« lis factus: neque quisquam parens liberis, uti æter-
« ni forent, optavit; magis, uti boni honestique vi-
« tam exigèrent. Plura dicerem, Quirites, si timidus
« virtutem verba adderent; nam strenuis abundè
« dictum puto.»

LXXXVI. Hujusmodi oratione habitâ, Marius postquam plebis animos arrectos videt, propere commeatu, stipendio, armis, aliis utilibus navis onerat; cum his A. Manlium legatum proficisci jubet. Ipse interea milites scribere non more majorum,

neque ex classibus, sed uti cujusque lubido erat, capite censos plerosque. Id factum alii inopiâ bonorum, alii per ambitionem consulis memorabant; quòd ab eo genere celebratus auctusque erat; et homini potentiam quærenti egentissimus quisque opportunissimus; cui neque sua curæ, quippe quæ nulla sunt, et omnia cum pretio honesta videntur. Igitur Marius cum majore aliquanto numero, quàm decretum erat, in Africam profectus, diebus paucis Uticam advehitur. Exercitus ei traditur a P. Rutilio legato. Nam Metellus conspectum Marii fugerat, ne videret ea quæ audita animus tolerare nequiverat.

LXXXVII. Sed consul, expletis legionibus cohortibusque auxiliariis, in agrum fertilem et prædâ onustum proficiscitur. Omnia ibi capta militibus donat. Dein castella et oppida naturâ et viris parum munita adgreditur; proelia multa, ceterùm alia levia aliis locis facere. Interim novi milites sine metu pugnæ adesse; videre fugientis capi, occidi; fortissimum quemque tutissimum; armis libertatem, patriam parentesque et alia omnia tegi; gloriam atque divitias quæri. Sic brevi spatio novi veteresque coaluere, et virtus omnium æqualis facta. At reges, ubi de adventu Marii cognoverunt, divorsi in locos difficilis abeunt. Ita Jugurthæ placuerat, speranti, mox effusos hostis invadi posse; Romanos, sicuti plerosque, remoto metu, laxiùs licentiùsque futuros.

LXXXVIII. METELLUS interea Romam profectus, contra spem suam, lætissimis animis excipitur; plebi patribusque, postquam invidia decesserat, juxtâ carus. Sed Marius impigrè prudenterque suorum et hostium res pariter adtendere; cognoscere quid boni

utrisque, aut contrà esset; explorare itinera regum; consilia et insidias antevenire; nihil apud se remissum, neque apud illos tutum pati. Itaque et Gætulos, et Jugurtham, ex sociis nostris prædam agentes, sæpè adgreessus itinere fuderat, ipsumque regem hand procul ab oppido Cirtà armis exuerat. Quæ postquam gloriosa modò, neque belli patrandi cognovit, statuit urbis, quæ viris aut loco pro hostibus, et advorsum se, opportunissimæ erant, singulas circumvenire; ita Jugurtham aut præsiidiis nudatum, si ea pateretur, aut prælio certaturum. Nam Bocchus nuncios ad eum sæpè miserat, « velle populi romani « amicitiam, ne quid ab se hostile timeret ». Id simulaveritne, quò improvisus graviùs accideret, an mobilitate ingenii pacem atque bellum mutare solitus, parum exploratum.

LXXXIX. Sed consul, uti statuerat, oppida castellaque munita adire; partim vi, alia metu, aut præmia ostentando, avortere ab hostibus. Ac primò mediocria gerebat, existumans Jugurtham ob suos tutandos in manus venturum. Sed ubi procul abesse, et aliis negotiis intentum accepit, majora et aspera adgredi tempus visum. Erat inter ingentis solitudines oppidum magnum atque valens, nomine Capsa, cujus conditor Hercules Libys memorabatur. Ejus cives apud Jugurtham immunes, levi imperio, et ob ea fidelissimi habebantur; muniti advorsum hostis non mœnibus modò, et armis atque viris, multò magis locorum asperitate. Nam, præter oppido propinqua, alia omnia vasta, inculta, egentia aquæ, infesta serpentibus, quarum vis, sicuti omnium ferarum, inopià cibi acrior. Ad hoc natura serpen-

tium ipsa perniciosa, siti magis, quàm alià re, accenditur. Ejus potiundi Marium maxuma cupido invaserat, cùm propter usum belli, tum quia res aspera videbatur; et Metellus oppidum Thalam magnà glorià ceperat, haud dissimiliter situm munitumque, nisi quòd apud Thalam haud longè a mœnibus aliquot fontes erant; Capsenses unà modò, atque eà intra oppidum, jugi aquà, ceterà pluviam utebantur. Id ibique, et in omni Africà, qui procul a mari incultius agebant, eò facilius tolerabatur, quia Numidæ plerumque lacte et ferinà carne vescebantur, neque salem, neque alia irritamenta gulæ quærebant: cibus illis advorsum famem atque sitim, non libidini, neque luxuriæ erat.

XC. Igitur consul, omnibus exploratis, credo, dis fretus; nam contra tantas difficultates consilio satis providere non poterat: quippe etiam frumenti inopià tentabatur, quòd Numidæ pabulo pecoris magis, quàm arvo student, et quodcumque natum fuerat, jussu regis in loca munita contulerant; ager autem aridus et frugum vacuus eà tempestate; nam æstatis extremum erat: tamen pro rei copià satis providenter exornat; pecus omne, quod superioribus diebus prædæ fuerat, equitibus auxiliariis agendum adtribuit; A. Manlium legatum cum cohortibus expeditis ad oppidum Laris, ubi stipendium et com meatum locaverat, ire jubet, se prædabundum post paucos dies eòdem venturum. Sic incepto suo occulto pergit ad flumen Tanam.

XCI. Ceterum in itinere quotidie pecus exercitui per centurias, item turmas, æqualiter distribuerat, et ex coriis utres uti fierent curabat: simul et ino-

piam frumenti lenire, et, ignaris omnibus, parare, quæ mox usui forent. Denique sexto die, quum ad flumen ventum est, maxuma vis utrius effecta. Ibi castris levi munimento positis, milites cibum capere, atque, uti simul cum occasu solis egrederentur, paratos esse jubet; omnibus sarcinis abjectis, aquâ modò seque et jumenta onerare. Dein, postquam tempus visum, castris egreditur, noctemque totam itinere facto, consedit: idem proxumâ facit: dein tertiâ, multò ante lucis adventum, pervenit in locum tumultuosum, ab Capsâ non ampliùs duàm millium intervallo; ibique, quàm occultissumè potest, cum omnibus copiis opperitur. Sed ubi dies cœpit, et Numidæ, nihil hostile metuentes, multi oppido egressi; repentè omnem equitatum, et cum his velocissimos pedites cursu tendere ad Capsam, et portas obsidere jubet: deinde ipse intentus properè sequi, neque milites prædari sinere. Quæ postquam oppidani cognovere, res trepidæ, metus ingens, malum improvisum, ad hoc pars civium extra mœnia in hostium potestate, coegere, uti deditionem facerent. Ceterùm oppidum incensum; Numidæ puberes interfecti; alii omnes venum dati; præda militibus divisa. Id facinus contra jus belli, non avaritiâ, neque scelere consulis admissum; sed quia locus Jugurthæ opportunus, nobis aditu difficilis; genus hominum mobile, infidum, neque beneficio neque metu coercitum.

XCII. POSTQUAM tantam rem Marius, sine ullo suorum incommodo, patrayit, magnus et clarus antea, major et clarior haberi cœpit. Omnia non bene consulta in virtutem trahebantur; milites modesto

imperio habiti, simul et locupletes, ad cœlum ferre; Numidæ magis quàm mortalem timere; postremò omnes socii atque hostes credere illi aut mentem divinam, aut deorum nutu cuncta portendi. Sed consul, ubi ea res bene evenit, ad alia oppida pergit: pauca, repugnantibus Numidis, capit; plura deserta, propter Capsensium miserias, igni corrumpit; luctu atque cæde omnia complentur. Denique multis locis potitus, ac plerisque exercitu incruento, ad aliam rem adgreditur, non eadem asperitate, quàm Capsensium, ceterum haud secus difficilem. Namque haud longè a flumine Muluchâ, quod Jugurthæ Bocchique regnum disjungebat, erat inter ceteram planitiem mons saxeus, mediocri castello satis patens, in immensum editus, uno perangusto aditu relicto; nam omnis naturâ, velut opere atque consulo, præceps. Quem locum Marius, quòd ibi regis thesauri erant, summâ vi capere intendit. Sed ea res forte, quàm consilio, meliùs gesta. Nam castello virorum atque armorum satis, magna vis frumenti et fons aquæ; aggeribus turribusque et aliis machinationibus locus importunus; iter castellanorum angustum admodum, utrimque præcisum. Vineæ cum ingenti periculo frustrâ agebantur. Nam quum eæ paullum processerant, igni, aut lapidibus corrumpebantur; milites neque pro opere consistere, propter iniquitatem loci, neque inter vineas sine periculo administrare; optumus quisque cadere, aut sanciri; ceteris metus augeri.

XCHL. At Marius, multis diebus et laboribus consumtis, anxius trahere cum animo, omitteretne ineptum, quoniam frustrâ erat; an fortunam op-

periretur, quâ sæpè prosperè usus. Quæ quum multos dies, noctes, æstuans agitare, fortè quidam Ligus, ex cohortibus auxiliariis miles gregarius, castris aquatum egressus, hand procul ab latere cæstelli, quod avorsum præliantibus erat, animum advortit inter saxa repentis cochleas, quarum quum unam atque alteram, dein plures peteret, studio legundi, paullatim propè ad summum montis egressus est. Ubi postquam solitudinem intellexit, more humani ingenii, cupido ignara visundi invadet. Et fortè in eo loco grandis ilex coaluerat inter saxa, paullulum modò prona, dein flexa atque aucta in altitudinem, quò cuncta gignentium natura fert; cujus ramis modò, modò eminentibus saxis nisus Ligus, castelli planitiem perscribit; quò cuncti Numidæ intenti præliantibus aderant. Exploratis omnibus, quæ mox usui fore ducebat, eadem regreditur, non temerè, uti ascenderat, sed tentans omnia et circumspiciens. Itaque Marium properè adit; acta edocet, hortatur, ab eà parte, quâ ipse descenderat, castellum tentet; pollicetur sese itineris periculique ducem. Marius cum Ligure, promissa cognitum, ex præsentibus misit; quorum, uti cujusque ingenium erat, ita rem difficilem aut facilem nunciavere. Consulis animus tamen paullum arrectus. Itaque ex copiâ tubicinum et cornicinum, numero quinque quàm velocissimos delegit, et cum his, præsidio qui forent, quatuor centuriones: omnis Liguri parere jubet, et ei negotio proximum diem constituit.

XCIV. Sæd ubi ex præcepto tempus visum, paratis compositisque omnibus ad locum pergit. Ceterum illi, qui centuriis præerant, prædocti ab duce,

arma ornatumque mutaverant, capite atque pedibus nudis, uti prospectus nisusque per saxa facilius foret; super terga gladii et scuta; verum ea numidica ex coriis, ponderis gratiâ simul, et offensa quò levius streperent. Igitur prægrediens Ligus saxa, et si quæ vêtustate radices eminebant, laqueis vinciebat, quibus adlevati facilius ascenderent. Interdum timidos insolentiâ itineris levare manu: ubi paullo asperior adscensus, singulos præ se inermos mittere; deinde ipse cum illorum armis sequi: quæ dubia nisu videbantur potissimum tentare, ac sæpius eadem adscendens descendensque, dein statim digrediens, ceteris audaciam addere. Igitur diù multumque fatigati, tandem in castellum perveniunt, desertum ab eâ parte; quòd omnes, sicuti aliis diebus, advorsum hostis aderant. Marius, ubi ex nunciis, quæ Ligus egerat, cognovit, quamquam toto die intentos prælio Numidas habuerat, tum verò cohortatus milites et ipse extra vineas egressus, testudine actâ succedere, et simul hostem tormentis sagittariisque et funditoribus eminus terrere. At Numidæ sæpè antea vineis Romanorum subvorsis, item incensis, non castelli mœnibus sese tutabantur; sed pro muro dies noctesque agitare; maledicere Romanis, ac Mario vecordiam objectare; militibus nostris, Jngurthæ servitium minari; secundis rebus feroces esse. Interim omnibus Romanis hostibusque prælio intentis, magnâ utrimque vi pro gloriâ atque imperio his, illis pro salute certantibus, repente a tergo signa canere; ac primò mulieres et pueri, qui visum processerant, fugere; deinde, uti quisque muro proximus erat, postremò cuncti armati inermesque. Quod ubi ac-

cidit, eò acriùs Romani instare, fundere, ac ple-
rosque tantummodo sauciare, dein super occisorum
corpora vadere, avidi gloriæ certantes murum petere,
neque quemquam omnium præda morari. Sic fortè
correcta Marii temeritas gloriam ex culpâ invenit.

XCIV. CETERUM, dum ea res geritur, L. Sulla,
quæstor, cum magno equitatu in castra venit; quos
ut ex Latio et a sociis cogeret, Romæ relictus erat.
Sed, quoniam tanti viri res admonuit, idoneum vi-
sum est, de naturâ cultuque ejus paucis dicere. Ne-
que enim alio locò de Sullæ rebus dicturi sumus: et
L. Sisenna optumè et diligentissumè omnium, qui
eas res dixere, persecutus, parum mihi libero ore
locutus videtur. Igitur Sulla gentis patriciæ, familiâ
propè jam extinctâ majorum ignaviâ, litteris græcis
atque latinis juxtâ atque doctissumè eruditus, ani-
mo ingenti, cupidus voluptatum, sed gloriæ cupi-
dior; otio luxurioso; tamen ab negotiis numquam
voluptas remorata, nisi quod de uxore potuit hones-
tiùs consuli: facundus, callidus, et amicitia facilis;
ad simulanda negotia altitudo ingenii incredibilis;
multarum rerum, ac maxumè pecuniæ largitor: at-
que felicissimo omnium ante civilem victoriam,
numquam super industriam fortuna fuit; multique
dubitavere, fortior, an felicior esset. Nam postea
quæ fecerit, incertum habeo, pudeat magis, an pi-
geat disserere.

XCVI. Igitur Sulla, ut suprâ dictum, postquam
in Africam atque in castra Marii cum equitatu venit,
rudis antea et ignarus belli, sollertissimus omnium
in paucis tempestatibus factus est. Ad hoc milites
benignè adpellare; multis rogantibus, aliis per se

ipse dare beneficia, invitus accipere ; sed ea prope-
rantius, quàm æs mutuum reddere: ipse ab nullo re-
petere ; magis id laborare, ut illi quàm plurimi de-
berent ; joca atque seria cum humillumis agere ; in
operibus, in agmine atque ad vigilias multus adesse ;
neque interim, quod prava ambitio solet, consulis,
aut cujusquam boni famam lædere ; tantummodo
neque consilio, neque manu priorem alium pati ; ple-
rosque antevenire. Quis rebus et artibus brevi Mario
militibusque carissimus factus.

XCVII. At Jugurtha, postquam oppidum Cap-
sam aliosque locos munitos et sibi utilis simul, et
magnam pecuniam amiserat, ad Bocchum nuncios
mittit, « quàm primùm in Numidiam copias addu-
ceret ; proelii faciendi tempus adesse ». Quem ubi
cunctari accepit, dubium belli atque pacis rationes
trahere : rursus, uti antea, proximos donis corrup-
pit, ipsique Mauro pollicetur Numidiæ partem ter-
tiam, si aut Romani Africâ expulsi, aut, integris
suis finibus, bellum compositum foret. Eo præmio
illectus Bocchus, cum magnâ multitudine Jugurtham
accedit. Ita amborum exercitu conjuncto, Marium
jam in hiberna proficiscentem, vix decimâ parte die
reliqua invadunt : rati noctem, quæ jam aderat,
victis sibi munimento fore ; et, si vicissent, nullo
impedimento, quia locorum scientes erant : contra
Romanis utrumque casum in tenebris difficiliorem.
Igitur simul consul ex multis de hostium adventu
cognovit, et ipsi hostes aderant, et prius quàm exer-
citus aut instrui, aut sarcinas colligere, denique
antè quàm signum aut imperium ullum accipere qui-
vit, equites mauri atque gætuli, non acie, neque ul-

lo more praelii, sed catervatim, uti quosque fors conglobaverat, in nostros concurrunt. Qui omnes trepidi improviso metu, ac tamen virtutis memores, aut arma capiebant, aut capientis alios ab hostibus defensabant; pars equos ascendere, obviam ire hostibus; pugna latrocinio magis, quàm praelio similis fieri; sine signis, sine ordinibus equites, pedites permixti; cedere alios, alios obtruncare, multos, contra advorsos acerrumè pugnantis, ab tergo circumvenire: neque virtus, neque arma satis tegere; quòd hostes numero plures et undique circumfusi. Denique Romani veteres, novique, et ob ea scientes belli, si quos locus, aut casus conjunxerat, orbes facere: atque ita ab omnibus partibus simul tecti et instructi hostium vim sustentabant.

XCVIII. NEQUE in eo tam aspero negotio territus Marius, aut magis, quàm antea, demisso animo fuit; sed cum turmâ suâ, quam ex fortissimis magis, quàm familiarissimis, paraverat, vagari passim; ac modò laborantibus suis succurrere; modò hostis, ubi confertissimi obstiterant, invadere: manu consulere militibus, quoniam imperare, conturbatis omnibus, non poterat. Jamque dies consumtus erat, quum tamen barbari nihil remittere; atque, uti reges præceperant, noctem pro se rati, acrius instare. Tum Marius ex copiâ rerum consilium trahit, atque, uti suis receptui locus esset, collis duos propinquos inter se occupat. Quorum in uno, castris parum amplo, fons aquæ magnus erat; alter usui opportunus, quia magnâ parte editus et præceps pauca munimento quærebat. Ceterum apud aquam Sullam cum equitibus noctem agitare jubet.

Ipse paullatim dispersos milites, neque minùs hostibus conturbatis, in unum contrahit; dein cunctos pleno gradu in collem subducit. Ita reges, loci difficultate coacti, prœlio deterrentur. Neque tamen suos longius abire sinunt, sed, utroque colle multitudine circumdato, effusi consedere. Dein crebris ignibus factis, plerumque noctis barbari suo more lætari, exsultare, strepere vocibus: ipsi duces feroces, quia non fugerent, pro victoribus agere. Sed ea cuncta Romanis ex tenebris et editioribus locis facilia visu magnoque hortamento erant.

XCIX. PLURIMUM verò Marius imperitiâ hostium confirmatus, quàm maxumum silentium haberi jubet; ne signa quidem, uti per vigilias solebant, canere; deinde, ubi lux adventabat, defessis jam hostibus et paullo antè somno captis, de improvviso vigiles, item cohortium, turmarum, legionum tubicines simul omnis signa canere, milites clamorem tollere atque portis erumpere. Mauri atque Gætuli ignoto et horribili sonitu repentè exciti, neque fugere, neque arma capere, neque omnino facere aut providere quidquam poterant. Ita cunctos strepitu, clamore, nullo subveniente, nostris instantibus, tumultu, terrore, formido, quasi vecordia, ceperat. Denique omnes fusi fugatique. Arma et signa militaria pleraque capta; pluresque eo prœlio, quàm omnibus superioribus interemti. Nam somno et metu insolito impedita fuga.

C. DEIN Marius, uti cœperat, in hiberna proficiscitur; quæ, propter commeatum, in oppidis maritum agere decreverat. Neque tamen secors victoriâ, aut insolens factus; sed pariter ac in conspectu

hostium, quadrato agmine incedere. Sulla cum equitatu apud dextumos, in sinistrâ A. Manlius cum funditoribus et sagittariis, præterea cohortes Ligu- rum curabat; primos et extremos cum expeditis manipulis tribunos locaverat. Perfugæ, minumè cari, et regionum scientissimi, hostium iter explora- bant: simul consul, quasi nullo inposito, omnia providere; apud omnis adesse; laudare, increpare merentis. Ipse armatus intentusque, item milites coge- bat, neque secùs, atque iter facere, castra mu- nire, excubitus in portas cohortis ex legionibus, pro castris equites auxiliosos mittere. Præterea alios super vallum in munimentis locare, vigilias ipse cir- cumire, non diffidentiâ futuri, quæ imperavisset, quàm uti militibus exæquatus cum imperatore labos volentibus esset. Et sanè Marius illo et aliis tempori- bus belli pudore magis, quàm malo, exercitum coer- cebat: quod multi per ambitionem fieri aiebant; pars quòd a pueritiâ consuetam duritiam, et alia, quæ ceteri miseras vocant, voluptati habuisset. Nisi ta- men res publica pariter, ac sævissimo imperio, bene atque decorè gesta.

CI. Igitur quarto denique die, haud longè ab op- pido Cirtâ unaliquè simul speculatores citi sese osten- dunt; quâ re hostis adesse intellegitur. Sed quia di- vorsis redeuntibus, alius ab aliâ parte, atque omnes idem significabant, consul incertus, quonam modo aciem instrueret, nullo ordine commutato, adversum omnia paratus, ibidem opperitur. Ita Jugurtham spes frustrata, qui copias in quatuor partis distri- buerat, ratus ex omnibus æquè aliquos ab tergo hos- tibus venturos. Interim Sulla, quem primum adti-

gerant, cohortatus suos, turmatim et quàm maxumè confertis equis ipse aliique Mauros invadunt: ceteri in loco manentes ab jaculis eminus emissis corpora tegere, et, si qui in manus venerant, obtruncare. Dum eo modo equites prœliantur, Bocchus cum peditibus, quos Volux filius ejus adduxerat, neque in priore pugnâ, in itinere morati, adfuerant, postremam Romanorum aciem invadunt. Tum Marius apud primos agebat, quòd ibi Jugurtha cum plurimis. Dein Numida, cognito Bocchi adventu, clam cum paucis ad pedites convortit: ibi latinè (nam apud Numantiam loqui didicerat) exclamat: « nos-
« tros frustrâ pugnare; paullo ante Marium suâ ma-
« nu interfectum »; simul gladium sanguine oblitum ostendere, quem in pugnâ, satis impigrè occiso peditate nostro, cruentaverat. Quod ubi milites accepere, magis atrocitate rei, quàm fide nunciî terrentur: simulque barbari animos tollere et in perculosos acriùs incedere. Jamque paullum ab fugâ aberant, quum Sulla, profligatis, quos advorsum ierat, Mauris ab latere incurrit. Bocchus statim avortitur. At Jugurtha, dum sustentare suos et propè jam adeptam victoriam retinere cupit, circumventus ab equitibus, dextrâ, sinistrâ omnibus occisis, solus inter tela hostium vitabundus erumpit. Atque interim Marius, fugatis equitibus, occurrit auxilio suis, quos pelli jam acceperat. Denique hostes undique fusi. Tum spectaculum horribile campis patentibus: sequi, fugere; occidi, capi; equi, viri afflicti; ac multi, vulneribus acceptis, neque fugere posse, neque quietem pati; niti modò, ac statim concidere: postremò omnia, quâ visus erat, constrata telis, ar-

mis, cadaveribus; et interea humus infecta sanguine.

CII. POSTEA loci consul, haud dubiè jam victor, pervenit in oppidum Cirtam, quò initio profectus intenderat. Eò post diem quintum, quàm iterum barbari malè pugnaverant, legati a Boccho veniunt, qui regis verbis ab Mario petivere, « duo quàm fidissimos ad eum mitteret; velle de se, et de populi romani commodo, cum is disserere ». Ille statim L. Sullam et A. Manlium ire jubet. Qui quamquam acciti ibant, tamen placuit verba apud regem facere; ingenium aut avorsum uti flecterent; aut cupidum pacis vehementiùs accenderent. Itaque Sulla, cujus facundiæ, non ætati, a Manlio concessum, pauca verba hujuscemodi locutus:

« Rex Bocche, magna nobis lætitia, quum te talem virum di monuere, uti aliquando pacem quam bellum malles; neu te optimum cum pessumo omnium Jugurthà miscendo commaculares; simul nobis demeres acerbam necessitudinem, pariter te errantem et illum sceleratissimum persequi. Ad hoc, populo romano jam inopi visum amicos quam servos quærere; tutius rati volentibus quam coactis imperitare. Tibi verò nulla opportunior nostrà amicitia: primùm, quòd procul absumus, in quo offensæ minimùm, gratia par ac si propè adessemus; dein, quòd parentes abundè habemus, amicorum neque nobis, neque cuiquam omnium, satis. Atque hoc utinam a principio tibi placuisset! profectò ex populo romano multò plura bona accepisses, quàm mala perpessus esses. Sed quoniam humanarum rerum fortuna pleraque regit; cui scilicet placuisse et vim, et gratiam nostram expe-

« riri : nunc , quando per illam licet , festina , atque ,
 » ut cœpisti , perge . Multa atque opportuna habes ,
 » quò faciliùs errata officiis superes . Postremò hoc in
 » pectus tuum demitte , nūquam populum romanum
 » beneficiis victum . Nam bello quid valeat tute scis . »

Ad ea Bocchus placidè et benignè ; simul pauca
 pro delicto verba facit : « Se non hostili animo , sed
 » regnum tutatum , arma cepisse : nam Numidiæ
 » partem , unde vi Jugurtham expulerat , jure belli
 » suam factam , eam vastari ab Mario pati nequivisse :
 » præterea missis antea Romam legatis , repulsum ab
 » amicitia . Ceterum vetera omittere , ac tum , si per
 » Marium liceret , legatos ad senatum missurum » .
 Dein , copiâ factâ , animus barbari ab amicis flexus ,
 quos Jugurtha , cognitâ legatione Sullæ et Manlii ,
 metnens id quod parabatur , donis corruerat .

CIII. MARIUS interea , exercitu in hibernis compo-
 sito , cum expeditis cohortibus et parte equitatûs
 proficiscitur in loca sola , obsessum turrin regiam ,
 quò Jugurtha perfugas omnis præsidium imposuerat .
 Tum rursus Bocchus , seu reputando quæ sibi duo-
 bus præliis venerant , seu admonitus ab amicis , quos
 incorruptos Jugurtha reliquerat , ex omni copiâ ne-
 cessariorum quinque delegit , quorum et fides cogni-
 ta , et ingenia validissima erant . Eos ad Marium , ac
 dein , si placeat , Romam legatos ire jubet ; agenda-
 rum rerum , et quocumque modo belli componen-
 di licentiam permittit . Illi maturè ad hiberna Roma-
 norum proficiscuntur : deinde itinere a gætulis la-
 tronibus circumventi spoliatique , pavidî , sine decore
 ad Sullam perfugiunt ; quem consul in expeditionem
 proficiscens pro prætore reliquerat . Eos ille non pro

vanis hostibus, ut meriti erant, sed adcuratè ac liberaliter habuit. Quà re barbari et famam Romanorum avaritiæ falsam, et Sullam, ob munificentiam in sese, amicum rati. Nam etiam tum largitio multis ignara; munificus nemo putabatur, nisi pariter volens; dona omnia in benignitate habebantur. Igitur quæstori mandata Bocchi patefaciunt; simul ab eo petunt, uti fautor consultorque sibi adsit: copias, fidem, magnitudinem regis sui, et alia quæ aut utilia, aut benevolentiae credebant, oratione extollunt: dein, Sullâ omnia pollicito, docti quo modo apud Marium, item apud senatum verba facerent, circiter dies xl ibidem opperiantur.

CIV. MARIUS, postquam infecto quò intenderat negotio, Cirtam redit; de adventu legatorum certior factus, illosque et Sullam venire jubet, item L. Bellienum prætorem Uticâ, præterea omnis undique senatorii ordinis, quibuscum mandata Bocchi cognoscit. Legatis potestas eundi Romam fit ab consule: interea induciæ postulabantur. Ea Sullæ et plerisque placuere: pauci ferociùs decernunt, scilicet ignari humanarum rerum, quæ fluxæ et mobiles semper in advorsa mutant. Ceterùm Mauri, impletis omnibus rebus, tres Romam profecti cum Cn. Octavio Rufo, qui quæstor stipendium in Africam portaverat: duo ad regem redeunt. Ex his Bocchus cum cetera, tum maxumè benignitatem et studium Sullæ lubens accepit. Romæ legatis ejus, postquam errasse regem et Jugurthæ scelere lapsum, deprecati sunt, amicitiam et fœdus petentibus hoc modo respondetur.

« Senatus et populus romanus beneficii et injuriæ

« memor esse solet. Ceterum Boccho, quoniam potest nitet, delicti gratiam facit. Fœdus et amicitia dantur, quum meruerit. »

CV. Quis rebus cognitis, Bocchus per litteras a Mario petivit uti Sullam ad se mitteret; cujus arbitratu de communibus negotiis consuleretur. Is missus cum præsidio equitum atque peditum, funditorum balæarum; præterea sagittarii et cohors peligna cum velitaribus armis, itineris properandi causâ; neque his secus, atque aliis armis, adversum tela hostium, quod ea levia sunt, muniti. Sed itinere, quinto denique die, Volux, filius Bocchi, repente in campis patentibus cum mille non amplius equitibus sese ostendit; qui temerè et effusè euntes, Sullæ aliisque omnibus et numerum ampliorem vero, et hostilem metum efficiebant. Igitur sese quisque expedire, arma atque tela tentare, intendere; timor aliquantulus, sed spes amplior, quippe victoribus, et adversum eos quos sæpè vicerunt. Interim equites exploratum præmissi rem, uti erat, quietam nunciant.

CVI. Volux adveniens quæstorem adpellat, « se a patre Boccho obviam illis simul, et præsidio missum ». Deinde eum et proximum diem sine metu conjuncti eunt. Post, ubi castra locata, et die vesper erat, repente Maurus incerto voltu ad Sullam adcurrit: « sibi ex speculatoribus cognitum Jugurtham haud procul abesse »: simul, uti noctu clam secum profugeret, rogat atque hortatur. Ille animo feroci negat « se toties fusum Numidam pertimescere: « virtuti suorum satis credere; etiam si certa pestis adesset, mansurum potius quam, proditis quos

« ducebat, turpi fugâ incertæ ac forsitan pòst paulo morbo interituræ vitæ parceret ». Ceterùm ab eodem monitus, uti noctu proficiscerentur, consilium adprobat; ac statim milites cœnatos esse, in castris ignis quàm creberrimos fieri, dein primâ vigiliâ silentio egredi jubet. Jamque nocturno itinere fessis omnibus, Sulla pariter cum ortu solis castra metabatur, quum equites Mauri nunciant Jugurtham circiter duùm millium intervallo antè consedissee. Quod postquam auditum, tum verò ingens metus nostros invadit; credere proditos a Voluce et insidiis circumventos. Ac fuere qui dicerent manu vindicandum, neque apud illum tantum scelus inultum relinquendum.

CVII. At Sulla, quamquam eadem æstumabat, tamen ab injuriâ Maurum prohibet; suos hortatur, « uti fortem animum gererent; sæpè antea paucis « strenuis advorsum multitudinem bene pugnatum; « quantò sibi in prælio minùs pepercissent, tantò « tutiores fore; nec quemquam decere, qui manus « armaverit, ab inermis pedibus auxilium petere, in « maximo metu nudum et cæcum corpus ad hostis « vortere ». Deinde Volucem, quoniam hostilia faceret, maxumum Jovem obtestatus, ut sceleris atque perfidiæ Bocchi testis adesset, castris abire jubet. Ille lacrumans orare, « ne ea crederet; nihil « dolo factum, magis calliditate Jugurthæ, cui speculanti iter suum cognitum esset. Ceterùm, quoniam « niam neque ingentem multitudinem haberet, et « spes opesque ejus ex patre suo penderent, illum « nihil palàm ausurum, quum ipse filius testis adesset; quare optimum factum videri, per media

« ejus castra palàm transire, sese, vel præmissis, vel
 « ibidem relictis Mauris, solum cum Sullâ iturum ». Ea res, ut in tali negotio, probata, ac statim profec-
 ti; quia de improvviso acciderant, dubio atque hæsi-
 tante Jugurthâ, incolumes transeunt. Deinde paucis
 diebus, quò ire intenderant, perventum.

CVIII. Ibi cum Boccho Numida quidam, Aspâr
 nomine, multùm et familiariter agebat: præmissus
 ab Jugurthâ, postquam Sullam accitum audierat,
 orator, et subdolè speculatum Bocchi consilia; præ-
 terea Dabar, Massugradæ filius, ex gente Masinissæ,
 ceterùm materno genere impar: pater ejus ex con-
 cubinâ ortus erat; Mauro ob ingenii multa bona
 carus acceptusque: quem Bocchus fidum Romanis
 multis antea tempestatibus expertus, illico ad Sullam
 nunciatum mittit, « paratum sese facere quæ popu-
 « lus romanus vellet: colloquio diem, locum, tem-
 « pus ipse deligeret: consulta sese omnia cum illo
 « integra habere, neu Jugurthæ legatum pertimes-
 « ceret; quò res communis licentiùs gereretur; nam
 « ab insidiis ejus aliter caveri nequivisse ». Sed ego
 compertior Bocchum magis punicâ fide, quàm ob
 quæ prædicabat, simul Romanos et Numidam spe
 pacis adtinuisse, multùmque cum animo suo volvere
 solitum, Jugurtham Romanis, an illi Sullam trade-
 ret; lubricam adversam nos, metum pro nobis sua-
 sisse.

CIX. Iam Sullâ: « pauca coram Aspare locutu-
 « rum; cetera occultè, aut nullo, aut quàm paucis-
 « sumis præsentibus»: simul edocat quæ responde-
 rentur. Postquam, sicuti voluerat, congressi, dicit:
 « se missum a consule venisse quæsitum ab eo pacem,

« an bellum agitaturus foret ». Tum rex, uti præceptum, post diem decimum redire jubet; ac nihil etiam nunc decrevisse, sed illo die responsurum. Deinde ambo in sua castra digressi. Sed ubi plerumque noctis processit, Sulla a Boccho occultè arcessitur: ab utroque tantummodo fidi interpretes adhibentur: præterea Dabar internuncius, sanctus vir et ex sententiâ ambobus. Ac statim sic rex incipit:

CX. « NUMQUAM ego ratus sum fore, uti rex maximus in hac terrâ, et omnium, quos novi, privato homini gratiam deberem. Et herclè, Sulla, ante te cognitum, multis orantibus, aliis ultro egomet opem tuli; nullius indigui. Id imminutum, quod ceteri dolere solent, ego lætor: fuerit mihi egnisse aliquando amicitie tuæ, quâ apud animum meum nihil carius habeo. Id adeo experiri licet: arma, viros, pecuniam, postremò quidquid animo lubet, sume, utere; et, quoad vives, numquam redditam gratiam putaveris; semper apud me integra erit: denique nihil, me sciente, frustrâ voles. Nam, ut ego æstumo, regem armis quàm munificentia vinci minùs flagitiosum. Ceteràm de re publicâ vestrâ, cujus curator huc missus es, paucis accipe. Bellum ego populo romano neque feci, neque factum umquam volui: finis meos advorsum armatos armis tutus sum. Id omitto, quando vobis ita placet: gerite, uti voltis, cum Jugurthâ bellum. Ego flumen Mulucham, quod inter me et Micipsam fuit, non egrediar, neque Jugurtham id intrare sinam. Præterea si quid meque vobisque dignum petiveris, haud repulsus abibis. »

CXI. Ad ea Sulla pro se breviter et modicè; de

pace et de communibus rebus multis disseruit. Denique regi patefacit, « quod polliceatur, senatum et
 « populum romanum, quoniam ampliùs armis valuisse, non in gratiam habituros : faciundum
 « aliquid, quod illorum magis quàm suà retulisse videretur; id adeo in promptu esse, quoniam Jugurthæ copiam haberet : quem si Romanis tradisset, fore uti illi plurimùm deberetur; amicitiam, foedus, Numidiæ partem, quam nunc peteret, ultrò adventuram ». Rex primò negitare : « ad finitatem, cognationem, præterea foedus intervenisse : ad hoc metuere ne, fluxâ fide usus, populum larium animos avorteret; quis et Jugurtha carus, et Romani invisi erant ». Denique sæpiùs fatigatus, leniter et ex voluntate Sullæ omnia se facturum promittit. Ceterùm ad simulandam pacem, cujus Numida, defessus bello, avidissimus, quæ utilia visa constituunt. Ita composito dolo, digrediuntur.

CXII. At rex postero die Asparem, Jugurthæ legatum, adpellat : « sibi per Dabarem ex Sullâ cognitum posse conditionibus bellum componi : quamobrem regis sui sententiam exquireret ». Ille lætus in castra Jugurthæ venit. Deinde ab illo cuncta edoctus, properato itinere, post diem octavum redit ad Bocchum, et ei nunciat, « Jugurtham cupere omnia quæ imperarentur, facere; sed Mario parum confidere; sæpè antea cum imperatoribus romanis pacem conventam frustrà fuisse. Ceterùm si ambobus consultum et ratam pacem vellèt, daret operam ut unà ab omnibus, quasi de pace, in colloquium veniretur; ibique sibi Sullam traderet. Quum talem virum in potestatem haberet, fore

« uti jussu senatûs atque populi romani fœdus fieret: neque hominem nobilem, non suâ ignaviâ, sed ob rempublicam, in hostium potestate relictum iri. »

CXIII. HÆC Maurus secum ipse diù volvens tandem promisit. Ceterùm dolo, an verè, parum comperimus. Sed plerumque regiæ voluntates, ut vehementes, sic mobiles, sæpè ipsæ sibi advorsæ. Postea tempore et loco constituto, in colloquium uti de pace veniretur, Bocchus Sullam modò, modò Jugurthæ legatum adpellare, benignè habere, idem ambobus polliceri. Illi pariter læti, ac spei bonæ pleni. Sed, nocte eâ quæ proxima fuit ante diem colloquio decretum, Maurus adhibitis amicis, ac statim immutatâ voluntate remotis, dicitur secum ipse multa agitavisse, vultu, colore, ac motu corporis pariter, atque animo varius; quæ scilicet, tacente ipso, occulta pectoris patefecisse. Tamen postremò Sullam arcessiri jubet, et ex ejus sententiâ Numidæ insidias tendit. Deinde, ubi dies advenit, et ei nunciatum est Jugurtham haud procul abesse, cum paucis amicis et quæstore nostro, quasi obviis honoris causâ, procedit in tumultum, facillimum visu insidiantibus. Eòdem Numida cum plerisque necessariis suis, inermis, ut dictum, accedit; ac statim, signo dato, undique simul ex insidiis invaditur. Ceteri obtruncati; Jugurtha Sullæ vinctus traditur, et ab eo ad Marium deductus.

CXIV. PRAE idem tempus advorsum Gallos ab ducebimus nostris Q. Cæpione et Manlio malè pugnatum. Quo metu Italia omnis contremuerat. Illique et inde ad nostram memoriam Romani sic habuere: alia om-

150 C. CRISPI SALLUSTII JUGURTHA.

nia virtuti suæ prona esse; cum Gallis pro salute, non pro gloriâ, certare. Sed postquàm bellum in Numidiâ confectum, et Jugurtham vinctum adduci Romam nunciatum est; Marius cōsul absens factus, et ei decreta provincia Gallia. Iaque kalendis januariis magnâ gloriâ consul triumphavit. Eâ tempestate spēs atque opes civitatis in illo sitæ.

FINIS.

4577.29

